

# ДЕЙД КАРНЕГИ

Карьера құлувчилар учун зарур қўлланма

Ишчан қиёфа яратиш

Фаолият турини ўзгартыриш

Янги иш қидириш – резюме ва интервью

Менежмент кўникмаларини такомиллаштириш

Амалий ёзишмалар кўникмаларини такомиллаштириш

Оммавий чиқишлиар кўникмаларини такомиллаштириш

Ходимлар билан ишлаш кўникмаларини такомиллаштириш

# МАНСАБ ПИЛЛАПОЯЛАРИДАН

# ҚАНДАЙ КҮТАРИЛИШ МУМКИН

# ДЕЙЛ КАРНЕГИ

Аудиокнига

# МАНСАБ КАНДАЙ



**УЎК: 159.9**

**КБК: 88.3**

**К – 25**

**Карнеги, Дейл**

Мансаб пиллапояларидан қандай кўтарилиш мумкин. Дейл Карнеги / Таржимонлар: Иброҳимжон Ҳалимбеков, Рустам Жабборов. – Тошкент: Янги аср авлоди, 2018. – 272 б.

**ISBN 978-9943-27-805-9**

Маълум бир соҳада фаолият юритаётган кишининг хизмат пиллапояларидан юкори лавозимларга интилиши табиий ҳол. Билим ва тажриба, узоқ ийлиллик сиддиқидан қилингган меҳнат албатта мақсадга етаклайди. Аммо бу борада амал қилиниши керак бўлган қоидалар бор-ки, иш қидиришдан бошлиб, раҳбар билан юзма-юз мулоқот қилишта, резюме тузишга, қолаверса, иш жойининг ўзида ишчан қиёфа яратиш каби нозик масалаларга жиддий ёндашиш талаб қилинади.

Машҳур нотик, Дейл Карнеги худди шулар юзасидан ўзи ишлаб чиққан тамойилларни тақдим этади. Унинг фикр ва тавсиялари кўпгина инсонларнинг ҳақиқатан хизмат пиллапояларидан кўтарилишларига асос бўлган.

Китоб кенг ўқувчилар оммасига мўлжалланган.

**УЎК: 159.9**

**КБК: 88.3**

**Русчадан  
Иброҳимжон Ҳалимбеков,  
Рустам Жабборов  
таржимаси**

**ISBN 978-9943-27-805-9**


© Дейл Карнеги, «Мансаб пиллапояларидан қандай кўтарилиш мумкин». «Янги аср авлоди», 2018 йил.

## СҮЗБОШИ

Кўпчилик инсонларнинг ҳаётида иш ўз аҳамияти жиҳатидан оиладан кейинги ўринда туради. Ишчилар, хизматчилар, сотувчилар, шифокорлар, тадбиркорлар, мухандислар ва ўқитувчилар ҳар қандай вазиятда ўз ишларига кўпроқ вақт ажратадилар.

Касб танлаш кўпгина омилларга боғлиқ. Баъзи одамлар ишга киришишдан олдин ўzlари ишламоқчи бўлган муҳитни синчилаб ўрганадилар, интенсив тайёргарлик ва малака ошириш курсларини ўтайдилар. Бошқа тоифа одамлар эса, тасодифий вазият оқимига кўра, у ёки бу меҳнат муҳитига тушиб қоладилар. Айрим одамлар ўз касбларини севишиди, баъзилари ёмон кўришади, кўпчилик эса, ўzlари шуғуланаётган ишга ночор кўнияди, аммо бу билан ўzlарини баҳтили ҳис этишмайди.

Баъзи одамлар учун мансаб янада юкорироқ лавозимга олиб чиқадиган поғонадан бошқа нарса эмас. Бу тоифадаги кишилар ўzlари кўзлаган натижага эришмагунча тиним билмай ишлашади, тер тўкишади. Ўз



даражасидан юқори интилмайдиганлар ҳам күпчиликни ташкил этади. Бу китоб биринчи гурухта мансуб эркак ва аёллар учун мүлжаллаб ёзилган, лекин нафақа-га чиққунча биттә лавозимда қолишининг уятли томони йўқ.

*2010 йилда социолог Марси  
Нью-Йоркдаги энг яхши  
үқитувчи деб топилган. Бу  
аёлга университет декани  
бўлишини тавсия этишди, бироқ  
у факатгина дарс беришдан  
завқ олишини, касби ўзига  
ёқишини, маъмурий иш билан  
шугулланишига хоҳиши йўқлигини  
айтиб, бу лавозимдан воз  
кечди. Марси ўз қароридан  
афсусланмади ва кўп йиллар  
давомида дарс берди.*

Кўпинча мансаб пиллапояларидан кўта-рилиш инсонни севимли касбидаги ижобий хислатларидан маҳрум этиши мумкин.

Агар сиз чиндан ҳам мансаб погоналари-дан кўтарилишни истайдиганлар тоифасига кирсангиз, чўққига олиб чикувчи йўлнинг оралиқ позицияларини дикқат билан ўрганинг. Ишбилармонлик олами юксакликка бўлган интилишни икки хил кўринишда юзага чиқаради: одамлар ва жараёнлар устидан назорат ўрнатувчи бошқарув йўли ҳамда турли хил маъмурий масалаларни ечишга қаратилган маъмурий йўл.

Китобнинг биринчи қисми мақсаднинг амалга ошиши, яъни юксак лавозимга эришишга тайёргарлик кўришга бағишлиган. Энг аввало бошлиқ, ҳамкаслар ва ходимларда ижобий таассурот уйгота оладиган ишчан имиж яратиши лозим. Бундан ташқари, шахсий брендни яратиш, яъни сизни рақобатчилар сафидан олдинга олиб чиқадиган индивидуал жиҳатларни намоён этишга диққат қаратиш керак. Баъзилар юқори мансабга қаттиқ интилишади, аммо куттилган натижага эришгач, ўз мутахассисликлари бўйича ишлолмай, ҳафсалалари пир бўлади.

Китобда муайян тажриба ва кўникмаларни ривожлантириш мақсадида бошқа-

*Ўт олдириш контакт  
тизими асосчиси Чарльз  
Кеттеринг «Женерал моторс»  
компанияси вице-президенти  
бўлганидан сўнг, ўз  
лавозимини пасайтиришларини  
сўрайди: чунки бошқарув  
фаолияти унинг ижодий  
салоҳиятини намоён этишга  
тўскىнлик қила бошлаган эди.*

Рув лавозимларининг асосий тавсифлари батафсил муҳокама қилинади.

Китобнинг иккинчи қисмida мартабани ошириш учун зарур бўладиган амалий ҳаракатлар ҳақида сўз боради.

• Битта корхона ичида ўсиб бориши:

- имкониятлар таҳлили;
- ўзини тақдим этиши;
- боиқа лавозимга ўтиши;
- кўтарилиши;

• Бошқарув жараёнларидағи таянч билимларни эгаллаши;

– режалаштириш, вакил юбориш, вақтни бошқариш.

• Одамларни бошқариш кўникмаларини тақомиллаштириш:

– тушуниш ва ходимларга тушунтириш:

• Нотиклик кўникмаларини ривожлантириш:

– самарали оммавий чиқишиларни тайёрлаш ва ташкил этиши:

• Ёзув кўникмаларини ривожлантириш:

– иш юзасидан ёзишмалар, хизмат қайдлари, маъruzалар ва электрон хабарлар.

• Янги иш излаш (манбалар):

– кадрлар агентлиги;

– бошқарув гурӯҳини саралаш бўйича мутахассислар;

– бандлик масалалари бўйича маслаҳатчилар;

• Янги иш излаш (маблағ):

– резюме ёзиш ва ундан фойдаланиши;

– сұхбатдан мұваффақиятли ўтиши;

- Фаолият турини ўзгартириш:
- қарор қабул қилиш;
- янги касб танлаш.

*Хизмат тиллапоялари  
бүйлаб ҳаракатланиш  
ёкимли ва қызық  
саргузаштга ўхшайды.  
Сиз бу билан нафақат  
молиявий даромадларингиз,  
балки ташкилотда ва  
жамиятдаги мавқеингизни  
ҳам оширасиз. Энг асосийси,  
иши сизга битмас-туганмас  
завқ багишлайды. Юксак  
марраларни зabit этиш  
осон эмас, аммо сиз күч-  
гайратингизни аямасангиз,  
ҳаммасига эришасиз.*

## **БИРИНЧИ БОБ**

### **ИШЧАН ҚИЁФА ЯРАТИШ**

Шекспирнинг шундай ҳикматли сўзлари бор: баъзилар омадли бўлиб туғиладилар, бошқалар омадни қўлга киритадилар, омад айримларнинг оёғи остидан чиқади.

Жуда кам одамларгагина омад кулиб боқади, кўпчилик эса омадга эришиш учун қатъий интилиши, меҳнат қилиши, асосийси ўзига ишониши керак. Бошқаларга эргашиш керак эмас, ҳар кимнинг ўз йўли бор. Аввал бошдан сиз ўз карьерангизни назорат остига олишингиз ва ҳеч қаҷон уни қўлдан чиқармаслигингиз керак.

*Йўллар сенга келса-да малол,  
Учраса-да не-не тўсиқлар,  
Тақдирингни ўз қўлингга ол,  
Сени кутар улкан ютуқлар.*

**Уильям Хенли**

Муваффақият сари илк одим – юксак мэрралар сари учишга тайёр турган ишбилиармон одамнинг шахсий имижини яратишдан иборат. Шахсий имиж – бу атрофингиздагилар томонидан юбориладиган: «қаранг, менинг табиатим қандай» деган мазмундаги ўзига хос номадирки, у сизнинг сўзларингиз ва амалларингизда акс

этиши керак. Шахсий имиж сизни одамлар орасидан яққол ажратиб күрсатади ва шу тариқа бошқаларнинг диққатини тортасиз, ёдида қоласиз. Сизни имкон қадар муаммоларга самарали ечим топадиган, жамоа билан ишлайдиган, мураккаб вазиятлардан осонгина чиқиб кетишга қодир инсон сифатида эслаб қолишлари лозим. Сизни ҳар доим мулойим, жонкуяр, ўз касбининг устаси сифатида қабул қилишин. Бундай имижни қалбакилаштириб бўлмайди. У фақат табиий ва ҳаққоний бўлсин.

### **Ўз-ўзига ишонч қаердан келади?**

Кучли шахсий имижни шакллантириш ва ушлаб туришнинг асосий жиҳати ўз-ўзига бўлган ишончда кўринади. У бир қанча таркибий қисмларни ўз ичига олади.

### **Ўз-ўзига муносиб баҳо бериш**

Ўз-ўзига муносиб баҳо бериш инсоннинг ўз камчиликларини тўла-тўкис билгани ҳолда асосий эътиборни ижобий хислатларга қаратишида намоён бўлади. Айнан ижобий жиҳатларга кўпроқ эътибор қаратилганда инсонда ўзига нисбатан ишонч ортиб боради. Бироқ айрим одамлар кўпроқ ўзларининг камчиликлари, ожиз тарафлари билан овора бўлиб, ички ишончни камайтириб юборишиади. Сиз ижобий жиҳатларингизга ўзингиз ва атрофдагиларнинг диққатини жалб қила олишингиз керак.

## Ўз-ўзини ҳурмат қилиш

Ўзингизга ҳурматингизни ошириш учун ўтмишда эришган ютуқларингиз, ғалабаларингиз, одамларга қилган яхшиликларингизни тез-тез эсланг. Омадсизликларни эслаш осон, уларни эслатишга ҳавасмандлар хам ҳамиша топилади. Келажагингизни ўзгартириш ва ўзингизга бўлган ишончни мустаҳкамлаш учун тез-тез ўз ютуқларингизни ёдга олинг.

*Хаёлан муваффақиятли  
инсон образини яратинг ва  
уни тез-тез кўз олдингизга  
келтиришга ҳаракат қилинг.*

*Бу тимсол аниқ ва ёрқин  
бўлиши керак. Сизнинг  
тафаккурингиз бу образни  
рўёбга чиқариш йўлларини  
излай бошлайди. Хеч қачон  
хаёлий зиддиятларни тасаввур  
қилмасликка урининг.*

**Норман Винсент Пил**

Самарали машғулотлардан бири «омад каталоги», яъни барча эришган кўрсаткичларнгиз рўйхатини тузишдир. Аввалига бу иш бир оз қийиндек туюлади, лекин бу рўйхат кенгайгани сари ўзингизга ишонч ҳам ортиб боради. Махсус папка тутиб, унинг ичини бугунданоқ эришган ютуқларингиз ҳақидаги қайдлар ва ҳужжатлар билан тўлдиришни бошланг. Унга

мактабда олган мақтөв ёрлиқларингиз, раҳбарлар билан хизмат ёзишмалари, сизга турли ташкилотлар, миҷозлар, оддий фуқаролардан келган ташаккурномалар, сертификатларни жойлашингиз мумкин. Сиз фахрланиб юрадиган ютуқларингиз рўйхатини тузиб, уни кўзга қўринадиган жойга илиб қўйинг. Қийин аҳволга тушганингизда, бу вазиятдан чиқиб кетиш йўлини тополмай қолганингизда, ўзингизга ишончни йўқотиб қўйганингизда ушбу папкани очиб, ўтмишдаги муваффақиятларингизни эслант. Ишонинг, сиз янада каттароқ ишларни қилишга қодирсиз.

### **Ўзингизни тартибга келтиринг**

Вақти-вақти билан ҳамма ўз-ўзига гапириб туради. Асосийси, сиз ўзингизга нималарни гапирасиз? Фақат яхши нарсалар ҳақида, далил-исботи билан гапиришга ҳаракат қилинг. Шунда ўзингизга берган баҳоингиз ҳам, ютуқларингиз каталоги ҳам сизга катта фойда келтиради. Далилларингиз қанча кўп бўлса, ўзингизни тартибга солишингиз ҳам шунча кўп самарали кечади. Шу таҳлит сиз вазият устидан, хусусан, ўз фикрларингиз устидан ҳукмронликни қўйла киритасиз.

### **Таваккал қилишга тайёр туринг**

Ўзингизга ишончни мустаҳкамланг, шунингдек, таваккал қилишга ҳамда жавобгарликни бўйнингизга олишга тайёр туринг. Ҳар бир ҳолатни ғалаба ёки курашга

баҳона эмас, ниманидир ўрганиш учун имконият сифатида қабул қилинг. Шу тариқа сиз янги имкониятлар эшигини очасиз ва ўзингизга нисбатан ишончни мустаҳкамлайсиз. Акс ҳолда шахсий муваффақиятлар суръатини секинлаштириб, очилаётган имкониятлар қаршисидаги қўрқувни кучайтирасиз. Бу эса сизни омадсизлик сари етаклайди.

### **Илк таассурот**

Илк таассурот энг ёдда қоларли хотира-дир ва улар асосан ilk сухбат ёки учрашув онларида шакланади.

### **Ташқи кўриниш**

Кийим-бош мұхим аҳамиятта эга. Сизга бўлган муносабат кўпинча ташқи кўринишингизга қараб белгиланади. Яхши таассурот қолдириши учун Адонис ёки Венера (қадимги Рим мифологиясидаги илоҳалар – тарж.) бўлиш шарт эмас, факат ёкимли қиёфада, чиройли кийимда бўлсангиз бас.

Ташқи кўриниш компаниядаги ўрнингизни белгилаши мумкин бўлган раҳбар билан танишув чоғида ёки ишга кириш олдидан ўтиладиган сухбатда мұхим аҳамиятта эга. Бу омил сизнинг муваффақиятларингиз даражасини оширади ёки туширади. Кийим-кечак, пардоз, соч турмаги, ташқи безаклар – сиз ҳақингизда ilk таассурот уйғотишга хизмат қиласиди.

Озодаликка амал қилинг. Ифлос тирноқлар, бармоқ учидаги доғлар, ғижим ёқа, тараалмаган соч, эски туфли бефарқ инсон эканингизни кўрсатади ва бу, албатта, сизнинг зарарингизга хизмат қиласди.

Ишбилармонлардек кийининг. Бир коллеж битириувчиси клиника лаборанти лавозимига ишга кириш учун сухбатдан ўтолмади. Бунга қизнинг сухбатга шиппак кийиб келгани сабаб бўлди.

*Илк учрашувда консерватив  
усулда кийинишига ҳаракат  
қилинг. Кийимингиз замонавий  
бўлиши шарт. Унумтманг,  
дид билан турмакланган ёки  
қисқартирилган соч, тоза  
туфли, меъёрдаги пардоз ва  
шу каби бошқа кўрсаткичлар  
хоҳ ихтиёрий, хоҳ беихтиёр  
бўлсин, ҳамсухбатингизни  
дарров ўзига жалб этади.*

Ўз ташқи қўринишингизга танқидий қўз билан қаранг. Бу қўпгина хатоларнинг олдини олади. Учрашувга чиқишдан олдин ойна олдида туриб, ўзингизга бошдан-оёқ разм солинг. Имкон бўлса, бу борада мувваффакият қозонган танишларингиздан ташқи қўринишингиз ҳақидаги фикрларини сўранг. Уларнинг қўпчилиги ким билан учрашишингизга қараб маслаҳат беришади.

Омадли одамлар қандай кийинишига диққат қилинг. Кийиниш услуби фаоли-

ят турига қараб ўзгаради. Масалан, мода саноати ходимлари янги трендларни кузатиб боришади ва сўнгги модага мувофиқ кийинишиди. Кўнгилочар соҳаларда хизмат қилувчилар нисбатан эркин кийинишиди ва соч турмагига унча эътибор қилишмайди. Мисол учун, график дизайнери иш юзасидан учрашувларга спорт кийимида келса, бунга ҳеч ким эътибор бермаслиги мумкин, лекин банкир шундай йўл тутса, буни бемаъниликка йўйишиди.

*Тасаввур қилинг, сиз билан учрашаётган ҳар бир одамнинг бўйнида биргина медальон осилган бўлиб, унда шундай сўзларни ўқиши мумкин: «Сени ўзимга керакли одам деб қабул қилишимга мажбур эт». Шунда сиз нафақат тижорат, балки шахсий ҳаётда ҳам муваффақиятга эришасиз!»*

### Ўзингизни очиқ тутинг

Сиз директорлар, мижозлар ёки бизнес ҳамкорлар ўтирган хонага кириб борсангиз, уларнинг ҳар бирида «мен билан очиқ-ойдин таплашармикин?» деган савол туғилади. Агар очиқ мулоқот юритсангиз, бу сизга кутилган самарани беради. Янги

дўстлар орттирасиз, ҳамкорлар билан танишасиз. Акс ҳолда, сизга яхшигина фойда келтириши мумкин бўлган имкониятларни қўлдан чиқарасиз.

### Телефондаги ilk таассурот

Гоҳида инсон ҳақидаги ilk таассурот телефон алоқасидаёқ шаклланади. Сухбатдошингиз мижоз, йирик иш берувчи, сизнинг бўлимингизга ишга кириш учун номзод ёки давлат ташкилотининг вакили бўлиши мумкин. Телефондаги қисқа сухбат асосида сиз қолдирган таассурот келгусида сухбатдошингизда унинг сиз ва компаниянингизга нисбатан муносабатига замин яратади.

Женнифер асабий ҳолатда ўтиради: бир ҳафта аввал сотиб олган кир ювиш машинаси бузилиб қолди. Қиз менежер билан боғланиш учун дўконга сим қоқди. Олтита гудокдан кейин гўшакни олишди.

– «Жонс эпликэйшнз» майший техника дўкони эшитади, илтимос, кутиб туринг.

Оператор жавоб бергунига қадар Женнифернинг назарида соатлар ўтгандек бўлди.

– Жонс эпликэйшнз» майший техника дўкони, нима хизмат?

– Менга менежер керак эди.

– Нима масала бўйича?

– Бир ой аввал сизлардан сотиб олган кир ювиш машинаси бузилиб қолди.

– Сизга менежер керакмас, ҳозир сервис хизмати билан улайман.

Навбатдаги узоқ кутишдан сүнг сервис хизмати раҳбари гўшакни кўтарди. Женифернинг гапини охиригача эшитмай унинг гапини бўлди:

– Кечирасиз, сизга ёрдам беролмаймиз. Ишлаб чиқарувчига телефон қилинг. Манзили кафолат талонида кўрсатилган. – У гўшакни тарақлатиб қўйди.

Нима деб ўйлайсиз, Женифер у дўконга қайтиб қадам босадими?

*Сұхбатдошингизда яхши  
таассурот қолдириши  
учун унинг қўнгирогига  
куттирмасдан жавоб беринг.*

*Агар бир оз кутишга тўғри  
келса, мижозлар билан  
ишловчи ходим бу ҳақда  
қўнгироқ эгасини огоҳлантириши  
лозим. Шунда у вақтига  
қараб ё алоқани узади, ё  
кейинроқ қайта телефон  
қиласди.*


Сұхбатдошингизга муаммони батафсил тушунтиришига имкон беринг. Агар бу муаммони сиз еча олмасангиз, мижозга уни қаерда, қандай ҳал этиш мумкинлиги ҳақида имкон қадар қўпроқ тушунча беринг. Гўшакни илишдан аввал унга яна қандай ёрдамингиз тегиши мумкинлиги ҳақида сўранг ва албатта, қўнғироғи учун миннатдорчилик билдиринг.

## Ёзишмалардаги илк таассурот

Вақтни бошқариш бўйича семинарда Уорренга хизмат ёзишмалари учун ажратилган вақтни имкон қадар қисқартириш, ҳатто биргина сўз ёки жумла билан кифояланишни маслаҳат беришди. Уоррен бу маслаҳатни қабул қилди ва амалда жорий этди. Вақтни бу таҳлит тежашга киришган эди, бироқ бу билан компания имижига зиён етди. Иирик ҳамкорлар Уоррен билан ҳамкорликка чек қўйишиди. Чунки унинг хизмат ёзишмаларига бўлган муносабати қониқарсиз баҳоланди.

*Сиз хат орқали ўзингизни  
намоён қиласиз. Жумладаги  
хато ва гализликлар  
масъулиятсизлик ва лоқайдлик  
белгиси сифатида юзага  
чиқади. Саводли ўқувчи  
лугатингиз камбагаллиги ва  
имло хатоларини дарҳол илгаб  
олади. Хатни жўнатишдан  
олдин қайта ўқиб чиқинг ва  
хатоларини тузатинг.*

Илк таассуротни кейин ўзгартериш қишин. Агар учрашув чоғида сухбатдошингизда сиз ҳақингизда салбий ва нохуш таассурот туғилган бўлса, бу узок йиллар давомида иккитомондама ҳамкорликда ўз аксини кўрсатади. **SAMARQAND O'ZBEKISTON VA SERVUS LTD.** АҲBOROT RESURS МАҲКАМУ



илк учрашув пайтида яхши таассурот қолдиришга урининг, бу уринишиларингиз бежиз кетмайди.

Технологиялар юксак даражада таққий этган бугунги шароитда илк таишув асосан электрон почта, ижтимоий тармоқлар ёки шахсий сайклар ёрдамида амалга ошади. Китобнинг кейинги бобларида замонавий технологиялардан самарали фойдаланиш ҳақида сўз боради.

### Шахсий бренд тақдимоти

Янги одам билан танишаётганда қўпчилик битта саволни беради: «Нима иш қиласиз?» Бу шахсий брендни намоён этиш учун энг қулай фурсат.

*Шахсий брэндингиз  
ўзингиз эришган ютуқлар,  
кучли тарафларингиз ва  
қизиқишиларингиз, ким  
бўлишидан қатъи назар  
— мижозми, хизматчими,  
ҳамкасбми, салоҳиятли иш  
берувчими ёки бирор мухим  
шахсми — тингловчингизнинг  
сиз ҳақингиздаги тасаввурнида  
ифодаланади.*

Ўз шахсий брэндингизни тайёрлаш учун аввал қуийдаги саволларга жавоб бернишингизга тўғри қелади:

Кандай хислатлар ва тавсифлар сизни бошлиқа ходимлардан ажратиб туради?

*Хамкасблар ва мижозлар сизнинг қайси жиҳатларингизни асосий ютуғингиз деб билишади?*

*Сизнинг қандай ҳаракатларингиз бошқа одамлар ва ташкилотларга катта фойда келтириши мумкин?*

### **Ўзаро муносабатларнинг қурилиши**

Мулоқотдан мақсад алоқа ўрнатишидир. Алоқа бўлмаса, муносабатларни давом эттириш учун асос ҳам бўлмайди. Мулоқот пайтида 80 фоиз эшитиб, 20 фоиз тинглашга одатланинг. Дейл Карнегининг тамойилларидан бири қуидагича: «Сиз инсонга самимий қизиқиш билдиришингиз керак. Ўзгаларни эшитинг ва уларда ўзлари ҳақида гапириб бериш истагини рағбатлантиринг».

Янги ҳамкорингиз билан мулоқотни йўлга қўйиш учун қуидагиларга эътибор беринг:

### ***Қўл бериб кўришиш***

Танишишдан аввал қўл бериб кўришилади. Яхши тасаввур уйғотиш учун сухбатдошингизнинг қўлини қаттиқроқ сиқинг, аммо оғритадиган даражада эмас. Табассум қилиб, унинг кўзларига қаранг. Унинг исмини тилга олинг ва сўзларига қизиқаётганингизни сездиринг.

*Хар бир инсон ёши,  
эгаллаб турган вазифаси,  
фаолият туридан қатъи  
назар, бренднинг қанчалик  
муҳимлигини англаши лозим.  
Хар бир инсон ўзининг «Мен»  
деб аталган компаниясини  
бошқаради. Бугун бизнес  
майдонида қолиш учун бозорда  
ўз брендингизни илгари  
суршинингиз керак.*

### *Ижобий «лукма»*

Атрофингиздаги ҳолатга фикр билдиринг. Масалан: «Сизга нотикнинг фикри  
галати туюлмаяптими?» «Бугунги йиги-  
лиш сизга манзур бўлдими?»

### *Ҳамфикрлилик нуқтасини топинг*

Сұхбатдошингизни бу учрашувга (се-  
минарга, йиғилишга ва ҳ.к.) нима бошлаб  
келгани билан қизиқинг. Мақсадларингиз-  
да у билан умумийликни топишга ҳаракат  
қилинг.

### *Бизнес ҳақида гапириб беринг*

Ҳамсуҳбатингиз ишбилармонликнинг  
қайси соҳаси билан шуғулланишини сўраб  
олинг. Самимий қизиқиш билдиринг ва  
имкони борича меъёрни унутмаган ҳолда  
унинг ўзи ҳақида кўпроқ савол беринг.

## *Үзингизни таништириң*

Сұхбат давомида гапни үзингиз томон булинг ва үз ҳақингизда гапириңг. Шахсий бренд ва рекламанинг тақдимот техника-сидан фойдаланинг (бу ҳақда түртінчи бобда тұхталиб үтилади).

## *Ташрифнома алмашиңг*

Сұхбат сұнгыда сұхбатдош билан ташрифнома (визитка) алмашиңг. Агар имко-ни бўлса, уни шахсий сайтингизда рўйхатдан ўтишга унданг.

*Ташрифнома шахсий  
бренднинг бир қисми бўлиши  
мумкин. Анъанавий форматга  
қарамай, визиткангизда  
үзингизга хос бўлган  
қандайдир янгича дизайн  
бўлишига ҳаракат қилинг.  
Агар реклама тизимида  
ишиламасангиз, визиткани  
реклама кўринишида  
чиқартирунг.*

*Сұхбатдошингизга визиткани узатмаётib:*

- Визиткани ҳар доим қўлингиз етадиган, олиш осон бўлган жойда, масалан, кўкрак чўнтағида сақланг.
- Визиткани бераётib, бу сұхбатдошингиз учун катта хурмат белгиси эканини сездиришга ҳаракат қилинг.
- Шахсий изоҳингизни ҳам қўшиб қўйинг (масалан, уй телефонингиз ва ҳ.к.)

- Визитканинг юза қисмини сұхбатдошингизга күрсатыб беринг, токи у визитка даги дизайн ва безакларни күра олсин.

*Сизге визитка үзатыштанда:*

- Үндаги битикларни диққат билан үқинг.
- Сарлавҳага қаранг ва унга аниқлик киригининг.
- Ўзингизни қизиқтирган нарсаларни сұраб олинг.
- Үнда құл телефони рақами бор-йүқлигига эътибор қаратинг, бұлмаса ёзиб олинг.
- Электрон почта ёзиладиган бўлса, сұраб ёзиб олинг.
- Визитканинг орқа тарафида танишган вақтингиз ва жойингизни ёзиб қўйинг.
- Визиткадаги рақамларни телефон ёки органайзерга киритиб қўйинг. Визитка йўқолиб қолса керак бўлади.

### *Танишувни чиройли якунланг*

Хайрлашув олдидан «сиз билан танишганимдан хурсандман (сұхбатдошнинг исми), тез орада кўришиб қолармиз» ёки «танишганимдан хурсандман (исми), эртага интернетда боғланамиз» дейишни унутманг.

### *Ижобий муносабатларни сақланг*

Биринчи ижобий таассурот келгусида атрофингиздагилар сизни қандай қабул қилишини белгиловчи профессионал имиж яратиш борасидаги биринчи қадам хисобланади. Ташқи кўринишингизга, бошқа одамлар билан муомала қилишга катта эътибор қаратинг. Бундан ташқари,

ишингиз тушган одамлар сиз ҳақингизда қандай ўйлаши доим дикқат марказингизда бўлиши керак.

### **Олдинга интилишингиз учун туртки берадиган 7 маслаҳат**

1. Ишончни оқланг, ҳамиша берган ваъдангизда туриング. Тадбиркорлик борасидаги режаларингизни ким билан бўлиш ёки бўлишмаслик кераклигини яхши либ олинг.

2. «Очиқ эшиклар» сиёсатини юрити. Ҳар бир ходимга алоҳида эътибор қаҳтинг, очиқ-оидин баён қилинган нореziлик, қизиқиш ва хоҳиш ифодаларини рабатлантириинг. Уларни тез-тез мақтаб, мукофотлаб туриинг.

3. Яхши хислатлар, эшитиш қобилияти ва нутқнинг равонлигига эътибор қаратинг. Сўзингиз ва ишингиз бир бўлсин.

4. Мижозлар ва етказиб берувчилар билан бир хилда ижобий муносабатларни ўрнатинг.

5. Дадил, қатъиятли ва ғайратли бўлинг. Қийинчиликлардан қўрқманг. Кейинги пайтларда ходимларнинг мустақил иш юртишига эътибор қучайган. Ўзингиз мустақил бўлинг: ташаббусни қўлга олинг, муаммолар юзага келишига йўл қўйманг.

6. Йиғилишларнинг самарали ва мазмуни ўтишига эътибор беринг. Барча қатнашчиларга тадбирнинг батафсил режалари ва конспектини етказинг.

## **7. Ишончлилиқ, доимийлик ва масъулиятта катта эътибор беринг.**

### **Сизни орқага судрайдиган 7 та хусусият**

1. Ҳамкаслар, ходимлар ва раҳбариятнинг ишончини йўқотиш.
2. Иш вақтида бекор ўтириш, ишдаги асоссиз танаффуслар, топшириқларни ўз вақтида бажармаслик ва хабарларни эътиборсиз қолдириш.
3. Бирор муаммо юзасидан якуний фикр айтилгунига қадар раҳбарга ўз нуқтаи на зарини билдиримаслик.
4. Якуний қарор қабул қилинганидан кейин ҳам ўз фикрини маъқуллаш.
5. Ёқимсиз ташқи кўриниш ва саводсиз нутқ.
6. Раҳбарият ва ходимлар билан муаммолар мұхқамасида қатнашмаслик.
7. Ўзини қўлга ололмаслик, қийинчилик ва омадсизликдан сўнг ўйинга қайтиш.

### **Атрофдагиларнинг сўзсиз муносабатлари**

Ахборотлар доим сўз ёрдамида эмас, балки вужуд «тили» билан ҳам билдирилиши мумкин. Мимика, қўл ишоралари, ҳолат – буларнинг барчаси фикрлаш ифодаларидир. Агар вужуд тилининг луғати тузилганда эди, биз инсоннинг нима демокчи эканини, умумий жумлалар ортида нима яширганини осонгина билиб олган бўлардик.

Күпчилик вужуд тилини англашга, сўзиз сигналлар рўйхатини тузишга уринган. Масалан, агар қаршингиздаги одам иягини қашиса, у вазиятдан чиқишини ўйлаётган, эрталаб соқолини олмасдан чиққан ёки шунчаки ияги чиқиб турган бўлади.

*Суҳбатдошингиз  
қўлини кўкраги устида  
қовуштириб ўтирган бўлса,  
бу унинг сиздан ўзини  
олиб қочаётганидан, қабул  
қилмаётганидан дарак беради.  
Кизиқ ҳолат! Масалан, синф  
ёки томоша залига кирган  
пайтингизда кўпчилик қўлини  
қовуштириб ўтирган бўлса,  
бу ўқитувчи ёки актёрнинг  
қабул қилинмаганини  
англатмайди. Балки улар учун  
шундай ўтириш қулайдир  
ёки совқотишганми? Бошқа  
томондан, агар суҳбат қизиб  
турганида суҳбатдошингиз  
бирданига қўлини қовуштириб  
олса, бу сизнинг фикрингизга  
қўшилмаслигини билдиради.*

## Тананинг универсал тили бўймайди

Гарчи қўл ҳаракатларининг бир маъно-ли лугати бўлмаса-да, буни тушунишга ҳа-ракат қилиш мумкин. Ҳар бир инсон ғоя ва ҳисларини ўзича ифодалайди. Бундай ҳаракатлар кўпинча миллий мансубиятта ҳам боғлиқ бўлади. Мисол учун, икки йи-гит Мичиган штатида, Детройтда туғилган, аммо уларнинг ота-онаси АҚШга турли мамлакатлардан кўчиб келишган. Бирин-чи йигитнинг оиласи сухбат пайтида қўл ишоралари кўп ишлатиладиган мамлакат-дан келган. Иккинчи оиланинг ватанида қўл ҳаракатлари билан гапириш ўта кучли хиссий кўзғалиш белгиси ҳисобланади. Йи-гитлар университетда учрашиб қолишади. Биринчи йигит муаммо ҳақида ўзи ўрганиб қолган усулда, имо-ишоралар билан гапи-ришга тушади. Иккинчи йигит: «Бу муам-мо бечорани ростдан ҳам қаттиқ изтиробга солган шекилли», деб ўйланиб қолади. Га-пириш навбати унга келганда ўта босиқдик билан, ортиқча ҳаракатсиз сўз бошлайди. Биринчи йигит: «Бу масала уни умуман қи-зиқтиrmайди шекилли», деб ўйлайди.

Куйидаги мисол эса сўзсиз мулоқот воситаларидан фойдаланишда маданий хилма-хиллик қандай таъсир қилишини кўрсатади. Нью-Йоркдаги университет каҳвахонасида ўғрилик содир бўлади. Рек-тор кассага кириши мумкин бўлган тала-баларни сўроққа тутади. Натижада унинг

шубҳаси Лотин Америкасидан келган қизга қаратилади. Ижтимоий ходим ундан шубҳасини асослаб беришни сўраганда у шундай дейди: «Ҳамма талабалар менинг кўзимга тик караб, пулни олмаганини айтди, у эса биз гаплашаётганимизда кўзларини олиб қочди ва ерга тикилиб ўтирди. Бу унинг айбордлигидан далолат беради». Ижтимоий ходим Лотин Америкасида туғилиб, тарбия кўрган қиз ҳеч қачон университет ректоридек юқори мартабали инсоннинг кўзига тик қарамаслигини тушуниради. Бу ўрнида қиз туғилиб ўстган муҳитдаги одатларни ректор, афсуски, нотўғри тушуниб, қизни сал бўлмаса ўғрига чиқараёзди.

Имо-ишоралар тили оиласида анъана-ларга ҳам боғлиқ бўлиши мумкин. Масалан, Николнинг оиласида гапираётиб бош иргиб ўтиришга одатланишган. Улар билан суҳбатлашаётиб фикримни тасдиқлаяпти деб ўйлашингиз мумкин. Аммо Николнинг айтишича, бош иргаш бу оиласида «мен сизни яхши эшитяпман» деган маънени билдиаркан.

### **Ҳар бир одамнинг имо-ишоралар тили бир-биридан фарқланади**

Имо-ишоралар тилини аниқ тушуниш тизими ишлаб чиқилмаган. Бироқ ҳар бир инсоннинг хулқини яқиндан ўрганиб, у ёки бу вазиятда ўзини қандай тутишини кузатиб, унинг ўзига хос «тил»ини тушуниш мумкин.

*Бирор бир фикрни  
тасдиқлаш учун Клавдий  
бошини хиёл олдинга эгса,  
Пол ўнгга буради. Николь  
эса, сиз нима дейшишингиздан  
қатъи назар, бош иргиб  
тураверади, фақат гапнгиз  
унга ёқмаса, қош чимириб,  
бошини қимирлатишда давом  
этади. Сиз ҳар доим мулокот  
қиладиган ҳар бир кишининг  
табиатига қараб, сизнинг  
гапларингизга ҳаққоний  
муносабатини аниқлашингиз  
мумкин. Бундан ташқари,  
айрим имо-ишоралар сиз  
ишләётган идора учун  
умумий бўлади ва шу асосда  
сиз муайян тасаввурларни  
умумлаштирасиз. Бироқ у  
ёки бу ишоранинг маъносини  
ўзингизча англашдан аввал  
жуда эҳтиёт бўлинг ва ўша  
одамга синчковлик билан  
назар солинг.*

Агар назарингизда имо-ишоралар сўз-  
ларга мос тушмаса ёки сўзсиз сигнални  
тўғри қабул қилганингизга ишончингиз  
комил бўлмаса, савол беришдан тортин-  
манг. Суҳбатдошингиздан у назарда тутган  
нарсани бошқачароқ тушунтириб бери-

шини сўранг. Ўз вақтида берилган савол бирор ишора ҳақидаги ноўрин тасаввурга йўл қўймайди.

### Эшитиш ҳам санъат

Самарали мулоқот учун ҳамсухбатлар бир-бирини эшита олиши жуда муҳим. Ўз навбатида сухбатдошингизга дикқат билан разм солинг, у сизни эшитяптими-йўқми, эътибор беринг. Эшитиш маданияти билан боғлиқ бир қанча муаммолар мавжуд. Энг аввало, ўзингизни текширинг, тавсияларни ўрганинг ва ахлоқингизни назорат қилинг. Кейин эса, сухбатдошингиз қайси муаммоли тоифага киришини аниклаштиринг, уни сизнинг гапларингизни эшитишга мажбурлаш учун қуидаги тавсияларга амал қилинг.

*Ва нуҳоят, ўз  
вужудингизнинг ҳам «тил»ига  
эътибор беринг. «Олтин  
ўрталиқ»ни сақланг. Ҳатто  
ижобий ишораларни ҳам  
керағидан ортиқ ишлатиш  
сухбатдошингизда сизнинг  
самимиятингизга нисбатан  
шубҳа уйготади.*

## **Тингловчиларнинг 7 тоифаси**

Эшитишнинг кўплаб усуллари мавжуд. Бу ерда ана шу таснифлардан биттаси ўрин олган. Рўйхатга қараб ўзингиз ва сухбатдошингиз қандай тоифага киришини аниқлаб олинг.

*Яхши тингловчи бўлинг.*

*Кулоқ сизни нокуладай  
вазиятларга тушиб қолишдан  
асрайди.*

***Фрэнк Тайгер,  
таҳририят шарҳловчиси***

1. «Маигуллар». Улар ҳамма вақт қаергадир шошишади. Атрофга боқиб, бир пайтнинг ўзида бир нечта ишни бажаришади. Улар шунчаки ўтириб эшита олишмайди. Маслаҳат: агар сиз ушбу тоифага кирсангиз, сиз билан сухбат қилишаётганда бошқа ишларингизни четта суринг. Агар сухбатдошингиз шу тоифага мансублигини сезсангиз, унинг бўш вақти бор-йўқлигини сўранг ёки «менга бир неча дақиқангизни ажратса оласизми?» дея мурожаат қилинг. Гапни асосийсидан бошланг, мақсадни аниқ ва лўнда баён қилинг, чунки бундай тоифадагилар диққатларини тез жамлай олишади.

2. «Хаёлпарастлар». Улар жисман сизнинг ёнингизда бўлсалар-да, хаёллари бутунлай бошқа томонда. Буни уларнинг юзидаги ифодадан ҳам сезса бўлади. Улар

гоҳида ухламай туриб «түш күришади», гоҳида нималарнидир ўйлаб ўтиришади, фақат сизга эътибор қаратишмайди, холос. Маслаҳат: агар сиз ушбу тоифага кирсангиз, фикрингизни бир жойга жамланг, сұхбатдошингиз томонға әгилиб, бутун эътиборингизни унга қаратинг, саволлар беріб унга қизиқаёттанингизни сездириңг. Агар рўпарангиздаги одам «хаёлпараст» бўлса, у сизни эшитяптими, тушуняптими, йўқми – текшириб кўринг. Ҳудди «машғул» одамлар билан бўлгани каби фикрингизни дадил, аниқ ва қисқа баён этинг. Бу тоифа одамлар ҳам дикқатини дарров жамлай олишади.

3. «Сабрсизлар». Бундай одамлар билан исталган пайтда сұхбатта киришиш мумкин. Улар ҳам доим гапни сиздан кейин тутатишади, ўзлари гапираётган, эътибор қаратган гапни ўзлари эшитишмайди. Маслаҳат: агар сиз бу тоифага кирсангиз, сұхбатдошингизнинг сўзини бўлганингизни сезган заҳотингиз ундан узр сўранг. Щу тариқа сиз мулоқот пайтида ўз ҳолатингизни бошқаришни ўрганасиз. Агар «сабрсиз» ҳамсұхбат билан гаплашаётган бўлсангиз, гапингиздан тўхтаб, унга фикрини якунлаши учун имкон беринг. У ўз нутқини тутатиши билан «мен боя айтганимдай...» дея фикрингиз бўлинниб қолганига ишора қилинг ва уни дастлабки мавзуга қайтаринг.

4. «Лоқайдлар». Бундай одамларга нима дейишишингиздан қатъи назар, лоқайд қа-

бул қилишади. Худди бу нарсанинг уларга дахли йўқдек. Масалаҳат: агар сиз шундай тоифага кирсангиз, фикрингизни жамлаб, сұхбатдошингизга қизиқиши билдиринг ва унга ўз мақсадини очиқ баён этиши учун шароит яратинг. Қулоқ, кўз ва юрагингиз билан уни тингланг. Агар ана шу тоифа вакиллари билан сұхбатлашаётган бўлсангиз, имкон борича унга кўпроқ савол бериб, мавзуга унинг қизиқишини уйғотинг.

5. «Тажовузкорлар». Бу одамлар ҳар доим тиши тирноғигача «қуролланган» жанговар ҳолатда бўлишади. Улар ҳамиша норозилик билдириш ва бошқаларни айблашга мойил кишилардир. Масалаҳат: агар ушбу тоифага кирсангиз, ўзингизни ҳамсұхбатингиз ўрнига қўйиб кўринг ва унинг нуқтаи назарини тушунишга, қабул қилишга урининг. Агар «тажовузкор» сұхбатдош сиз билан «жанг» қиласаётган бўлса, қизишманг, уни босиқлик билан эшитиб, фикрларини қабул қилинг. Унинг фикрига қарши далилларингизни юмшоқлик билан кўрсатинг ва ҳолатни келгусида қандай ўзgartириш мумкинигини ётиғи билан тушунтиринг.

6. «Таҳлилчилар». Бундай инсонлар ўзларини ҳамиша маслаҳатчи ёки шифокордек тутадилар. Ҳатто сўрашмаса ҳам улар ўз фикрларини айтишга тайёр турадилар. Улар ўзларини буюк тингловчи деб биладилар ва ёрдам беришни хуш кўрадилар. Доим ниманидир ўйлаб топишади ва таҳлил қилишади. Масалаҳат: агар сиз ушбу то-

ифага кирсангиз, ўзингизни бир оз эркин қўйинг ва ҳамма ҳам сизнинг маслаҳатингизга муҳтож эмаслигини унутманг. Айрим одамлар масаланинг ечимини аниқ ва равшан кўриб турган бўлишса-да, ўз ғояларини муҳокама қилишни ёқтиришади. Бундай одамлар билан мулоқот қилсангиз, сұхбатни қуидагича бошланг: «Маслаҳат сўрамоқчимасман, фақат ўз фикримни билдиromoқчиман!»

7. «Эътиборлilar». Улар инсонни чинакамига тинглашини билишади. Қулоқ, кўз ва юрак билан севишади. Ҳамиша ўзларини сұхбатдош ўрнига қўйиб кўришади. Бу сұхбатдошни рағбатлантиради, унинг «очилиши»га ёрдам беради ва ўргадаги масаланинг тезда ҳал бўлишини таъминлайди. Ҳар бир инсон ана шундай эътиборли тингловчи бўлишга интилиши лозим.

### Тингловчининг принциплари

Эшитиш кўниқмаларини мустаҳкамлаш учун:

1. Сұхбатдошингиз билан юзма-юз гаплашишни ўрганинг.
2. Ҳар бир жумланинг маъносини англанг.
3. Имо-ишоралар «тили»га эътибор беринг.
4. Сабрли бўлинг: фақат сұхбатдошингиз фикрини тугатганидан кейин гапиринг.
5. Сұхбатдошнинг фикрини бўлманг, бир мавзуни охирига етказмасдан гапни бошқа тарафга бурманг.

6. Айтилган фикрлар эсингизда қолиши үчун сұхбатдан кейин сизни махсус тест күтәётганини ҳис этинг.

7. Сұхбатдошингизнинг фикрини аниқ тушунмаган бўлсангиз, албатта сўраб олинг.

8. Унинг фикрларини хаёлан такрорлаб, аниқ тушуниб етганингизга ишонч ҳосил қилинг.

9. Шошилинч хулоса чиқарманг.

10. Эшитаётган пайтингизда бошқа нарсаларни хаёлингиздан чиқариб ташланг.

11. Гапираётиб, сұхбатдошингиз сизни қандай қабул қилаётганига эътибор беринг, ўзингизни четдан эшитиб кўринг.

*Инсонга гапиришидан кўра  
икки марта кўпроқ эшитиши  
үчун битта оғиз ва иккита  
қулоқ берилган.*

### Мулоқот пайтидаги мутаносиблик

Мулоқотнинг энг мураккаб томонларидан бири фикрни ифодалаш ва танқидни қабул қилишдир. Танқиднинг ўзи ҳеч қандай самара бермаслиги мумкин. Шу боис, диққатни мулоқот ва ахлоқий жиҳатларни яхшилайдиган амалий аҳборотларга асосланган жавоб реакциясига жамлаш лозим. Мулоқот – бу икки ёқлама жараён. Сиз йўл-йўриқ, кўрсатасиз, фикр билдирасиз, ғояларингизни бўлишасиз, кимнидир танқид қиласиз ёки бошқа бир инсон сиз-

га нисбатан худди шундай йўл тутади. Сиз сұхбатдошингизни тушунганингизга ёки у сизни тўла тушунганига қандай ишонч ҳосил қилиш мумкин? Қуйидаги маслаҳатлар икки томонлама асосли мулоқотни йўлга қўйишда асқотади:

### Қандай танқид қилиш керак?

1. Далилларни тўпланг.
2. Ҳар бир ҳолатни ўз вақтида, алоҳида олиб ўрганинг.
3. Диққатингизни инсонга эмас, унинг ҳаракатига, ҳолатига қаратинг.
4. Сұхбатдошингизга самимий мулозамат кўрсатинг ва шундан сўнг муаммоли масалани муҳокама қилишга киришинг.
5. Аввал бир оз мақтаб, кейин танқид қилинг. Бир пайтлар ўзингиз йўл қўйган ва бартараф этилган ана шундай камчиликларни санаб ўтинг.
6. Ўз қарашларингизни таҳдил қилинг: сиз нима учун танқид қиляпсиз? Сиз ўз ҳамсуҳбатингизни унга холисона ёрдам бермоқчи эканингизга ишонтиринг.
7. Ҳеч қачон буюрманг, муаммони ҳал этишнинг тахминий йўлларини тавсия этинг.
8. Сұхбатдошингизга ўз қарашларингизнинг афзал томонларини тушунтиринг.
9. Сұхбатни дўстона оҳангда якунланг. Бундан кейин қандай йўл тутиш кераклиги ҳақида келишиб олинг.

## **Танқидни қандай қабул қилиш керак?**

1. Ўзингизни қўлга олинг ва сұхбатдошиңиз фикрини охиригача эшитинг!
2. Вазиятта ўз муносабатингизни билдиринг.
3. Ўз қарорингиз ва ҳолатингизни ўзгартиришга тайёр туринг.
4. Сұхбатдошиңизнинг нияти холис эканига ишонингт.
5. Ўзингизни ҳимоя қилишга ҳаракат қилманг.
6. Ўзингизни оқлаш учун йўл қидирманг, фактларни баён қилинг.
7. Сұхбатдошиңизнинг фикри учун миннатдорчиллик билдиринг.
8. Ишнинг қандай давом этиши юзасидан келишиб олинг.

### **Резюме**

- Сұхбат асносида сиз сигнал юборасиз ва бу сигналларни одамлар қандай қабул қилишига қараб уларнинг сизга бўлган муносабати шакланади.
- Ривожланиш ва ижобий шахсий имижни сақлаб қолишнинг асосий омили ўз-ўзига бўлган ишончdir.
- Биринчи таассурот жуда катта аҳамиятга эга ва у ташқи кўринишга қараб юзага келади.
- Шахсий бренд сизнинг ўзига хос томонларингиз, кучли жиҳатларингиз, қизиқиши ва интилишларингизда намоён

бўлади, сизнинг иш берувчи, мижоз, ҳамкасб ва бошқа муҳим шахслар билан муносабатингизни белгилайди.

• Ташрифномангиз (визиткангиз) сизнинг ўзингизга хос томонларингиз ва сұхбатдошингизга қандай фойдангиз тегишини кўрсатиши ҳамда эсда қоларли бўлиши керак.

• Бирламчи яхши таассурот – атрофингиздагилар қабул қилиши учун профессионал имиж яратишдаги биринчى қадам саналади. Ҳар бир инсон билан мулоқот қилишдан олдин ташқи кўринишингизга, юриш-туришингизга, нутқингизга эътибор беринг.

• Биринчى таассурот сизнинг телефонда қандай гаплашишингиз ва иш юзасидан олиб бораётган ёзишмаларингизда ҳам юзага келади.

• Омадли одамлар тана тилини қандай тушуниш ва ундан қай тарзда фойдаланишни яхши биладилар.

• Ҳар бир инсонни мавқеи, мансаби, ҳолати ва муҳимлилигидан қатъи назар, уни диққат билан эшитинг.

## ИККИНЧИ БОБ

### ХОДИМЛАРНИ БОШҚАРИШ КҮНИКМАЛАРИНИ ТАКОМИЛЛАШТИРИШ

Мұваффақиятга әришии үчүн фақат шахсий ва касбий хүсусияттарни ривожлантириш әмас, илгор бошқарув технологияларини ҳам ўрганиши зарур. Мартабанинг үсиши бевосита ходимлар билан ишлай билишига ҳам болғық.

Бу бобда персонал ҳақида тұхталиб үтамиз.

#### Ходим – менежер

Мұтахассис сифатида ўз вазифаларини мұккамал адо этадиган инсонлар бошқарув ва раҳбарлик позициясини ҳам осонлик билан әгаллашади. Касбий имкониятлардан ва вактдан имкон қадар унумли фойдаланиш үчүн «бажараман» босқичидан «бошқараман» босқичига ўта олиш керак.

*Профессионал жиһатдан  
ривожланиб бораётган  
менежерлар ташкилотта  
қўшаётган фойдаларини  
200–300 фоизга оширадилар.  
**Жин Дальтон ва Пол  
Томсон, Гарвард бизнес  
мактаби***

## **Иқтидорли менежернинг хислатлари**

Тадқиқотларнинг кўрсатишича, барча иқтидорли менежерлар дунёқараши жиҳатидан бир-бирига ўхшаб кетади. Мана уларнинг ўзига хос жиҳатлари:

*Ишибилармон менежерлар  
ходимларни бошқариш ва  
технологик жараёнларга ўз  
куч ва вақтларини тенг  
тақсимлашади. Агар ҳамма  
эътибор жараёнга қаратилса,  
ишлаб чиқариш изга тушади,  
факат ишчилар ўртасида  
тушунмовчилик келиб чиқши,  
янги технологияларга кўнига  
олмаслик ҳолатлари  
юзага келади.*

1. Юксак ахлоқли, тамойиллар ва қадриятларга риоя қиласидилар.
2. Ҳам ишда, ҳам шахсий ҳаётда бошқаларга ўрнак бўладилар.
3. Улар ташкилотнинг мақсадини алоҳида, бўлимларникини алоҳида тушунадилар. Компанияда бўлаётган ўзгаришлардан ҳамиша огоҳ бўладилар.
4. Улар ҳамиша келажакка қараб иш тутадилар ва натижани кўздан қочирмайдилар.
5. Мулоқот қилиш, эшитишни яхши биладилар.
6. Ишонч ва ҳурмат қозонадилар.

7. Қийинчиликлар уларни құрқитмайды ва ҳамиша ўз түйгүларини бошқара оладилар.

8. Фоялар, концепциялар ва жараёнларни соддалаштирадилар.

9. Қараашлар хилма-хиллиги ва жамоа меңнатини ҳурмат қиласылар.

10. Янги foялар, ўзгаришларни, шунингдек, ўзларига нисбатан танқидларни ҳамиша самимий қабул қиласылар.

11. Ходимларнинг муаммоларини ўрганишдан вақтларини аямайдилар, жамоанинг ҳар бир аъзоси ютуқлари билан алоҳида қизиқадилар.

12. Ходимларнинг кучли томонларини ўрганиш ва ривожлантиришга ҳаракат қиласылар.

13. Натижа учун жавобгарликни ўз бўйниларига оладилар ва бошқалардан ҳам шуни талаб қиласылар.

14. Вақтни самарали бошқарадилар.

15. Ижодкорлик ва янгиланишни олқишлийдилар.

16. Муаммолар, зиддиятлар ва қабул қилинган қарорларни ҳал этишга холис ёндашадилар.

17. Муттасил ўқиб, ўзларини камолга етказадилар.

### **Янги менежерларнинг 10 та хатоси**

1. Мансаб ҳурмат қозонишга ёрдам берди деб ўйладилар.

2. Ўзларига қарши чиқиб, ваъдаларини бажармайдилар.

3. Иш билан боғлиқ муаммоларни ўзлариники деб биладилар.

4. Ҳар бир инсоннинг ўзига хос олам эканини тушунмасдан ҳамма ходимларга бир хил муносабатда бўладилар.

5. Корпоратив мақсад ва стратегияга зид масалаларни ўртага ташлайдилар.

6. Ўз бўлимлари масаласини корпоратив муаммолардан юқори қўядилар.

7. Мақсад ва вазифаларни аниқ асослаб беришни билмайдилар.

8. Бошқаларга юклатиш лозим бўлган ишларни ҳам ўzlари бажаришда давом этадилар.

9. Кадрларни жойлаштириш масаласида сусткашилик қиласдилар.

10.Ходимларни мақташ ва рағбатлантиришни унутадилар.

*Кўлингда имконинг  
бўлганида муҳтожларга  
ёрдам беришдан тўхтама.*

**Ҳазрати Сулаймон (а.с.)**

**Ходимларнинг ишончига  
кириш учун...**

Янги менежер ўз мартабасининг янада ортиши учун унинг муваффакияти бевосита қўл остидагиларнинг ютуқларига боғлиқ эканини унумаслиги лозим.

Гэллап институти 400 та компания ходимиининг содиклигини текшириш учун тажриба ўтказди. Натижга шуни кўрсатдики, ходимнинг компанияда қолиши

ёки кетиши унинг оладиган маоши ва истиқболдаги ўсиш имкониятларидан кўра бевосита раҳбар билан муносабатларига боғлиқ экан. Ходимлар ғамхўр, эътиборли ва меҳрибон раҳбарни ҳаммадан устун кўришар экан. Гэллап тадқиқотлари ходимнинг ишчанлик салоҳияти ва ўз ишидан қониқиши кўпроқ унинг раҳбарига бўлган ишончи, раҳбарнинг унга нисбатан ғамхўрлиги натижаси ҳисобланишини кўрсатди.

*Одатда раҳбарнинг вазифаси  
ходимларнинг меҳнати билан  
ишни бажариш деб ўйлашади.*

*Бироқ ҳақиқий раҳбарлик  
ўз мақсадида иш воситасида  
ходимларини ривожлантириш  
демакдир.*

*Ога Ҳасан Обидий,  
халқаро банкир*

### **Ходимларни рағбатлантириш**

Ривожланиш ва таълим бўйича Америка мутахассислар жамияти ахборотномасининг 2003 йил октябрь сонида компания учун энг зарур ва ҳал қилувчи пайтларда ходимларни рағбатлантириш ва тўғри йўналтириш уларнинг ойлик ёки лавозимини кўтаришдан кўра кўпроқ таъсир кўрсатар экан. Ғайрат-шижоат, ишлаш иштиёки бебаҳо хислат. Ўз ходимларини иш жараёнини бошқаришга жалб қиласидан

раҳбарлар янги-янги ғоялар олиш билан бирга, уларда умумий муваффақиятларга қўшган ҳиссасидан ғуурланиш ҳиссини ҳам уйғотадилар. Турли масалаларда фаол иштирок этаётган ходимлар раҳбарга ўзлари истаган унумли иш шароитларини яратишида ҳам катта ёрдам берадилар.

### **Ўсиш имкониятлари**

Шахсий ёки касбий ўсиш имкониятлари мавжуд бўлганда ходимлар бошқа иш жойи қидиришга шошилмайдилар. Янги кўникума ва ютуқларга бошловчи, малака оширувчи тренинг ва семинарлар ходимнинг ўз раҳбарига бўлган ишончи ва хурматини оширади. Бундай ғамхўрлик биринчи навбатда ходимнинг ўз раҳбарига нисбатан садоқатини оширади. Ходимларни рағбатлантиришида касаба уюшмалари турли имтиёзлар, тўловлар, қўшимча танаффусларни тавсия этган ҳолда ёрдам беради. Кадрларга етарлича ғамхўрлик кўрсатадиган компаниялар уларнинг кўз олдида келгусидаги манзараларни намоён қиласи. Натижада улар нимага интилиш кераклигини билишади ва янги ишга ўрнига ошиқишмайди.

### **Ходимнинг шахсий ҳаётига ҳурмат**

Айрим раҳбарлар ўз ходимларининг тўлақонли ҳаётини билиш муҳим эканлигини англайди, иккинчи тоифадагилар ўз ходимлари фақат иш билан нафас олиш-

лари, яшашлари керак деб ҳисоблайди. Биринчи тоифадаги раҳбарларда ходимларини ўз қўл остида ушлаб туриш имкони кўпроқ. Ходимларнинг оиласидай ва шахсий ҳаётига ҳурмат билан ёндашадиган раҳбарлар уларнинг ишончи ва садоқатини қозонадилар. Омадли раҳбар болалар тарбиясига, ота-оналар хизматини бажо этиш заруратини чукур англайди ва ўз ходимлари учун қулай иш жадвалини тузишта уринади.

*Раҳбар ўз қўли остидагиларга  
улардан нимани талаб қилишини  
ва уларнинг хизматини қандай  
рагбатлантиришини билсагина,  
ўзи кўзлаган мэрраларни забт  
эта олади.*

*Макс Депри,  
«Herman Miller Inc»  
компанияси фахрий раиси*

### **Компенсация ва имтиёзлар**

Пул – муҳим, аммо ҳамма нарсани пул билан ўлчаб бўлмайди. Ходимлар ўз хизматига яраша адолатли тарзда ҳақ олишини исташади. Улар тиббиёт сугуртаси, пенсия жамғармасидан тўлов сингари қўшимча даромадларни ҳам ёқтиришади.

### **Ходимдан максимал фойда олишга қандай эришса бўлади?**

Ходимлар тайрат-шижоат билан, сидқидилдан ишлашлари учун уларни албагта рагбатлантириш ва тўғри йўналтириш

керак. Улар сизни муносиб раҳбар сифатида тан олиши, компанияни ўз уйи сифатида кўришлари керак.

Афсуски, ходимларнинг катта қисми ўзлари ишлаётган компанияда ғайрат-шижоатни, қониқищни ҳис этмайдилар. Нега шундай? Чунки раҳбар биринчи кундан ходимга нима қилиши кераклигини ва нималар мажбурий эканини уқтиради. Аслида ходимнинг ишдаги ҳаёти қандай назорат қилинади? Агар унга ўз ишига мустақил ва маъсулият билан ёндашиш имкони берилса, у ўз меҳнати натижасини кўрсатишдан манфаатдор бўлади ва ишидан ҳузурланади. Натижада меҳнат жараёни сермаҳсул кечади.

### **Ходимга нима иш қилаётганини англаши учун имкон беринг**

Ходимларнинг иш маҳсулдорлигини оширишдаги биринчи қадам – билимдир. Агар инсон ўз ишини тушунса, зиммасига юклатилган вазифани тўлиқ бажарса, ўзи ҳам мириқиб ишлайди, ҳам фойда келтиради. Масалан, Натан даставвал компанияда курьер сифатида иш бошлади. Натангабу иш ёқмади ва тезроқ бошқа иш топиш ҳаракатига тушди. Унга ҳужжатларни компьютер бўлимига етказиши топширилган эди. У ўқувчилик пайтида компьютер курсини битирган, бўлим ходимлари билан уларнинг иши ҳақида тез-тез гаплашиб турарди. Арт бўлими бошлиғи Натаннинг

компьютерга қизиқишини пайқаб қолди ва уни ўз бўлимига ишлашга таклиф қилди. Натан фақатгина дастурий таъминот ва компьютер қурилмалари ҳақида тўлиқроқ маълумот олиши лозим эди. Бир неча ойда у бўлим ходимлари биладиган ҳамма нарсаларни ўрганиб олди. У янги ишига меҳр кўйди, ишда ўзини қулай ва эркин ҳис эта бошлади. Ҳамкаслари ҳурматини қозонди, бўлимининг энг самарали ходимларидан бирига айланди.

### **Муқаммалликка интилаётган ходимни раҳбатлантиринг**

Яхши раҳбар ўз ходимлари сонини кўпайтиришга интилади. Кристина ўз вазифаларини тўғри бажарап эди, аммо бошлиғи Кэти унинг ўз имкониятидан етарлича фойдалана олмаётганини сезиб

*Кэти ва Кристина  
мақсадларни белгилаб, уларга  
қандай эришиш режасини  
тузиб чиқишиди. Улар тез-  
тез учрашиб туришар,  
бажарилган ишларни мухокама  
қилишар эди. Шу тариқа  
Кристинанинг ўсиш жараёнини  
таҳлил этишарди. Бир  
неча ой ўтиб, Кристина ўз  
самарадорлигини бир неча  
баробар оширди ва қисқа вақт  
ичида жуда катта ютуқларни  
қўлга киритди.*

қолди. Кэти Кристинани хонасига чақириб шундай деди: «Сен жуда яхши ишлапсан, эътиrozим йўқ, лекин билишимча, сен бундан кўпрогига қодирсан. Сенинг салоҳиятинг жуда баланд ва компаниянинг энг яхши ходимларидан бири бўла оласан. Жуда қийин топшириқларни ҳам аъло даражада бажаришингга ишонаман. Кел, биргаликда режа тушиб чиқайлик: сен нимага қодирсан ва ҳақиқатда нимага арзийсан?»

### Ходимларнинг бошқарувдаги иштирокини қўллаб-қувватланг!

Бихевиористлар қўп ийлардан бери ходимларнинг бошқарув жараёнидаги иштирокини ҳимоя қилиб келишади. Олимларнинг исботлашича, ходимларнинг ўз

*Заводдаги ишчи бир соат  
ичида маълум миқдордаги  
деталларни ишлаб чиқарishi,  
муҳаррир бир кунда муайян  
саҳифадаги матнларни таҳrir  
қилиши, савдо вакили бир  
ойда белгиланган миқдордаги  
савдо ҳажмини таъминлаши  
керак. Меъёрларни одатда  
ким белгилайди? Бошлиқ.  
Агар ходим ушбу меъёрлар  
белгиланаётганда раҳбарнинг  
ёнида бўлса, самарадорлик  
сезиларли даража ортади.*

иш мажбуриятларига оид муаммоларни ҳал этишдаги иштироклари ва қизиқишлиари шу муаммоларнинг муваффақиятли ечимида катта ўрин тутади.

Асосан, ходимларнинг нормативларни белгилашдаги иштироклари жуда кўп касбларнинг ажралмас унсури ҳисобланади.

Уста Жекка бир соат ичида 100 та детални йўнишни буюрди. Жек ўйлаб қолди: «Ўҳ-хў, бунинг имкони йўқ. Мен бир соатда кўпи билан 70 та детални йўна оламан». Агар бошқача йўнилса-чи? Дейлик, уста бошқача ёндаши: «Жек, рақобатчиларимиз ишлаб чиқаришни ишчи кучи арzonроқ бўлган хорижий давлатда йўлга кўймоқчи. Улар билан муносиб рақобатлашиб учун ҳар бир ходим иш ҳажмини ошириши керак. Нима деб ўйлайсан, сен бир соатда кўпи билан нечта детални йўна оласан?» Шунда ходим ўзининг ишлаб чиқариш жараёнидаги ҳиссасини, хизматини англаб етади. Шу тариқа у ўз устида кўпроқ ишлаб, самарадорликни оширишга интилади. Бунинг учун ходимга ташки туртки (раҳбар)дан кўра ички туртки (шахсий) кўпроқ аҳамиятга эга бўлади.

### **Ходимнинг янги ғояларини қўллаб-куvvatlanг**

Кўнгина ходимлар, агар раҳбариёт уларнинг таклиф ва ғояларига жиддий ёндашишса, ўз зиммасидаги масъулиятни чуқурроқ ҳис этишади. Табиийки, ҳар қандай ғоя ҳаётга татбиқ этилавермайди, бал-

ки ҳар бир гоя таҳлил ва муҳокама қилинади. Ходимларда ўз-ўзидан қониқмаслиқ хиссини шакллантиринг. Ходим жараён тұжытаб қолмаслиги, технология ва жараён көрдоймо ўзгариши ва унинг ўзи шунга тәуелди туриши кераклигини англаши лозим.

*Рахбар доим келажакка күз тутыб, ходимларни түгрийүн алтириб бориши керак.  
Ходимлар фақат күрсатилғани вазифаны бажариши эмас, балки тинимсиз үйлаши ҳам керак.*

Ходимларнинг барча таклифлари жаңисона қабул қилиниши, имкониятларға қараб муҳокама этилиши лозим. Агар бұтаклиф фойда берса, ходим рағбатлантирилиши, аксина бұлса, сабаблари тушунғирилиши керак.

Ходимлар ўз ишларига нисбатан қарор қабул қила олишларига күзлари етса, ўз вазифаларини самарали ва муваффақиятли бажаришга интиладилар, куч ва ғайрат билан ишлаб, ҳар бир янги иш күнини сабрсизлик билан кутадилар.

### **Ўз муносабатингизни билдиринг**

Түғри йўналтирилған жамоани ривожлантиришнинг энг муҳим омили унинг ҳар бир аъзосига индивидуал ёндашилладир. Мехнат жамоаси роботлардан эмас,

инсонлардан таркиб топади. Ҳар бир инсоннинг кучли ва заиф томонлари, шахсий принциплари, ўзига хос иш услуби бор. Раҳбар ҳар бир ходимнинг ўзига хос жиҳатларини билиши, ҳисобга олиши, уларда энг яхши кўникмалар ва хусусиятларни ривожлантириши керак.

*Ходимни тушуниш  
учун унинг фақат касбий  
хусусиятларини тушуниш  
етарли бўлмайди. Унинг учун  
ўз шаъни, ор-номус, мақсадлар,  
оила, шахсий муаммолар  
биринчи ўринда туришини  
унутмаслик лозим.*

### Барча ходимларнинг феъл-авторини таҳлил қилинг

Ҳар бир инсон ўзича яшайди, ишлайди. Психологлар бу феноменни ахлоқ манераси деб атайдилар. Масалан, Скотт ҳамиша гапириш ёки изоҳлашдан аввал ўйлаб олади. Шейла ҳисботни топширишдан оддин бир неча марта қайта ҳисоблаб чиқади. Тодд кўп ўйлаб ўтирумасдан дарҳол ишга киришади.

### Ҳар битта ходимни англанг

Ҳар бир инсонни англашнинг энг яхши усули у билан сухбатлашиш, савол бериш, у ёки бу муаммо юзасидан унинг фикрини билишидир. Агар эзма бўлиб кўринишни истамасангиз, тўғридан-тўғри шахсий са-

волларни берманг, фақат эшитинг – нимани гапирётгани ва нимани гапирмаётганига эътибор қилинг. Ҳамкаслар билан нима ҳақда гаплашаётганини кузатинг. Бирорларнинг сухбатини эшитиш яхши одат бўлмаса-да, бу инсонни англашнинг мақбул усули. Унинг қандай ишленини, у ёки бу вазиятда ўзини қандай тутишини кузатинг. Инсонга нима ёқиши-ёқмаслиги, унинг ўзига хос, ҳатто ғалати тарафларини тушуниб етиш учун унча кўп вақт керак эмас. Диққат билан эшитиш ёки кузатиш орқали ҳар бир ходим учун нималар кераклигини англаб етасиз.

Кичикроқ жамоани бошқариш асосида ҳар бир ходимнинг хусусиятларини эслаб қолиш осон. Агар йирик бўлим ёки компанияни бошқарсангиз, ҳар бир ходимнинг шахсий жиҳатларини белгилаб бориш учун блокнот тутинг ёки компьютерда алоҳида папка очинг, ходимларнинг оиласи, фарзандлари, қизиқишлари, энг муҳим хусусиятларини ёзиб боринг. Бу уларнинг қалбига йўл топишингизга ёрдам беради.

### **Замонавий технологиялардан фойдаланинг**

Мотивацион технологиялар курсини тутгатган айрим янги менежерлар ҳам уларни кундалик иш жараёнида қўллашда қийинчиликларга дуч келадилар. Ишни нимадан бошлиш кераклигини белгилаб олинг:

• Ҳар бир ходимнинг шахсий ишлари ва интилишларини ўрганинг.

• Жамоа билан очиқ мулоқотда бўлинг. Ҳамма саволларни диққат билан эшитинг. Уларни баҳоланг ва жавоб қайтаринг.

• Бирорта қарорни ўзбошимчалик билан қабул қилманг. Агар бирор қарор юзасидан сизга мурожаат қилишса, сиз бу борада ходимнинг шахсий фикрини, муаммонинг ечимини нимада кўришини сўранг.

• Иш режасини тузишдан олдин уни жамоанинг муҳокамасига ташланг.

• Ходимларнинг малака ошириш ва янги кўниқмаларни ўзлаштириш ҳақидағи талаб-истакларини рағбатлантиринг. Бир қанча касбларни эгаллашни таклиф килинг. Турли бўлимлардаги ходимларнинг ўзаро ҳамкорлигини кучайтиринг.

• Ҳар бир ходим ундан нималар кутилаётгани, иши қандай баҳоланаётганини тушуниб етадими-йўқми, буни билиш учун мақсад ва вазифаларни унинг ўзи билан муҳокама қилинг.

• Вақти-вақти билан умумий йиғилишларни ташкил қилиб туринг.

• Етказиб берувчи ва воситачилар билан учрашувлар уюштириб, уларни умумий йиғилишларга таклиф қилинг.

Бу тавсиялар меҳнат унумдорлигини, иш сифатини оширишга, ўзаро манфаатли ҳамкорликни йўлга қўйишга, жамоадаги кучларни бирлаштиришга ёрдам беради.

## Ишни бойитиш

Завқ ва қониқиши хиссини уйғотадиган касблар жуда күп. Фақат айрим одамлар эҳтиёж туфайли ўзлари ёқтиргмаган ишларни бажаришга мажбурулар. Бундай ишлардан роҳат олишнинг имкони йўқ.

Бир хил ва бир маромдаги ишни ёқимили ишга айлантиришнинг усулларидан бири модернизациядир. Ишни бажарилиши шарт бўлган вазифа деб эмас, жараён сифатида қабул қилинг. Натижадан кўз узмаган ҳолда чегараларни кенгайтиринг.

*Ҳақиқий раҳбар ўртамиёна  
ходимни иқтидорли ходимнинг  
ишини бажаришга қандай  
мажбур қилиш мумкинлигини  
яхши билади.*

**Жон Д. Рокфеллер**

Ишни бойитишга мисол келтирамиз. Жениферни ўз ишидан норози, ноаҳил ходимлардан иборат жамоанинг сугурта талабларини қайта ишлаш бўлимига раҳбар этиб тайинлашди. Сугурта талабномаларини қайта ишлаш бир нечта босқичда бажариларди. Ҳар бир ходим талабноманинг муайян қисмини кўриб чиқар ва кейинги ҳамкасбига узатарди. Бирор хато аниқланганда ҳужжат раҳбарга етказиларди. Бу самаралими? Эҳтимол. Аммо иш шакли ўта зерикарли.

Женифер талабномаларни, қайта ишлаш жараёнини ўзгартирди. Энди ҳар

бир ходим талабномани түлиқ ўқиб чиқар, хатоларни бартараф этар, муаммоларни шахсан ҳал этарди. Шу тариқа битта талабномани қайта ишлашга кетадиган вақт сарфи ошди, аммо ишнинг бу шакли ходимларнинг қизиқишини оширди, улар қизиқиш ва қониқиши билан ишлашга ўтишди. Ишлаб чиқариш ҳажми сезиларли даражада ошди. Кадрларнинг ўз ишидан норозилиги, ноахиллиги минимум даражага тушди.

Ходим барча жараёнлар билан таниш бўлса, барча масалаларни қолган ҳамкаслари билан бирга ҳал этишга қодир бўлса, ходимлар ўртасидаги жипслик ортади, бу меҳнат самарадорлигини оширади. Бундан ташқари, фаолият турини ўзгартириш қотиб қолган мажбуриятларнинг хилма-хил бўлишига ёрдам беради.

Кимгадир ниманидир мажбуран сотиш, нимадир қилишга ундаш, буюриш ҳеч кимга ёқмайди. Ҳар бир инсон ўзи истаган нарсани сотиб олгиси, ўзи тўғри деб билган ишни қилгиси келади. Ҳар бир инсон унинг фикри, истак ва талаблари билан ҳисоблашишларини истайди.

### **Мотивациянинг салбий шаклидан қочинг**

Ишлаб чиқариш андозаларини ёки корпоратив қоидаларни бузиш оқибатида ишдан ҳайдалиш хавфи ҳаракатланишнинг самарали усули бўлиши мумкин. Бироқ бу вақтинча, холос қоча иши йўқлиги, бу

*Меҳнат бозори кенгайиши  
билин ишдан қувилиши хавфи  
ҳам камаяди. Бошқа ишга  
ўтиши имкони мавжуд бўлса,  
диктатор раҳбарнинг қўл  
остида ишлаш кимга ёқади?*

ишидан ҳам ажралиши ва ҳеч нимасиз қолишини англаб турган ходим албатта ишлайди. Лекин қандай? У фақат ишдан қувил маслик учун ишлайди. Кўркув ишга туртки бермайди. Ҳакиқий мотивация одамларни керагидан кўпроқ ишлашга ундейди.

Баъзи одамлар мотивациянинг салбий шаклига ўрганиб қолишган. Эҳтимол, болалик пайтида уларни ота-оналари муттасил қўрқитишгандир? Балки уларнинг ўзлари золим раҳбар қўл остида ишлашгандир? Шу сабабли улар учун қаттиққўллик бошқарувнинг асосий шакли бўлиб қолгандир? Яхши раҳбар барча ходимларнинг ўзига хос жиҳатларини хисобга олиб, ходимларга мақбул бўлган муомала ва мотивация усулини қўллаши керак.

## **21 та самарали мотивация омили**

Куйида ходимнинг самарадорлигини оширишни кафолатловчи энг яхши мотивация усуллари келтирилди.

1. Мақсадларни аниқ белгилашда ва уларни амалга ошириш режасини тузиша ходимларнинг иштироқини рағбатлантиринг.

2. Ходимларнинг бажараётган ишлари бошқа ходимларнинг ишига қанчалик мувофиқ келишини тушунтириб боринг.
3. Ходимларни муваффақиятли ишлаш учун зарур бўладиган воситалар ва дастурлар билан таништириб боринг.
4. Ҳар бир ходимга муносиб иш ҳақи белгиланг.
5. Қулай ва хавфсиз меҳнат шароитини яратинг.
6. Аниқ ва тушунарли йўл-йўриқларни беринг.
7. Ходимнинг имконияти ва қобилиятидан келиб чиқиб топшириқ беринг.
8. Одамларга уларнинг бевосита мажбуриятлари билан боғлиқ қарор чиқариш имконини беринг.
9. Ҳар бир ходимнинг фикрига диққат билан ёндашинг.
10. Топшириқни муваффақиятли бажарган ходимдан мақтovингизни дариф тутманг.
11. Ҳар бир саволга аниқ ва очиқ жавоб беринг.
12. Ҳар бир ходимга холис, адолатли, хурмат билан ёндашинг.
13. Ходимларга уларнинг муаммоларини ҳал этишга кўмаклашинг.
14. Ходимларнинг янги билим ва кўникмалар ортириш истагини қўллаб-куватланг.
15. Ҳар бир ходимга алоҳида эътибор ва ғамхўрлик кўрсатинг.

16. Ҳар бир ходимнинг феъл-атворини ўрганиб чиқинг ва у билан мулоқот пайтида эътиборга олинг.
17. Ходимларда ишга нисбатан қизиқиши ва гайрат уйғотинг.
18. Ҳар бир ходимга жамоанинг ажралмас қисми эканини ҳис этишига имкон беринг.
19. Жамоанинг ғоя ва таклифларини дикқат билан ўрганинг.
20. Ходимларни уларнинг сардорлик даражасидан хабардор қилинг.
21. Ходимларни тўлақонли ишлаш истаги ва ҳаракатларини қўллаб-қувватланг.

*Мотивациянинг энг  
самарали шакли шахсий  
ютуқларни қўллаб-қувватлаш  
ва тан олишдир. Раҳбар  
оғзаки ёки ёзма равишда  
ходимнинг позициясини қўллаб-  
қувватлаши, ташкилот  
ютуқларидаги аҳамиятини  
таъкидлаб туриши керак.  
Ходимлар ҳамманинг олдида  
ва раҳбар билан юзма-юз  
турганда мақтov эшишишини,  
уларнинг хизматлари хоҳ  
оғзаки, хоҳ ёзма бўлсин,  
эътироф этилишини яхши  
кўришиади.*

## **Эътироф ва рағбат**

Пул – ойлик маош ва турли бонусларни ошириш – ходимларни рағбатлантиришнинг кенг тарқалган усули. Ҳақиқатан, молиявий масалалар кўпчилик учун муҳим саналса-да, ҳаракатга келтиришнинг бошқа, янада самаралироқ усуллари ҳам бор. Кўплаб сўровлар натижаларига кўра, айрим кишилар ўзларини кўрсатишни, ўз меҳнатларининг эътироф этилишини пулдан юқори қўйишади.

Биз муваффақият қозонишимизга, ўз ишмиздан завқ олишимизга ёрдам берганларга миннатдорчилик билдиришни кўпинча унугиб қўямиз. Раҳбат сифатида сиз хомларга уларнинг умумий мақсадлар рўёбига қўшган ҳиссасини қадрлашингизни айтишингиз шарт.

## **Ходимни қандай мақташни ўрганинг**

Одатда раҳбарлар имкон қадар ходими ни мақташ эмас, танқид қилиш учун асос қидиришади. Раҳбарият вижданан бажарилган ишни мажбурият ўрнида қабул қиласи ва бунинг учун мақтовни лозим топмайди.

Мисол учун, супермаркетлар тармоғи раҳбари Дугласнинг дўконларидан бирида бошқарувчи бўлиб ишлаттган Томга муносабатини келтириш мумкин. Дуглас айтади: «Мен ҳар гал дўконга кирганимда Томнинг ишидан бирор камчилик топиши-

га уринардим. Мен ундан ҳамма ишни бекаму кўст бажаришини сўрардим, назаримда у кўпроқ нарсага қодир қўринарди. Кейин мен бу дўконнинг яхши даромад келтираётганини пайқадим (ҳафтасига 10 минг доллар). Сўнг сотувчиларнинг ва бошқа ходимларнинг Томга қанчалик хурмат билан қарашларини кўрдим. Мен танқидга шу қадар берилиб кетганимдан Томнинг ютуқларини эътироф этишни унтиб қўйибман.

Кейинги гал дўконга кирганимда Томга беназир ходим эканини айтдим. Савдо ҳажми ошаётганини билдириб, унинг харидорлар билан муомаласини мақтадим. У менинг қаршимда қаддини тик тутиб турар, аммо кўзларида ёш милтиради. «Хўжайин, – деди у, – бу ерда иш бошлаганимдан бери бир марта ҳам мен билан гаплашмагансиз. Мен ва менинг ишим

*Банкнинг бош газначиси  
Виржиния ҳамиша таътил  
ёки даволанишдан сўнг  
ишга қайтганларни очик  
чеҳра билан кутуб оларди.  
Ходимларнинг саломатлиги,  
таътил қандай ўтганини  
сўраб, у йўқлигига ишда юз  
берган янгиликларни гапириб  
берарди. Шу тариқа у  
ходимларга керак нарсани  
бера оларди.*

ҳақида ўйлашингизни билиб бошим осмонга етди».

Кўпгина раҳбарлар маош ёки мукофот микдорини ошириш ходимни рағбатлантиришнинг энг тўғри йўли деб билишади. Саноат корхонаси соҳиби Тимоти ишини янада ривожлантиришни ўйларди. Унинг ходимларидан бири бошқалардан кўра кўпроқ иш бажаарди. Табиийки, бунинг учун у қўшимча мукофот олар, аммо Тимоти ўз миннатдорлигини фақат пул билан ифодалай олмасди. Шунинг учун у ходимига алоҳида раҳматнома йўллаб, компаниянинг ривожига ҳиссаси бекиёс эканини баён қилди. Бу мактубни олган ходим йиғлаб Тимотига миннатдорлик билдириди. Тимотининг ўзи ҳам ходими ning садоқатидан кўнгли бўшаб, кўзлари ёшлианди.

Ходимнинг меҳнатини эътироф этиб, раҳбар унинг ишга бўлган қизиқишини оширади, уни келгусидаги ютуқларга ундаиди.

Одамлар нега ўзгаларнинг меҳнатини камдан-кам эътироф этишади. Кўпчилик раҳбарлар ўз ходимларини ишишга мажбур деб ўйладилар: «У ўзининг ишини бажаряпти, холос!» Айрим раҳбарлар эътироф этишни ожизлик белгиси деб биладилар.

### **Мақтov борасида ҳасис бўлмант**

Ҳар доим ходимларга эътиборли эканингизни такрорлаш шарт эмас. Гоҳида бажарилган ишга қандай қарашингиз, ходимингиз ютуқларидан қанчалик қувони-

шингизни самимий айтиб турсангиз бас. Самимий мақтовдан ҳали ҳеч ким чарчамаган. Сиз юқори баҳолаган ходимнинг қайси жиҳати маъқул эканини унинг ўзига билдиринг. Агар ходимнинг бирон ҳаракати ёки бажарган иши таҳсинга сазовор бўлса, имкон қадар тезроқ миннатдорчилик билдиришта ҳаракат қилинг. Шу тариқа сиз унинг қувончига қувонч қўшасиз.

Агар узоқ муддатли ишни бажараётган ходимни мақтасини истасангиз, ҳар бир оралиқ босқични ижобий тарзда якунлаганидан сўнг мақтаб кўйинг. Бу худди севги изҳори оиласвий муносабатларни яхшилаганидек, ходим билан орангиздаги муносабатларни изга солади, унинг ишнатајасига бўлган қизиқишини оширади.

Айрим раҳбарлар ходимларнинг хизмати

*Одамларга сизнинг қанча  
кўп билишингиз эмас, уларга  
қанчалик эътиборли эканингиз  
муҳимроқ.*

**Говаррд Шульц**  
**«Старбукс» раиси**

тини эътироф этиш ўз мавқеларига путур етказишидан хавфсирайдилар. Бу нотўғри. Барча буюк инсонлар муваффақиятга эришишларида қўмаклашган инсонларга миннатдорчилик билдиришдан уялишмаган. Шу тариқа улар кучли инсон сиймосини яратишган ва бошқаларнинг ишончини қозонишган.

## **Доим ҳалол бўлинг**

Миннатдорчилик чин юракдан бўлиши лозим. Сизга ишонишлари учун ўзингиз айтган гапингизга ишонишингиз керак. Овоз, қарашлар, ҳаракатлар сизнинг асл ҳиссиётингизни ошкор этади. Агар сиз кимнингдир ишидан чин юракдан рози бўлмасангиз, уни ва ўзингизни сохта мақтовлар билан алдаманг.

*Миннатдорчилик юракдан чиқиши керак. Чин кўнгилдан айтилган сўзлар ўзингиз ва сұҳбатдошингиз қайфиятини кўтариши аниқ.*

## **Резюме**

• Раҳбарлик курсисига ўтирганингиздан сўнг ходимларингизни сиз илгари бажарган ишни камида сиздек ёки ундан ҳам яхшироқ бажаришларига илҳомлантиринг.

• Гэллоп институтининг аниқлашича, ходимнинг бевосита раҳбар билан муносабати иш ҳақи ва имтиёзлардан кўпроқ аҳамият касб этар экан.

• Сиз ходимларингизга касбий ва шахсий ўсиш имкониятини яратиб, уларнинг садоқати ва ишончига эга бўласиз.

• Тадқиқотларга қараганда, бошлиқларнинг эътирофи қарор қабул қилиш, жараёнда иштирок этиш ходимлар учун пулдан кўра мухимроқ саналар экан.

• Ҳар бир инсоннинг ўз ҳаёт тарзи ва иш услуби бор. У ёки бу ходим қандай

ишилаётганини кузатинг. Шу орқали унинг ахлоқий манерасини билиб оласиз.

• Зерикарли ишни ранг-баранг қилиш учун уни замонавийлаштиринг.

*Агар кемангиз қайси портга  
боришини билмасангиз, ҳеч  
қандай шамол манзилга  
етишингизга ёрдам  
беролмайди.*

### **Сенека**

• Ўз вазифасини қониқарсиз бажаргани учун ишдан қувилиш таҳдиidi ходимга ҳаракат бағишлилмайди, бундай ҳолатда у минимум даражада ҳаракатланади. Факат мотивациянинг ҳаққоний усуllibари ходими керагидан кўпроқ ишлашга ундаиди.

• Мақтов ҳаққоний бўлиши керак. Сиз ўзингизга, гапираётган гапингизга ишонинг.

## УЧИНЧИ БОБ

### ЖАРАЁНЛИ МЕНЕЖМЕНТ КҮНИКМАЛАРИНИ ТАКОМИЛЛАШТИРИШ

Жамоани бошқариш күникмаларини ошириш билан бир қаторда салоҳиятли раҳбар корпоратив мақсадларга хизмат қиладиган жараён унсурларини ҳам бошқара олиши керак. Бунга режалаштириш, йўналтириш, вақтни бошқариш, танлай олиш ва инновацияларни жорий этишни киритиш мумкин.

*Машгул бўлиш ҳар доим  
ишилаш дегани эмас. Ҳар  
қандай ишдан мақсад ишилаб  
чиқариш ёки бирор ютуққа  
эришиш демакдир. Бунинг учун  
бошқарув, ражалаштириш, ақл  
ва соглом нуқтаи назар ҳамда  
огир меҳнат керак бўлади.  
Нимадир қилишни истамоқ  
нимадир қилмоқ дегани эмас.*  
**Томас А. Эдисон**

## Йўналтиринг

Шубҳасиз, ҳар бир бўлим ходимиининг ўзига яраша иши кўп бўлади. Раҳбарнинг ёнг муҳим вазифаларидан бири қайси

ишиňи ўзи бажариб, қайсинаисини ходимларига топшириш ҳақида түгри қарор қабул қилишдир. Ишни түгри тақсимлааб сиз нафақат ходимга тегишсли вазифаларни юклайсиз, балки унга муҳим ваколат бериле, натижа учун масъул қилиб қўясиш.

Ходимни түгри йўналтириш унинг уёки бу вазифани бажаришда ўз қобилиятiga бўлган ишончини оширади.

*Энг яхши раҳбар иш  
пайтида четда тура олиши  
учун ўз атрофига уни  
қизиқтирадиган масалаларни  
муваффақиятли бажаришга  
қодир, ақлли ва тадбиркор  
ходимларни жамлаши лозим.*

### **Теодор Рузвельт**

Менежерлар жуда кўп ҳолларда ўз имконияти доирасидан кўпроқ ишни зиммасига оладилар. Қуийдаги саволларга жавоб бериле, ўзингизни синааб кўринг:

1. Сиз айрим ишларни уйга олиб бориб бажарасизми?
2. Мансабингиз ошгунча бажарган ишларингизни ҳозир ҳам давом эттиряпсизми?
3. Маслаҳат ёки ахборот олиш учун сизга тез-тез мурожаат қилишадими?
4. Бошқа ходимларингиз қилиши мумкин бўлган ишни ўзингиз қиляпсизми?
5. Ҳаддан ташқари кўп лойиҳаларни зиммангизга олмаганмисиз?
6. Ходимларингизнинг ишларига аралашишга, шошилинч бўлмаган ишларни ҳал этишга кўп түгри келадими?

7. Бошқа менежерлардан кўра кўпроқ ишлайсизми?

8. Бошқа ходимларнинг ишини бажариш учун кўп вақт сарфлайсизми?

9. Офисда бир неча кун бўмасангиз, сизни электрон хатлар ва овозли хабарларга кўмиб ташлашадими?

10. Бошқа ходимларга топширган ишингиизни ўзингиз бажаришингизга тўғри келадими?

Агар сиз ушбу саволларнинг барига ёки аксариятига «Ҳа» деб жавоб берган бўлсангиз, иш жараёнини ва бошқарув услубини қайта ташкил этишингиз керак бўлади. Энг аввало, ходимларнинг сизнинг аралашувингизсиз кўпроқ ишларни бажара олишсин.

*Агар олдингизда қийин  
вазифа турган бўлса, уни  
қобилиятли, аммо дангасароқ  
ходимингизга юкланг. У  
муаммони ҳал этишнинг энг  
енгил усулини топади.  
**Номаълум муаллиф***

### Йўналтиришдан қўрқманг

Сиз раҳбар сифатида ўз бўлимингизда юз бераётган барча ўзгаришлар учун масъулсиз. Лекин барча масъулиятни ўз зиммангизиз имконсиз, ҳатто хатарлидир. Зўриқиб ишлаш асабийликка, ошқозон яраси, ҳатто юрак хуружига ҳам сабаб бўлади.

Албатта. Фақат сиз қилишингиз лозим бўлган ишлар, фақат сиз ҳал қиласидиган ма-салалар, фақат сиз еча оладиган ўткир муам-молар кўп. Шу билан бирга, кўпгина вази-фаларни бемалол қўл остингиздагилар ҳам ҳал эта олади. Йўналтириш ваколатларни тўғри тақсимлаш имконини беради, сиз-нинг ва сиз ходимларингиз салоҳиятини оширишга кўмаклашади. Шунингдек, барча ишлар ўз муддатида, етарли тажриба ва ма-лакага эга ходимлар таарафидан бажарули-шини таъминлайди.

### **Мажбуриятларни тақсимлану**

Сиз ўз ходимларингиз қобилийни яхши билишингиз керак. Вазифални тақсимлаш асосида у ёки бу вазифанъ им қандай ҳал эта олишини хаёлингизда ўт-казинг. Агар вақт етарли бўлса, ходимларингиз тажрибасини ошириш учун уларга қийинроқ топшириқ беринг. Агар ходимларингиз турли вазифаларни бажаришга қодир бўлишса, сиз учун ўз ваколатингизни бажариш ва жамоани бошқариш шу қадар осон кечади. Агар жамоанинг ҳеч бир вакили бу ишни бажара олишига кўзингиз етмаса, бу ишни ўзингиз ҳал қилинг, аммо келгусида бундай ваколатларни юклаш учун бир ёки бир қанча ходимларни тай-ёрлаб туринг.

## Йўриқномалар аниқ ва тушунарли бўлсин

Раҳбар ходимига топшириқ бераркан, «тушунарлими?» деб сўрайди ва одатда ижобий жавоб олади.

Лекин ходим ундан нима талаб қилина-ётганини аниқ биладими? Эҳтимол. Агар у ҳаммасини тўла тушунмаган, фақат буни тан олишга журъат қилолмаган бўлса-чи?

«Ҳаммаси тушунарлими?» деб сўраш ўрнига ундан ишни нимадан бошламоқчи эканини сўранг. Шу орқали унинг иш моҳиятини қанчалик англаб етганини фарқлайсиз.

Зарурат туғилса, ходим йўриқномага тўла амал қилиши учун кичикроқ тест ўтказиб, бунга ишонч ҳосил қилинг. Ходимнинг келгусидаги иш-ҳаракатини аниқ белгилаш учун аниқ саволлар беринг. Агар сизни асосан натижা қизиқтиrsa, умумий саволлар билан чекланинг.

Йўриқнома ходим учун нафақат тушунарли, балки мақбул ҳам бўлиши керак. Масалан, офис менежери Жанет сешанба

*Хеч қачон ходимларингизга  
ишни қандай қилиш  
кераклигини тушунтирманг.*

*Уларга нима қилиш  
кераклигини айтинг ва улар  
ўз иш натижалари билан  
сизни лол қолдиришади.*

**Жорж Смит Паттон,  
генерал-лейтенант**

куни эрталаб Жеремига топшириқ беради ва ишни уч яримда тутатишни сүрайди. Жереми иш ҳажмини таҳлил қилиб, «бунинг имкони йўқ» деб ўйлайди. Бундай ҳолатда иш белгиланган муддатда битмайди.

Ходим топшириқни қабул қилиши учун унга бу ишнинг қанчалик муҳимлигини тушунтиринг. Жанет шундай дейиши мукин эди: «Бу маъруза эртага эрталаб директорнинг столи устида туриши керак. Маъруза унга акциядорлар кенгаши олдидан сўзга чиқиши учун керак бўлади. Нима деб ўйлайсан, сен бу ишни қанча вақтда

*Ҳамма ишни ўзи қиласидиган  
ва ҳар нарсани ўз зиммасига  
олаверадиган одам ҳеч қачон  
бу юк тадбиркор бўлолмайди.*

бажара оласан?» Бундай ҳолатда Жереми ўйлайди: «Ҳа, бу жуда муҳим ҳужжат экан, агар тушликка чиқмасам ва севган қизимга қўнгироқ қиласам, маърузани бешгacha ёзиб битираман».

Маъруза эртага эрталаб тайёр бўлиши керак бўлса-да, нима учун Жанет уни соат уч яримда битириб беришни сўради? Эҳтимол шундай деса, Жереми ишни кечгача чўзиб бўлсаям битириб беришига умид қиласидир? Бироқ унумаслик керакки, кўпчилик тезкорликни ижобий қабул қиласиди. Муддатида улгурда олишмаслигини билиб, ҳатто бажаришга уриниб ҳам кўришмайди. У ёки бу вазифани

бажаришнинг мақбул муддатини ходимнинг ўзи белгилашига қўйиб бериб, сиз унга вақтида улгуриш имконини берасиз.

### **Назорат нуқталарини аниқлаштиринг**

Назорат нуқтаси – бажарилган ишнинг тутатилган, таҳлил қилинадиган, хатолари тўғриланадиган нуқтасидир. Назорат нуқталарининг мақсади хатоларни вақтида англаб бартараф этишdir. Назорат нуқтаси кутилмаган текширишга айланиб кетмаслиги керак. Ходимлар уларнинг фамилияти қайси босқичларда таҳлил қилиниши лозимлигини билиши керак.

Ижодий имкониятларини рўёбга чиқармоқчи бўлсангиз, ходимнинг ҳар қамини назорат қилманг.

*Ўз атрофингизга энг яхши  
ходимларни тўпланг, уларнинг  
ваколатларини белгиланг ва  
ишларига аралашманг.*

***Рональд Рейган***

***Ходимларнинг ваколатларини  
тақсимланг ва топшириқни аъло  
бажаришлари учун уларни зарур  
воситалар билан таъминланг***

Етарлича маблағ бўлмаса бирор ишни бажариш қийин. Бунинг учун ходимга керакли курилмалар, мақбул иш жадвали, фойдаланадиган манбалар, шунингдек, етарлича ваколат берилиши керак.

Айрим раҳбарлар вазифаларни тақсимлашга эътиборсиз. Агар сиз қўл остингиздаги ходимнинг ҳар бир қадамини назорат қилишни истамасангиз, унда қарор қабул қилишни унинг ўзига қўйиб беринг.

*Раҳбарга юзага келган  
муаммо бўйича мурожаат  
қиларкан, ходим уни ҳал этиши  
бўйича ўзининг тақлифини  
биддириши керак. Яхши  
ҳолатда у бу муаммони ўзи  
ҳал этади, ёмонроқ ҳолатда  
«сиз нима деб ўйлайсиз,  
шуңдай қилсанм бўлармикин?»  
деб маслаҳат солади. Вазият  
янада қалтисроқ бўлса, «энди  
мен нима қиласман?» дейиши  
ҳам мумкин.*

Агар ходимга қандайдир ашёлар керак бўлса, унга керагича маблағ беринг, токи у ўзига керакли нарсани сизнинг тасдигингизсиз топа олсин. Бу айниқса, мунтазам ишлайдиганлар учун асқотади. Ходимнинг ҳар бир ҳаракатини назорат қилар экансиз, сиз ишнинг ижросини кечиктирасиз, ходимнинг эса ишга бўлган қизиқиши йўқолади.

## **Ишни тақсимлашда сиз масъулиятни зиммангизга олмайсиз**

Ходимларингиз сизга тез-тез саволлар беришади, маслаҳат сұрашади, сизнинг ёрдамингизга мухтож бўлишади. Уларга ёрдам беринг, аммо ходимларнинг ишига чукур кириб кетманг. Уларга ҳам доим ёрдамга, маслаҳатга, қўмакка тайёр эканингиз, аммо ҳеч қачон уларнинг ишини бажармаслигингизни айтинг.

*Сизнинг асалариdek  
тинимсиз ишилашингиз эмас,  
нима устида ишилаётганингиз  
муҳимроқ.*

**Генри Дэвид Торо**

Вазы аларни тўғри юклай билиш қобилияти өшқарув самарадорлигини оширади. Сиз вақтдан ютасиз, чунки асосий ишларни қўл остингиздагилар бажаради. Шу билан бирга, улар тажриба тўплашади ва касбий жиҳатдан ўсиб боришади. Колаверса, сиз ўзингиздаги раҳбарлик салохиятини ўстирасиз.

### **Вақтдан унумли фойдаланиш**

Муваффақиятли раҳбар бўлиш учун ўз иш вақтингиздан унумли фойдаланишингиз керак. Афсуски, вақтни назорат қила олмаслик бугунги раҳбарларнинг кенг тарқалган муаммоларидан бири саналади.

Вақтдан унумли фойдаланишингизга нималар халал берабётганини таҳдил қилиш учун қуйида келтирилган тўсиқларни

Энг муҳимидан бошлаб энг аҳамиятсизигача белгиланг. Кейин бу тўсиқларни бартараф этиш йўлларини кўриб чиқинг:

- дикқат ва мотивациянинг йўқлиги;
- доимий узилиши ва ушланишилар;
- ишнинг ҳаддан ташқари кўплиги, вақтнинг эса озлиги;
- масалаларни ҳал этиш учун маблаг-нинг жуда озлиги;
- ишни оқилона режалаштирмаслик;
- вақтни орқага суриш тенденцияси;
- ўз-ўзини бошқариш ва зарур нарсаларни саралашни билмаслик;
- ваколатларни тўгри йўналтира олмаслик;
- тўгри вақт доирасини белгилай олмаслик;
- вақтни бекорга сарфлаш ва фойдасиз ийғилишлар;
- руҳий зўриқини.

### Вақтни самарали бошқариш тамоийиллари

Ўз вақтингиздан унумли фойдаланиш учун бир қанча тавсияларни келтириб ўтамиш:

1. Иш жойингизда тартиб ўрнатинг. Столингиз устидан кераксиз нарсаларни олиб ташланг, хужжатларни муҳимлик ва ишлатилиш тезлигига қараб тахлаб чиқинг.

2. Вақтни бошқариш воситаларидан – ишлар рўйхати (муҳимлик даражасига қараб), органайзерлар, хронологик журналлар, лойиҳалар рўйхати, тақвимлардан фойдаланинг.

3. Оддингизда турган ишлар ва белгиланган режалар рўйхатини қоғозга чиқариб олинг, ҳар бир пунктни бажартанингиздан сўнг ўзингизни рафбатлантириб туринг.

*Дақиқалар ҳақида қайгуринг.*

*Соатлар ўзи ҳақида*

*қайгураверади.*

**Лорд Честер**

4. Аниқ мақсадларни ишлаб чиқинг, уларни бир нечта босқичга бўлинг, ҳар бирдан навбатма-навбат фойдаланинг. Сиз шу ишни бошланг, кўп ўтмай натижани кўрасиз.

5. Ҳар бир кунни режалаштиринг, кичик танаффусларни ҳам фойдали ишларга сарфланг.

6. Ички биологик ритмга риоя қилинг. Айримлар эрталаб самаралироқ ишлашса, бошқалар кечки пайт кўпроқ ишлашади. Самарадорлик ва энергия кўпроқ бўлган пайтда ишлашга ҳаракат қилинг.

7. Омад келганида вақтни бой берманг. Куч-қувват, ғайрат, мотивация, ижодий изланишларни ўз фойдангизга ишлатинг. Бу муддат сизнинг илгари беҳуда сарфланган вақтингиз ўрнини тўлдиради.

8. Ўз ўзингизга «эртага меҳнат таътилига чиқаман ва ҳамма ишларимни тартибга солишим керак» деб сўз беринг. Ғайрат ва шиддат билан ишланг, шошилинч муаммоларингизни дарҳол ҳал этинг, муҳим кўнғироқларни дарҳол амалга оширинг, шошилинч хатларни тезликда жўнатинг.

9. Тезкорлик билан тўғри қарор қабул қилишни ўрганинг.

10. Ҳар куни бирон муҳим ишни бажаришга ҳаракат қилинг. Сизни чалғитувчи омилларни четта суринг, танаффуслар вақтини қисқартиринг ва бутун диққатингизни ишга йўналтиринг.

11. Мажбурий кечиктириш ва ушланишлардан ўз манфаатингиз учун фойдаланинг: ижодий куч ва энергия захирасини тўлдириб олинг.

12. Бошингиздан баланд сакрай олмайсиз. Қўшимча вазифаларни зиммангизга олманг. Фақат «йўқ» денг, тамом. (Изоҳлаш учун ортиқча вақт сарфлаш шарт эмас.)

13. «Бирорвга иш буюр, орқасидан ўзинг югур» қабилидаги қараашдан воз кечинг. Бошқаларга юкланг, ходимларингизга ишонишдан кўрқманг.

14. Вақтлироқ уйғониш ва ишга ғайрат билан киришишга одатланинг.

15. Амалий кўргазмаларга бориб туринг, маҳсус журналларни мутолаа қилинг: янги технологиялар ва вақтни тежаш йўлларидан боҳабар бўласиз.

16. Келгусида хатоларингизни тақрорла- маслик учун уларни таҳлил қилиб туринг.

## Ойлик, ҳафталик, кунлик хронологик журналлар юритинг

Вақт ҳисобини юритишнинг бир қатор усулларини кўриб чиқамиз.

**Келгуси ойдаги лойиҳалар рўйхати**

Ой _____	
Қилишим керак бўлган ишлар <i>Ой бошида тўлдирилади</i>	Иш ҳолатини текшириш <i>Ой охирида тўлдирилади</i>
1 лойиҳа Бажариш шарт %	1 лойиҳа Бажарилди %
%	%
%	%
2 лойиҳа Бажариш шарт %	2 лойиҳа Бажарилди %
%	%
%	%
3 лойиҳа Бажариш шарт %	3 лойиҳа Бажарилди %
%	%
%	%

**Зарур бўлганда бошқа лойиҳаларни  
ҳам киритишингиз мумкин.**

**Ҳафталик хронологик журнал**

	Душанба	сешанба	чорчанба	пайманба	жума
7:00 гача					
7:00-					
7:30-					
8:00-					
8:30-					
9:00-					
9:30-					
10:00-					
10:30-					
11:00-					
11:30-					
12:00-					

12:30-						
13:00-						
13:30-						
14:00-						
14:30-						
15:00-						
15:30-						
16:00-						
16:30-						
17:00-						
17:30-						
18:00-						
18:30 дан кейин						

## Кундалик хронологик журнал

7:00 гача	
7:00-	
7:30-	
8:00-	
8:30-	
9:00-	
9:30-	
10:00-	
10:30-	
11:00-	
11:30-	
12:00-	
12:30-	
13:00-	
13:30-	
14:00-	
14:30-	
15:00-	
15:30-	
16:00-	
16:30-	
17:00-	
17:30-	
18:00-	
18:30 дан кейин	

## **Зиқлик азоби**

Мақсадларнинг амалга ошмай қолишига шошилинч ишларни муҳимлари билан чалкаштириб кўйиш сабабдир. Албатта, гоҳида кутилмаган вазиятлар юзага кела-

*Ишбилармон раҳбарлар у  
ёки бу ишларнинг муҳимлик  
ва шошилинч нисбатига катта  
эътибор қаратишади.*

ди ва уларни ҳисобга олиш керак бўлади. Аммо келгусида албатта фойдаси тегадиган муҳим ишларни ҳам четга суриб бўлмайди.

Худди глобал инқироз муаммолари каби вазифаларни ўз вақтида ҳал этиш, зиддиятларни ечиш сингари бир пайтнинг ўзида ҳам шошилинч, ҳам муҳим ишлар бўлади.

Шунингдек, ҳар доим муҳим, аммо шошилинч бўлмаган, масалан, лойиҳаларни режалаштириш, муносабатларни қайта кўриб чиқиши, кўнікмаларни такомилаштириш сингари ишлар ҳам бор.

Бундан ташқари, шошилинч, аммо муҳим бўлмаган ишлар ҳам бўлади. Дейлиқ: телефон қўнғироқлари, электрон хатлар, матнли хабарлар, янгиликларни томоша қилиш ва ҳоказо.

Айрим ишлар шошилинч ҳам, муҳим ҳам бўлмайди. Ҳар хил спамлар, компьютер ёки виртуал ўйинлар, бекорчи гап сотишлар дегандек.

## **Саралашни ўрганинг**

Сиз инсонларни бошқарасиз ва ишchan мухит талабларига нисбатан муносабатларни, харидорларнинг кутишини, ўзингиз эришишни истаган натижага боғлиқликни белгилайсиз. Замонавий дунёда нарх ва сифат бир хил қийматта эга.

Бироқ реал ҳаётда кўпроқ, яхшироқ, тезроқ ва камхаржроқ иш битиришга тўғри келади, демакки, ҳамма нарсани ўз ўрнига қўя билишингиз керак. Дунёни нима бошқараётгани, раҳбар, ҳамкаслар, ташкилотнинг бошқа бўлими ходимлари бизнесда қайси омиллар етакчилик қилаётгани юзасидан билдирилаётган фикрларга қандай муносабатда эканини тушуниш жуда мухимдир. Бу эса бутун ташкилот учун мақбул бўлган хулосаларни чиқаришга ёрдам беради.

*Вақтдан максимал даражада  
самарали фойдаланишини  
истасангиз, сиз учун нима  
муҳим бўлса, бор кучингизни  
шунга сарфланг.*

### **Ли Якокка**

Ишларни тўғри саралашга ёрдам берадиган тавсияларни эътиборингизга ҳавола этамиз:

- ишлар рўйхатини тузинг;
- ишларни уларнинг мухимлигига қараб шахсий ва касбий гуруҳларга бўлинг;
- рўйхатдаги қайси муайян масалалар бошқа ходимларга ҳам алоқадорлигини

аниқланг (масалан, кимгадир қайси дир ишни бажаришда ёрдам беришингиз керак);

- ҳар бир ишнинг бажарилиш муддатини белгиланг;

- у ёки бу масаланинг вақтида бажарилмаслиги эҳтимоли бўлса, таҳлил қилиб чиқинг;

- барча топшириқларни муддатида бажариш қанчалик муҳимлигини ўйланг;

- рўйхатнинг охирида қилинадиган ишларни бошқаларга топширинг ёки улар вақт сарфлашга арзимаса, умуман воз кечинг.

### **Масалаларни муҳимлик даражасига қараб тақсимланг**

Машҳур раҳбарлар қайси лойиҳалар ўта муҳимлигини билишади ва ана шу «долзарб масалалар»ни келгусида кўриб чиқишиади. Улар бу масалада иш ҳолатидан хабардор бўлиб туришади, лойиҳаларнинг стратегик аҳамиятини ва бу ишни муваффақиятли битириш барча манфаатдор шахслар учун қанчалик муҳим эканини яхши англашади. Улар мазкур лойиҳалар ташкилотнинг умумий стратегиясига қанчалар тааллуқли эканини икки оғиз гап билан ифодалаб беришади.

Долзарб масалаларга қуйидагиларни киритиш мумкин:

- даромаднинг ортиши;

- бозордаги ҳиссанинг кўпайиши;

- мижозлар базасининг кенгайиши;

- меҳнат самарадорлигининг ортиши;

- мавжуд муаммоларнинг креатив ечими.

## **Парето қонуни ёки 80/20 тамойили**

1906 йилда итальян иқтисодчиси Вильфредо Парето мамлакатдаги фаровонлик тақсимотидаги тенгсизликни акс эттирувчи формулани амалга киритди. Унинг аниқлашича, даромадларнинг ўртача 80 фоизи аҳолининг 20 фоизи ҳиссасига тўғри келар экан. Паретонинг бу қашфиётидан сўнг мутахассислар ўз фаолиятлари доирасида ҳам шунга ўхшаш феноменларни пайқашган.

Сифат менежменти бўйича илк мутахассис, доктор Жозеф Журан «кўплаб фойдали ва бир оз ҳаётий муҳим» универсал тамойилини ишлаб чиқди. Доктор Жураннынг кузатишларига кўра, ҳар қандай вазиятда 20% га 80% натижা мутаносиблиги юзага келади ёки бу Парето қонуни, бошқача айтганда, 20/80 тамойилини тасдиқлайди.

### **20/80 тамойилига мисоллар:**

- маҳсулотларнинг 20 фоизи омборхоналарнинг 80 фоиз захирасини ташкил қиласди;
- сотувларнинг 80 фоизини 20 фоиз сотувчилар ташкил қиласди;
- ходимларнинг 20 фоизи муаммоларнинг 80 фоизини юзага келтиради;
- фаолиятнинг 20 фоизи натижаларнинг 80 фоизини таъминлайди;

Бироқ бу формулани барча ҳолатларга мутлоқ тегишли деб бўлмайди. Бу концепциядан факат вақтни унумли бошқаришда

фойдаланиш мүмкін. У 80 фоиз вактингизни 20 фоиз ўта мұхым муассасаларга сарфлашингиз лозимлігі ҳақида кундадағы әслатма сифатида хизмат қилади.

### **Рақобатчиларни енгишнинг 5 усули**

Күплаб ташкилотларда күтарилиш имкони бўлган юкори малакали мутахассислар ўртасида кучли рақобат боради. Бу курашда устунликка эришиш учун ташкилот ғазнасига сезиларли ҳисса қўшиш керак. Кучли рақобат мухитида ўзингизни намоён этишнинг 5 усули қуйидагича:

1. *Пулни тежанг.* Ҳар бир ташкилот муваффақиятининг кафолати товар ва хизматлар сифатига зиён етказмаган ҳолда харажатларни қисқартириш ҳисобланади. Ёпик таннархни ўрганинг ва уни камайтириш чораларини ишлаб чиқинг, шу тарика даромадни оширинг. Барча ходимларни ийғиб, таннархни тушириш масаласини мұхокама қилинг.

2. *Вақтни тежанг.* Пулни иқтисод қиши сингари вақтни тежаш ҳам ҳал қилувчамиятта эга. Барча тажрибали бошқа жарнадар вақт энг бебаҳо ресурс эканини билдиради. Агар сиз жараёнларни оптималлаштириб, кераксиз ҳаракатлар сочини қисқартиришга эришган бўлсангиз, рақобатчилардан илгарилаб брмоқдасиз.

3. *Сифатни яхшиланг.* Ҳаридорлар ва сотувчилар ўртасида мунтазам сўровлар тказиб, товар ва хизматлар сифатини ях-

шилаш борасида қимматли маълуматни олицингиз мумкин.

4. *Бозор улусини кенгайтириш*. Мижсолалар базасини кенгайтириб, 1:3 рақибларингизга нисбатан имканийаларингизни оширасиз. Савдони кенгайтириш ва бизнесни ривожлантириш учун харидорлар билан ишлаш хизматини юқори босқичга кўтариб, мижзолар билан муносабатларни ўзаро ишонч асосига ўрнатинг.

5. *Марканинг обрўсини оширинг*. Сиз қиласиётган ҳар бир иш, гапираётган ҳар бир сўз маҳсулот рекламасини кучайтиради. Бу борада савдо вакилининг ташқи кўришидан то маркетинг ва реклама материалари дизайнни, мижзолар билан ишлаш сифатигача барчаси сиз учун муҳим. Муваффакиятли компаниялар бозордаги устунликни белгиловчи обрў ва эътиборлари билан фахрланадилар.

Марка (маҳсулот)ни бошқаришда энг асосийси бозорда ўз ўрнингни топиш демакдир. Интернетдаги оддий қидириув ҳам сизга зарур маълумотни олиш имконини беради. Рақобатлашаётган фирманинг ҳажмита, таклиф этаётган хизматларига ва фаолият кўрсатаётган жўғрофий ўрнига эътибор беринг. Ушбу компаниянинг сайтини ўрганиб, сизнинг компаниянинг билан ўхшаш ва фарқли томонларига эътибор қаратинг. Бу ахборот ўз йўналишингизда ажralиб туришингиз учун режани ишлаб чиқишига кўмаклашади.

## **Ички мониторинг**

Сиз ўсувчи номзод сифатида ташкилотнинг бошқа илғор ходимлари дикқат марказида турасиз. Раҳбарият назарида қар доим ғолибдек таассурот қолдириш учун ўзингизни мунтазам баҳолаб боринг. Ўз-ўзига холисона баҳо бериш усулларидан бири ички мониторинг саналади. У кучли ва заиф жиҳатларингизни, белгиганган мақсад йўлидаги имкониятлар ва ҳавфли омилларни белгилашингизга ёрдам беради. Бу техника сиз тўқнашишингиз мумкин бўлган муаммоларни ҳам қадиндан аниқлайди. Ички мониторинг кучли тарафларингизга эътибор қараш, салбий жиҳатларингизни камайтириш, ҳавф солувчи омилларни чеклаш ва мавжуд имкониятлардан юқори даражада фойда олишга йўл очади.

Кучли жиҳатларингизни аниқлаш учун қуйидаги саволларга жавоб беринг:

- Сиз нимани қойил қиласиз?
- Сизнинг ютуқларингиз нимада?
- Сизнинг ихтиёeringизда қандай воситалар ва манбалар бор?

Заиф жиҳатларингизни белгилаш учун қуйидаги саволларга жавоб беринг:

- Сиз нималарни яхшироқ бажарасиз?
- Сизнинг қайси ҳаракатингиз танқидга учради?
- Сизнинг ожиз томонларингиз нимада?

Мақсадингиз йўлида хавф солувчи омиларни аниқлаш учун қуийдаги саволлағ жавоб беринг:

– Муваффакият йўлида қандай қийи чиликлар пайдо бўлиши мумкин?

– Бу муаммоларни қандай ҳал этмоқчиз?

Ушбу саволларга жавоб қайтариб, имкониятларингизни чамаланг:

– Сиз қайси имкониятилардан хабардорсиз?

– Фаолиятнинг қайси тури сизга фойда келтиради?

– Муваффакият қозониш учун кучли жиҳатларингиздан қандай фойдаланасиз?

*Мени хаёлпараст деб  
йўлашингиз мумкин. Лекин мен  
ёлгиз эмасман. Умид қиласманки,  
сен ҳам бир кун бизга  
қўшиласан ва дунё бир бутун  
бўлади.*

## **Жон Леннон**

### **Инновацион жараён**

Асрлар давомида одамларни ижодий жараён қамраб олган баъзи тадқиқотчилар инсонни креатив ҳаракат қилишга нима ундаши ҳақида бош қотиришади, бошқалари ижодий мухитни юзага келтирувчи мухитни ўрганишади, яна баъзилар товар ва хизматларнинг креатив шаклини ишлаб чиқишиади. Замонавий социологияда олиб борилган сўнгти изланишлар ижоднинг ўзига хослиги ҳақидаги қарашларни йўқقا

чиқармоқда. Ўртача қобилиялар инсон ҳам табиатнинг инновацияларини тушуниши ва ижод қилиши мумкин.

Бу феномен бутун дунё миқёсида менежерларни қизиқтириб қўйди, улар ходимларнинг ижодий қобилиятини ўстириш орқали қанчалик фойда кўриш ва муаммоларни ҳал этиш мумкинлигини англаб етишди. Ҳақиқатан, таҳлиллар шуни қўрсатмоқдаки, ижодий фикр юритиш қобилияти муаммолар ва имкониятларни ғайриоддий бурчак остида таҳлил қилиш мунтазам ўчиб бораётган корхоналар раҳбарлари томонидан энг қимматли фазилатлардан бири сифатида баҳоланади. Нега? Чунки ижодий гоялар янги кашфиётларга, ишлаб чиқариш усуllibарини яхшилашга, таннархни пасайтириш ва сифатни оширишга йўл очади. Бу омилларнинг барчаси юқори рақобат шароитида сув билан ҳаводек зарур.

*Яхши гоя топишнинг  
энг яхши усули кўп гоялар  
топишдир.*

***Доктор Лайнус Полинг***

Шу тариқа, инновацияларни ижодий жараённинг бир қисми сифатида кўриш, улардан мижозлар манфаатини кўзлаган ҳолда фойдаланиш зарур.

*Кўтгина таълим дастурлари  
ва тизимлари танқидий  
фикрлаш қобилиятини  
ривожлантиришга қаратилган  
(масалан, қарор қабул  
қилиш қобилияти, вазиятни  
солиштириш ва баҳолаш,  
тўйгрини нотўйгридан ажратиш  
ва ҳ.к.); кўпчиликнинг ижодий  
потенциали ўзлари ўйлаганидан  
кўра юқорироқ. Аслида ҳар  
бир инсон осон ривожлантириш  
мумкин бўлган ижодий  
қобилиятга эга.*

### **Фикрлаш механизми**

Инсон миясининг фикрлаш механизмини икки қисмга бўлиш мумкин: эркин ижодий фикрлаш ва таҳлилий, танқидий фикрлаш.

Яшил фикрлаш. Кўп йиллар мобайнида «яшил фикрлаш» термини ижодий гояларни равожлантирувчи фикрий жараён маъносида ишлатиб келинди. Бу ҳолатда янги гояларнинг сифати эмас, сони катта аҳамиятга эга. Яшил фикрлар қуидаги ларни ўз ичига олади:

- муҳокамани кечиктириш;
- фикрлар ҳужуми;
- микдорга дикқат қаратиш;
- гоялар оқими.

Кизил фикрлаш. Ақлнинг танқидий қисми миянинг креатив соҳаси гояларини баҳолайди ва таҳлил қиласи. Бу ўринда

диққат ғоялар сифатига қаратилади. «Қизил фикрлаш» термини қуидаги ҳолаттарни үз ичига олади:

- сайлаш борасидаги фикрлаш;
- яшил фикрлашни текшириб күриш;
- сифатни аниқлаш.

Яшил ва қызыл фикрлаш адаштириб бўлмайдиган икки хил жараёндир.

### **Ижодий қобилиятни ривожлантириш**

Кўпчилик ўзини янгиланишларга қобил деб билмайди. Улар ижодкорликни фақат айрим одамларгагина (масалан, Леонардо да Винчи, Билл Гейтс, Стив Жобс, Уильям Шекспир ва ҳ.к.) бериладиган ноёб қобилият деб биладилар. Бу нотўгри ёндашув аслида ҳар бир инсонда креатив қобилияг яширин бўлади.

Ҳаммасини муаммони ҳал қилиш ёки имкониятларни юзага чиқариш учун инновацион ёндашув талаб қилинадиган жойда товар, хизмат ва вазиятларни қидиришдан бошланг. Янгиланишга креатив нуқтаи назардан ёндашиш зарур. Навбатдаги қадамлар бизнесингизга янгича қарашга ёрдам беради.

### **БИРИНЧИ ҚАДАМ**

#### **Визуализация**

Сизнинг мақсад ва вазифаларингиз нималардан иборат? Ўзингиз орзу қилган натижанинг хаёлий манзарасини кўз ол-

дингизга келтиринг. Ҳал қилиш керак бўлган муаммо, амалга ошириш керак бўлган имконият учун келгусидаги режаларни тузиш, олдинга харакатланишда визуализация ёрдам беради.

## ИККИНЧИ ҚАДАМ

### Фактларни аниқлаш

Барча ижодий ва салбий фактларни жамланг: «ким», «нима», «қачон», «қаерда», «нима учун», «қандай»... Ҳукм чиқарманг, фақат аҳборот тўпланг. Тўпланган фактларга сиз симптомлар ёки сабаблар деб қаранг, чунки улар ёрдамида барча қийинчиликларни енгилб ўтасиз. Эсда тутинг, нотўғри муаммонинг тўғри ечими тўғри муаммонинг нотўғри ечимидан кўра хатарлироқ. Аниқланган имкониятлар ёки муаммоларни мухимлик даражасига қараб таснифлаш лозим.

## УЧИНЧИ ҚАДАМ

### Имкониятларни белгилаш

Имкониятларни кимга караб шакллантираётган бўлсангиз, унга бўлган муносабатингиз ҳам танқидий ёки ижодий бўлиши мумкин. Сиз дарров қатъий хulosачиқармаслигингиз ва «эҳтимол»ларга эрк бермаслигингиз керак. Имкониятларни «Қандай усуlda амалга оширса бўлади?»

деган савол кўринишида тизиб чиқинг. Масалан: «сотувни қандай шаклда қўпайтириш мумкин?» ёки «таннархни қайси усулда камайтирса бўлади?»

## ТЎРТИНЧИ ҚАДАМ

### Ғояларни юзага келтириш

Ғояларни яккама-якка ёки гуруҳ кўринишида юзага келтириш мумкин. Гуруҳ тарзида таснифланган ғоялар фикрий ҳужум деб ҳам аталади. Бу босқичда танқидий фикрлар юзага келишига йўл қўйилмайди.

Ўз ғояларингизга баҳо беришдан тийилиш учун фикрлар ҳужуми пайтида иштирокчилар хаёлларига нима келса, ҳаммасини ёзиб боришлари керак. Хат фикрларнинг сифати эмас, сонига диққат қаратиш имконини беради. Бундай ишлаш «фикрлаш оқими»ни бошқа иштирокчиларнинг реакциясидан озод қиласи.

## БЕШИНЧИ ҚАДАМ

### Ечим излаш

Бу босқичда фикр юритар экансиз, яшил фикрлаш босқичида сараланган фикрлар танқидий фикрлар оқимига дуч келади. Ундан сўнг барча қатнашчилар ўз фикрларини ёзиб бўлиб, уларни энг яхши ва энг аҳмоқона гурухларга бўлиб чиқадилар. Энг яхши ғоялар муҳокамаси пайтида уларнинг муаллифлари ўртага чиқиб ўз

фикрларини химоя қиласидилар. Аҳмоқона фикрлар муҳокамасини эса, раҳбарнинг ўзи бошлаб беради, шундан бошқалар ўзларининг ножӯя фикрларини баён этишдан чўчимайдилар.

Ҳар сафар қарор қабул қилишдан аввал ўзингизга бу масалани ечиш учун нима қилимок керак? деб савол беринг. Биз қандай натижаларга эришамиз? У ёки бу ғоянинг амалга ошиши учун нима кераклиги ва у қандай фойда беришини билган ҳолда сиз холисона қарор қабул қила оласиз.

## ОЛТИНЧИ ҚАДАМ

### Қабул қилинган ғоянинг тасдиқланиши

Агар сиз ғоянгизни қабул қилишлари га интилмасангиз ва муаммонинг умумий ечимида иштирок этсангиз, жуда катта қийинчилликларга дуч келасиз. Сиз ғоянгиз қабул қилинмаслигига тайёр туришингиз керак. Эҳтимол, учинчи қадамга қайтиб, янги имкониятларни излаб кўрарсиз? Инновациоն жараён осон эмас, янги қарор навбатдаги муаммога йўл очиши мумкин.

## ЕТТИНЧИ ҚАДАМ

### Татбиқ этиши

Сиз яшил ва қизил фикрлаш босқичларида ғоялар, унинг ечимларини ўйлаб

топдингиз. Энди уларни амалиётга татбиқ этиш керак. Лойиҳанинг бошидан охиригача ҳар бир босқични амалга оширишнинг муддат оралигини белгиланг.

## САККИЗИНЧИ ҚАДАМ

### Ижро назорати

Ижрони назорат қилиш йўлдан оғиш маслиқда катта аҳамиятга эга. Кўлга киритилган натижани баҳолаш учун 30, 60 кундан кейин ёки муайян муддатда йиғилишни режалаштиринг. Лойиҳани ишга тушириш муддатини орқага сурманг. Энергия ва мотивация даражасини сақлаб туринг.

## ТЎҚҚИЗИНЧИ ҚАДАМ

### Баҳолаш

Вақти-вақти билан сарфланган меҳнат ўзини оқладими-йўқми, текшириб туринг. Сиз исталган натижани қўлга киритдингизми? Ҳаммаси режа асосида кетяптими? Бу босқичда фаолиятингизга холисона баҳо беришингиз керак.

### Ишни жамоавий ташкил қилиш

Омадли раҳбарлар ходимларини инновацияларни қайта ишлашга шунчаки рагбатлантиришмайди. Улар жамоавий ишлашни афзал билишади.

**Жамоавий ишни ташкил қилиш бўйича тавсиялар:**

- ғояларни ривожлантириш учун қулай шароит яратинг;
- барча иштирокчиларга муаммо ёки вазиятни ўрганиш учун бир хил шароитларни яратинг;
- йиғилишлар 20–30 дақиқадан ошмасин;
- ҳар бир иштирокчининг фикрини у қандай бўлишидан қатъи назар, рағбатлантиринг. Кимнингдир ғалатироқ фикри бошқа ходимларнинг тасаввурида янада мукаммалроқ ғояларни туғдириши мумкин;
- билдирилган фикрларни таҳлил қилманг;
- жавобларни баҳоламанг, бетарафликни сақланг;
- ўз ғояларингизни йиғилишларда айтманг;
- инновацион фикрларни рағбатлантиринг;
- қатнашчилардан ҳамкасларнинг фикрини тўлдириш ва ривожлантиришни сўранг;
- имкон қадар кўпроқ фикрлар олишга интилинг;
- ҳар бир фикрни батафсил муҳокама қилинг, уни ҳар томонлама кўриб чиқинг;
- қатнашчиларга фикрларни баҳолашларига йўл қўйманг;
- қатнашчилар фикрларини сотишларига йўл қўйманг;
- барча олинган жавобларни ёзиб боринг;

- қайдлар дафтарини ўқиб туринг;
- имкон қадар уни тўлдириб боринг;
- рўйхат қилиб чиқаринг ва уни барча қатнашчиларга тарқатинг.

### **Резюме**

Ҳеч бир иш пухта режалаштирилмасдан туриб муваффақиятли бажарилмайди.

- Ходимлар ҳамиша раҳбарнинг кўмагига, маслаҳатига, тавсиясига муҳтоҷ бўйида олдиган.

*Нима ҳақида ўйламанг,  
аниқ ўйланг, нимани гапирманг,  
аниқ гапиринг.*

### **Людвиг Виттенштейн**

лишади. Ёрдам беринг, маслаҳат беринг, аммо уларнинг ишини ўзингиз қилманг.

- Раҳбар вақтдан тўғри фойдаланиши керак. Вақтдан унумли фойдаланиш имконини берувчи омиллар рўйхатини кўздан кечиринг.

- Ойлик, кунлик, хафталик даврий журналлар тутинг.

- Вақтдан унумли фойдаланиш учун асосий ишни иккинчи даражалар ишдан фарқлай билинг.

- Раҳбарият ва манфаатли томонлар учун энг долзарб масалаларни белгилаб олинг.

- Рақобатчилардан ўзиб кетишнинг бешта усулига риоя қилинг:

- Пулни тежанг.
- Вақтни тежанг.

- Сифатни яхшиланг.
- Бозор ҳиссасини оширинг.
- Брэнд обрўсини оширинг.
- Юқори раҳбарият ходимларнинг креатив фикрлаш, янги товарлар яратиш, илғор тизимларни қайта ишлаш, янгилик жорий этиш қобилиятини қўллаб-қувватлайди.
  - Инсон миясининг фикрловчи механизмини икки бўлимга ажратиш мумкин: креатив (яшил) фикрлаш ва таҳлилий-танқидий (қизил) фикрлаш.
  - Ҳар бир инсон ижодий қобилиятга эга. Ишни муаммони ечиш ёки имкониятлардан фойдаланиш учун инновацион ёндашув қўллаш мумкин бўлган жойдан товар, хизмат ва вазиятни излашдан бошланг.
  - Янги гоялар ва концепциялар туғилишини рағбатлантириш учун ҳамкорлик ва рағбат ижодий муҳитини шакллантиринг.

## ТҮРТИНЧИ БОБ

### ОММАВИЙ ЧИҚИШЛАР БҮЙИЧА КҮНИКМАЛАРНИ ОШИРИШ

*Раҳбар яхши нотиқ бўлиши шарт. Катта ютуқларга эришиш учун ўз гояларини оғзаки ва ёзма шаклда баён этишини уddeлаши керак. Ушбу бобда оммавий чиқишлар бўйича кўникмаларни ошириши ҳақида сўз боради.*

#### Ахборий маъruzalар

Амалий чиқишларнинг энг кенг тарқалган усули ахборот кўринишидаги маъruzalardir. Ҳар кун бўлмаса-да, ҳар ҳафта сиз ўз ходимларингизнинг нима иш қилаётгани, ишлаб чиқаришдаги янгиликлар, корпоратив бошқарувдаги ўзгаришлар ҳақидаги маълумотларини эшитиб турасиз. Ҳар ҳолда бу мурожаатларнинг асосий қисми ахборот бериш билан боғлиқ.

Раҳбарнинг вазифаларига турли тақдимотларни ўтказиш киради:

- ўргатувчи семинарлар;
- таъминот ёки ҳамкорлар иштирокидаги йиғилишлар;
- янги маҳсулот ёки хизматни жорий қилиш;
- техник тақдимотлар;
- касаба уюшмаси йиғилишлари;

- директорлар кенгаши ва ҳамкорлар иштирокидаги йиғилишлар;
- савдо палатаси, жамоат ташкилотлари минбаридағи чиқишилар.

Айрим раҳбарлар ахборий маъruzalарни маҳорат билан тайёрлашади. Ходимлар йиғилишдан нима иш қилиш борасидаги аниқ кўрсатмалар билан чиқишиади. Айрим ҳолларда эса, чиқиши сифатсиз бўлгани учун иштирокчилар ҳеч нарсани тушунишмайди ва ланж кайфиятда чиқишиади.

Раҳбар лавозимига тайёрланар экансиз, энг аввало тингловчилар учун аниқ, тушунарли ва фойдали ахборий маъruzalар тайёрлашни урганинг.

*Кўплаб маъruzalар  
мазмунсиз бўлади, чунки  
уларда маъruzачилар ўзлари  
билган ҳамма нарсани  
айтмоқчи бўладилар.*

## *Дейл Карнеги*

### **Тақдимотларни тайёрлаш кўникумалари таҳлили**

Ахборий маъruzalар тайёрлаш қобилиятингизни баҳолаш учун қуидаги саволларга жавоб беришда «ҳар доим», «баъзида», «ҳеч қачон» варианtlаридан бирини бегиланг.

1. Мен тақдимот қандай ўтишига жиддий тайёргарлик кўраман.

2. Тингловчиларга янада тушунарли бўлиши учун қўшимча визуал воситалардан фойдаланаман.

3. Мен тингловчиларга маъруза тезисларини тарқатаман ёки видеотақдимот тайёрлайман.
  4. Ахбортни етказиб бўлгач, синов ўтка заман.
  5. Чиқишим пайтида тингловчилар мени тушуняптими-йўқми, текшириб бораман.
  6. Тингловчилардан эшитганларини шарҳлаб беришларини сўрайман.
  7. Маъруза ўқишини машқ қиласман.
  8. Маъруза пайтида ҳар бир тингловчинг қизиқишини эътиборга оламан.
  9. Ҳар бир фикрни исботи билан баён этаман.
  10. Нутқим қизиқарли бўлиши учун аниқ мисоллар ва тасвиirlардан фойдаланаман.
  11. Энг муҳим ахборотларни етказиш мақсадида маъruzam ўта ихчам ва содда бўлишига ҳаракат қиласман.
  12. Тингловчиларнинг диққатини ушлаб туришим учун айтган фикрларимга уларнинг муносабати билан қизиқаман.
  13. Ҳар бир чиқишим ҳамкаслар томонидан муҳокама қилинади.
  14. Чиқишим давомида тингловчиларнинг эътибори чалғишига йўл қўймайман.
  15. Ҳар бир чиқишимга ғайрат ва шижоат билан ёндашаман.
- Ахборий маърузани шундай тайёрлангки, барча саволларга ишонч билан жавоб қайтара олинг.

## **Кимлар олдида чиқишиң қиляпсиз?**

Моҳир нотиқлар чиқищдан аввал аудиторияни ўрганишади. Сиз тингловчиларнинг билими ва тажрибасидан келинчикиб, улар тушунадиган тилда ва усуlda гапиришингиз керак бўлади. Ахборий маъruzani ўқищдан аввал тингловчилар мавзу билан қанчалик танишлигига эътибор қаратинг.

Тингловчлар сиз кўтартган масала билан қай даражада таниш?

Кимлар олдида чиқишиң қиляпсиз? Тингловчилар муҳандисми, дастурчими ёки ҳар иккисими?

*Донишманд қаби ўйланг ва  
оддий одамдек гаплашинг.*

### **Arasstu**

Тақдимотнинг назарий қисми қай даражада мукаммал? Балки тўғридан-тўғри амалий қисмга ўтарсиз?

Тингловчиларингиз маъruzадаги масала борасида маълумот ёки тажрибага эгами?

Маърузангиз мавзуси бутунлай янгими ёки бу мавзуга улар ҳар куни ҳар қадамда дуч келишадими?

Агар тингловчилар бу борада иш тажрибасига эга бўлишса, улар қандай масалалар ва муаммоларни муҳокама қилишарди?

Маъруза мавзуси тингловчиларга қизиқарли бўлишнiga ишонасизми?

Агар муаммоли масалаларни кўтарсангиз, бунга аудитория қандай қараши мумкин?

Маърузангиздан сўнг аудиторияда қандай баҳс ва саволлар туғилиши мумкин?

Тақдимотдан сўнг залдагилардан ким сизни қўллаб-қувватлаши ёки ким сизга қарши чиқиши мумкин?

Чиқишингиздан мақсад нима? Сиз тингловчиларнинг эътиборини тортмоқчими-сиз ёки уларни ўз ишини ўзгартиришга мажбур қиласизми?

Қўшимча тушунтириш талаб қиладиган хавфсизлик ва корпоратив бошқарув масалаларига алоҳида тўхталасизми?

### **Тақдимотни тайёрлаш**

Тақдимотдан мақсад – ахборот етказиш. Сизнинг вазифангиз зарур ахборотни қизиқарли ва усталик билан етказишдан иборат.

Тингловчиларга қисқа, мазмунли, қизиқарли чиқишлиар ёқади.

Муваффакиятли маъруза тайёрлаш учун қўйидаги беш омилни унутмаслик керак:

- мисоллар ва безаклар;
- аниқ ва тушунарли нутқ;
- ғояларни ташкил этиш;
- муҳим жиҳатларга диққат қаратиш;
- натижалар.

### **Мисоллар ва безаклар**

Ахборий чиқиши фактлар ва мисолларга бой бўлши, аудиторияни дарҳол қамраб олиши тур. Тингловчилар қизиқишини ошириш учун ҳаётий мисоллар келтиринг, расмлар ва жадваллардан фойдаланинг.

## **Аниқ ва тушунарли нутқ**

Тингловчилар махсус терминлардан, қисқартмалардан, махсус сўз ва иборалардан беҳабар бўлишилари мумкин. Янги терминларни ишлатар экансиз, уни аниқ ва қисқа тарзда шарҳлаб беринг. Қисқартма ва касбий ифодаларни ҳаммага тушунарли бўлган тилда баён этишга ҳаракат қилинг.

## **Ғояларни ташкил этиш**

Айрим нотиқлар нутқни тайёрлашга масъулиятсизлик билан ёндашадилар, натижада тингловчининг ҳафсаласини пир қилиб, фактдан фактга сакраб ўтаверадилар. Бир фикрдан иккинчисига ўтишга ақл билан ёндашинг.

## **Муҳим жиҳатларга дикқат қаратиш**

Агар сиз ўқув семинарини ўтказмаётган бўлсангиз, материални тўлалигича тушунириш талаб этилмайди. Шу боис, аудиториянинг дикқатини энг муҳим жиҳатларга қаратинг. Сизнинг вазифангиз регламентдан чиқмаган ҳолда мавзуни тушунтириб беришдан иборат.

## **Натижалар**

Маърузангиз сўнгидаги қандай натижага қай тарзда эришмоқчисиз? Маърузангиз якуни ёрқин ва эсда қоларли бўлиши керак. Тингловчилардан сўров ўтказмоқчи бўлсангиз, бу ишни муҳокамадан кейинга қолдиринг.

## **Маъруза шакли**

Маърузани янгича услубда тайёrlаш тингловчининг қизиқишини орттиради, лекин анъанавий усуллар кўпроқ фойда беради.

## **Маъруза: мавзуни тушунтиринг**

Маърузанинг чиқиш қисми қисқа ва аниқ бўлиши керак Тингловчида муҳокама мавзуси юзасидан шубҳа тугилмаслиги керак. Агар сизнинг чиқишингиз бир қатор бошқа маърузаларни бошлаб берадиган бўлса, бу жиҳатга янада дикқат қаратишингиз керак.

## **Мақсадни баён қилинг: исталган якуний холоса**

Тингловчида сизнинг маърузангиз мақсади ҳақида аниқ тасаввур ҳосил бўлиши керак.

## **Ҳал қилувчи жиҳатлар ва кутилаётган натижани кўрсатинг**

Маърузанинг асосий мақсадини қисқача баён қилиб бўлгач, асосий маълумотлар ва кутилаётган натижаларга дикқат қаратинг. Асосий фикрни тингловчилар унугиб қўймасликлари учун таҳдил қилиб беринг.

## **Дикқат талаблик**

Тингловчиларни асосий маълумотлар билан таништириб, ҳар бир аспектнинг мақсадини очиб берувчи кўргазмали воситалардан фойдаланинг. Булар:

- намойиш слайдлари;
- мисоллар;
- фактлар;
- кўргазмалар;
- таққослар;
- тавсиялар;
- статистик маълумотлар бўлиши мумкин.

### **Хулоса**

Асосий фикрни тақрорланг. Тингловчидан нима кутаёттанингизни сўранг:

- аниқ чора-тадбирларни кўриш;
- янги технологияларни жорий этиш;
- тақдимотда кўрсатилган мақсадларнинг амалга ошиш режасини ишлаб чиқиш;
- айтилган ахборотларни ходимларга етказиш ва бошқалар.

Натижаларни таҳлил қилиб, тингловчиларга иштироклари ва эътиборлари учун ташаккур билдиринг.

### **Ахборотни мустаҳкамлаш учун визуал воситалардан фойдаланинг.**

Визал воситалар маърузани янада қизикарли ва оммабоплигини таъминлайди. График ва жадвалларда акс этган маълумотлар хотирада тез ва осон сақланади. Диаграмма ва фотосуратлар тингловчиларнинг эътиборини тез жалб қиласди. Тақдимотдан сўнг қатнашчиларга қисқача тезисларни қоғозга чиқариб, тарқатинг. Шунда ахборотлар уларнинг хотирасидан ўчиб кетмайди.

Визуал воситалар яккама-якка мулоқотда ҳам асқотади. Ҳодимларнинг суғурта талабларини қайта ишлаш жараёнида Жоанна жараён натижалари жадвалини тузиш тушунишни осонлаштиришини пайқаб қолди.

Стив ўз тажрибаси давомида ҳодимга бирор иш буюришнинг ўзи етарли эмаслигиги тушуниб етди. Аввалига у янги ҳодимларининг тушунчасини шакллантириш учун ўз омборлари бўйлаб олиб юрди. Аммо бунга кўп вақт кетар экан. Шунда у ҳамма омборларнинг макетини чиздириб олди ва ҳодимларни жамлаб, кимнинг қаерга бориши ва нима иш қилишини ушбу чизмалар ёрдамида тушунтириб берди.

Кўпгина раҳарларнинг хонасида маҳсус маъруза плакатлари, доскалар, чизмалар осилган бўлади. Турли жадваллар, диаграммалар, графиклар ва қайдлар ёрдамида баҳслашиш факт ва рақамларни хотирада сақлашга катта ёрдам беради.

Сиракуза университетининг энг машхур ўқитувчиларидан бири ўз маърузаларида комикслар ва карикатуралардан фойдаланар экан. Даставвал бу услуг ҳамкасларнинг танқидига учради. «Бу талабаларнинг билимини оширмайди, шунчаки кўнгилхушлиқдан бошқасига ярамайди» дейишарди. Дарҳақиқат, бу ўқитувчининг дарсида талабалар жуда кувноқ ўтиришар, бироқ бошқа ўқитувчиларнинг дарслари га нисбатан кўпроқ билимларни ўзлаштиришарди.

Визуал воситаларнинг қуйидаги турлари мавжуд:

- жадваллар;
- графикалар;
- фотосуратлар;
- диаграммалар;
- проспектлар;
- амалий моделлар;
- видеороликлар.

### **Визуал тақдимот шакли**

Визуал тақдимот шаклинни танлаш визуал воситалар тури ва тингловчилар сонидан келиб чиқади. Кичкина аудитория билан ишлашда жадваллар, диаграммалар, графикаларни деворга осиш ёки таянч тагликка ўрнатиш керак бўлади. Видеороликни кичикроқ телевизор, компьютер ёки ноутбуқда ҳам кўрсатиш мумкин. Зарур бўлганда доска ва бўрдан ҳам фойдаланиш мумкин.

Катта аудиторияда экранлардаги слайдлар қўпроқ самара беради.

### **Икки томонлама алоқа**

Моҳир раҳбарлар ўз маърузаларининг қанчалик тушунарли чиқаётганини билиш учун албатта тингловчилар билан мулоқотга киришишга уринадилар. Ўзаро алоқа ўрнатишнинг бир қанча усуллари бор.

### **Муҳокама**

Тингловчиларнинг саволлари уларнинг мавзуни қанчалик тушунганини кўрсатади. Бу ўзаро алоқанинг энг тезкор усу-

лидир. Саволларга жавоб бераркансиз, муҳим жиҳатларга яна бир карра тўхталиш имконига эга бўласиз.

### Ёзма сўров

Тақдимотдан сўнг ўз чиқишингиз натижасини аниқлаш учун тингловчиларга анкета тарқатинг ёки уларнинг электрон почталарига жўнатинг.

### Батафсил изоҳ

Тақдимот аввалида бир қанча ходимлардан тақдимот тутагач, ўз фикрларини билдиришиларини сўранг. Уларга маърузанинг мақсадини тушунтиринг ва яхшилашни истаган кўникмаларни кўрсатиб беринг. Уларнинг назарида сиз келажакда тақдимотларни қай тарафга ўзгартира олишингизни сўраб суриштиринг. Барча тавсияларни тингланг ва таҳлил қилинг.

### Тушунишни назорат қилиш

Аудитория сизни қанчалик тушунаётганини бир нечта усуllар ёрдамида аниқлаш мумкин. Бу тақдимотдан кейинги ёзма сўрвнома, шахсий телефон сўзлашувлари ва электрон почта орқали ёзишмалар бўлиши мумкин.

### Ахборот олиш учун тақдимот

Баъзида чиқишдан мақсад ахборот бериш эмас, ахборот олиш бўлиши ҳам мумкин. Бунда тақдимотлар ўзига хос усулда ташкил этилади.

## **Аудиторияни ўрганиш**

Агар чиқищдан мақсадингиз ахборот олиш бўлса, биринчи навбатда, сизга ушбу ахборотни бериши мумкин бўлган одамларга эътибор қаратинг. Ҳар бир тингловчини қуийдаги ҳолатларга қараб ўрганишга ҳаракат қилинг.

## **Мавзуни билиш**

Ахборот олишингиз мумкин бўлган тингловчилар муҳокама мавзусини яхши билиши лозим. Фақат айрим ҳолларда, масалан фокус-гуруҳ билан ишлаш ёки бозорни ўрганувчиар учун маъруза мавзуси етарлича таниш бўлмаслиги мумкин.

## **Иш тажрибаси**

Тингловчилар орасида мавзуни яхши биладиганлар борми? Бор бўлса улар сизнинг маърузангизга қандай қарашди – ижобийми, салбий? Бу масалада улар қанчалик тажрибали?

## **Талаб этиладиган тайёргарлик дажараси**

Сиз қандай ахборот талаб қилишингизга қараб тингловчилардан бирмунча тайёргарлик талаб этилади. Улар билан учрашишта нима сабаб бўлишини ўйлаб кўринг (хужжатлар, тадқиқотлар, режалар ва х.к.)

## **Индивидуал ёндашув**

Муҳокама мавзусига қатнашчилар қандай ёндашишини биласизми? Улар ора-

сида сизнинг фикрингизни дадил оқловчи ёки танқид қилувчилар борми?

### **Ҳамкорликка жалб этиш ва тайёрлаш**

Тақдимотда тингловчиларнинг фаол иштироки даражасини баҳоланг. Улар ўз ғояларини етарлича баён қила олишадими? Тингловчилар орасида омма одида гапиришни истамайдиганлар борми? Улар кун тартибида қатнашишадими ва тақдимот мақсадларини маъқуллашадими?

### **Батафсил тушунтириш зарурати**

Айрим тингловчиларга қисқача моҳиятни англатиш етарли бўлса, бошқаларга мавзуни синчиклаб тушунтириш керак. Маърузани аудиториянинг хусусиятидан келиб чиқиб тузинг.

### **Фактлар ва далиллар**

Сиз тингловчиларнинг саволларига жавоб берар экансиз, маъруза асосида ва муҳокама пайтида ўз ғояларингиз учун далил ва исботларни баён этишингиз керак бўлади.

### **Аудиторияни кутиш**

Максимал натижага эришиш учун аудитория сизнинг тақдимотингиздан нимани кутаётганини тушунишингиз керак. Куйидагилар:

- аниқ иш режаси;

- муҳокама ва фикр алмашишда иштирок этишнинг фойдали жиҳатларини тушуниш;
- мақсадларни аниқ тушуниш;
- гурӯҳ ишини муносиб ташкил этиш.

### **Тақдимотни режалаштириш**

Ахборот олиш мақсадида ўтказиладиган тақдимотлар келгусида ўзаро муҳокама пайтида мавзуни ва муаммоларни аниқлаштириш учун ўтказилади. Бунда маҳсус омилларни унутмаслик керак.

### **Ўз фикрини баён этишни истамаслик**

Айрим одамлар эҳтиётсизлик билан фикр билдирадилар ва гоя алмашадилар. Бунинг сабаблари ҳар хил: ўзига ишонмасликдан тортиб тажрибасизлик ва инсон характерининг ўзига хос жиҳатлари. Унутмаслик керакки, айрим ходимлар кўпчилик олдида ўз фикр ва мулоҳазаларини билдиришга нўноқ бўлишади. Сиз иштирокчиларни очиқлик ва ошкоралик уларга ҳеч қаҷон зарар келтирмаслигига ишонтиринг.

### **Қизиқишнинг йўқлиги**

Қатнашчиларда ҳам худди сиздаги каби тифиз иш тартиби, муҳим мақсад ва вазифалар бўлади. Сизнинг чиқишингиз қизиқ туюлмаслиги мумкин, натижада ундаги қизиқиш йўқолади ва эътиборини жамоавий ишга жалб қилолмайсиз.

## **Тайёр бўлмаган иштирокчилар**

Аслида сиз иштирокчиларни аввалдан тақдимот ҳақида огохлантиришингиз ва уларни тайёrlашингиз лозим. Гохида қатнашчилар мухокамага тайёр бўлмаган ҳолда келишади.

Бу пайтда сиз уларни тўғри йўналтиришингиз керак.

### **Тақдимотни ташкил қилишнинг 4 босқичи**

Тақдимотга тайёrlанаар экансиз, ёдингизда туting:

1. Мавзу қатнашчилар учун қанчалик мухим? Бу масала улар учун долзарбми? Бу каби муаммоларни ечишга уларнинг қурби етадими?

2. Қатнашчилар бу мавзу билан боғлиқ қайси қандай муаммоларга дуч келишади? Тақдимотга қадар тингловчиларнинг саволларига жавоб қайтариш учун уларнинг ечишида мақбул вариантларни ўйлант.

3. Мухокама мавзуси билан боғлиқ қайси масалаларни қатнашчилар мухим ёки иккинчи даражали деб ҳисоблашади? Тақдимотга қадар бир қанча қатнашчилар билан гаплашиб, уларнинг мухокама мавзусига муносабатини ўрганинг. Агар сиз қоришиқ аудитория олдида чиқиши қилимоқчи бўлсангиз, қизиқиш ва эътибор дарражаси ҳам турлича бўлишигига тайёр туинг.

4. Қатнашчиларнинг ўзаро фикр алмасишиш ва мухокама қилиш дарражаси қан-

дай? Уларни мұхокамага қандай қилиб янада чукурроқ чорлаш мүмкін?

### **Таркиб**

Ахборот олиш мақсадида ташкил этилған тақдимот қуидеги босқичларни үз ичига олади:

1. Мұхокама мавзуси баёни.
2. Муаммоли масалаларни ҳал этиш, камчилик ва ютуқлар тасвири.
3. Құшимча ечимлар излаш.
4. Таклиф этилған варианtlарни очық мұхокама қилиш.
5. Резюме.

### **Ахборот олиш учун чиқиши**

Ахборот олиш мақсадида тақдимот үтказишнинг тахминий сценарийсіни күриб чиқынг.

### **Чиқишинг бошланиши**

Мұхокама мавзуси ҳақида эълон

«Сизга маълумки, олдиндаги икки ҳафта ичида бир офисимиз жойлашған бинони таъмирлашимиз керак, шу боис вақтингча бошқа жойга күчіб туришимизга түгри келади. Ушбу жараённи харидорлар билан ишлаш самарадорлигини туширмаган ҳолда амалга ошириш бўйича сизнинг фикр-мулоҳазаларингизни билмоқчимиз».

## **Афзаликлар ва камчиликларни ҳал этиш билан боғлиқ тахминий вариантлар**

«Биз күчиш бўйича икки вариантни таклиф этамиз. Биринчиси – маъмуриятни, молия ва кадрлар бўлимини яқин икки ой ичida ишлаб чиқариш ҳудудига кўчириш».

Бу қарорнинг афзалиги шундаки, бутун бўлимлар битта жойда, бир-бирига яқин бўлади.

Камчилиги, жуда кўп одам битта жойда ишлаши тифизликни юзага келтиради.

«Иккинчи вариант – уйда виртуал оғисларни ташкил қилиш».

Афзалиги: икки карра кўчища вақт ва маблағга эҳтиёж сезилмайди. Узоқроқда яшайдиганлар пул сарфлаб ишга бориб ўтирумайдилар. Ҳамма ишни уйда компьютер қаршисида ўтирган ҳолда ҳал этадилар.

Камчилиги шундаки, биз бари бир ҳар чоршанба куни Барселона оғисимиз билан телеконференция орқали боғланамиз. Бунда компания аъзолари бир жойда бўлиши керак. Бунинг учун ҳамма ишга пиёда ёки жамоат транспортида келиши шарт. Чунки машина тўхташ майдончалари қурувчилар томонидан банд қилинган бўлади.

### **Қўшимча йўл излаш**

«Бу муаммони ҳал этиш бўйича ким ўз таклифини билдиради?»

## **Таклиф қилинган варианtlар муҳокамаси**

Барча тўплланган варианtlарни қисқача баён қилиб беринг, ҳар бир варианtnинг афзал томонлари ва камчиликларини очиқ муҳокама қилишга чорланг. «Келинглар, таклиф этилган варианлар, фикрлар муҳокасига ўтамиз ва ҳар бир иштирокчинг фикрини тинглаймиз».

### **Чиқишининг якуни: резюме**

«Барчангизга аъло фикрлар учун раҳмат. Биз уларнинг барчасини умумлаштириб, электрон почтангизга жўнатамиз».

### **Инсон омили**

Тақдимот қатнашчилари йиғилишга ўз фикрлари билан келадилар. Уларнинг бир қисми муаммоли масалаларнинг ечимидан манфаатдор, бошқалари мутлақо эътиборсиз қолаверадилар. Табиатига кўра, кимдир ўз фикрларини бошқалар билан бўлишишни истаса, бошқа бирор кўп гапиришни ёқтирмайди. Нотиқнинг мақсади ҳар бир иштирокчига эътибор қаратиб, уларнинг барчасини муҳокамага бирдеқ жалб эта олишдан иборат.

Тақдимотлар давомида қўпроқ ахборот олиш учун «Қандай қилиб қўпроқ дўст ортириш ва одамларга таъсир ўтказиш мумкин» китобидаги тамойилларга мурожаат қилинг.

## **Танқид қилманг, хукм чиқаришдан сақланинг**

Мұҳомамаларда қатнашиш истагининг асосий күшандаси танқид ва масхара саналади. Одамлар ичида изза бўлишдан кўрқан қатнашчилар мум тишлиб ўтираверишади.

### **Ҳаққоний ва асосли баҳо беринг**

Иштирокчи мажлис раҳбарининг бошқаларни қанчалик диққат билан тинглаб, ҳаққоний баҳолаётганини кўриб, ўзининг ҳам фикрлари худди шу тахлит баҳоланишини англайди. Бу эса уларнинг ўз фикрини очиқ баён этишга, ғояларини бўлишишга ундаиди.

### **Ҳар бир қатнашчига унинг фикри қимматли эканини ҳис қилишига имкон беринг**

Ҳар бир инсон ўз фикрлари қадраниши ва хурмат қилинишини истайди. Сиз мавқеи, лавозимидан қатъи назар, ходимнинг фикрлари хурмат қилинишини амалда намойиш этинг.

### **Ҳар бир вазиятни қатнашчининг нуқтаи назари билан кўришга ҳаракат қилинг**

Бу босқичда тақдимот ўтказишнинг муваффақияти кўпинча тингловчини эшитиш ва барчанинг фикрини қабул қилингизга ишонтира олишингизга боғлик бўлади.

## **Ҳар бир инсоннинг фикрига ҳурмат билан ёндашинг. Ҳеч қачон уни ноҳаққа чиқарманг**

Ахборот олиш учун ўтказилган тақдиматдаги энг қийин синов бу ўз фикрингизни ўзингизда сақлаб туриш ва сизга қарши фикрлайдиганларга ҳам фикр билдириш учун имкон беришдан иборат.

## **Қатнашчиларнинг ўзини ўзи оқлашига имкон беринг**

Сиз раҳбар сифатида ҳар бир муҳокама иштирокчисига ўз нуқтаи назарини очиқ баён этиш имконини беринг. Тингловчилар уларнинг қобилияти билан фахрланишингизни билсин, шунда улар ўз фикрини яққол баён эта оладилар.

## **Тингловчилар сизни қандай қабул қиляпти?**

Фақат айримларгина сұхбат пайтида унинг нутқи қандай жаранглашини аник билади. Күпчилик бошқалар унинг нутқини қандай қабул қилишларини ўzlари ҳам билмайды. Нотиқлик фани ўқитувчиси ўз талабаларига ўzlари яхши биладиган ва түшунадиган мавзуда қисқача нутқ тайёрлашни топшириди. Талабалар ҳамма ўрнидан туриб, ўзи қизиққан мавзуда сайраб кетса керак деган ўйда әдилар. Профессор уларнинг нутқини ёзіб олди ва ўzlарига әшиттириди. Талабалар ўzlарини ўzlари четдан әшитиб күриб, ҳайратта тусищди.

Нутқларнинг кўпи «ммм», «хуллас», «ҳалиги», «анақа», «биласизми» каби ноаниқ, мавхум сўзларга тўла эди. Бундай чайнашилар – нотўғри талаффуз, ўринсиз ургу, грамматик ноаниқлар нутқ савиясини гушириб юборади. Омма олдида чиқиш қилишдан аввал нутқингизни диктофонга ёзиб машқ қилинг, эшитиб хатоларингизни тўғриланг.

*Сиз амалий мактуб ёзасизми,  
хизмат қайдларими, электрон  
хабарларми, ҳар бир сўзни  
ўйлаб ёзишингиз керак.*

### **Нотиқлар дуч келадиган энг кўп муаммолар ва уларни ҳал этиш йўллари**

Ғўлдираш. Айрим одамлар сўзларнинг охирини ютиб юборишиди. Шундан сўнг нутқ тушунарсиз бўлиб қолади. Бу камчиликни йўқотиш осон. Гапираётганда оғзингизни кент очинг. Ойна олдида сўзларни талаффуз этишини машқ қилинг.

Ўта тез ва ўта секин нутқ. Кўпчилик аудитория олдида гапираётганда шошиб, тезлашиб кетади. Эй, эй, секинроқ! Тингловчилар сизга етиб олсин, нима деяёттанингизни тушуниб етсин! Айримлар гапни ҳаддан ташқари чўзиб юборишиди. Уларни тинглаётган тингловчининг мудраб қолиши ҳеч гап эмас. Нутқ суръатини назорат қилинг. Ўртоғингиздан нутқингизни эшитиб кўришини сўранг. Вақтни назардан қочирманг. Меъёрдаги нутқ бир

дақиқа ичида 120–150 та сўзни ўз ичига олади. Энг муҳим жиҳатларга ургу берилб, тин сақлашни унутманг.

*Бир хиллик.* Гапдаги бир хил оҳанг тингловчини мудратиб қўяди. Шунинг учун гап мазмунига қараб, овозингизни кўтариб, тушириб туринг.

*Қотиб қолиш.* Аудитория эътиборини жалб қилиш учун қўл ва юз ифодаларидан ўз ўрнида фойдаланинг.

*Нотўғри талаффуз.* Агар у ёки бу сўзниң қандай талаффуз қилинишини билмасангиз, лугатта қаранг. Агар кимнингдир фамилияси, исми қандай талаффуз қилинишини билмасангиз, чиқищдан аввал унинг ўзидан секин сўраб олинг.

*Аудитория ҳолатига эътиборсизлик.* Агар тингловчилар чалғий бошлаганини сезсангиз, бир оз тўхтаб, гап оҳангини ўзгартиринг, аудитория эътиборини тортиш учун бирор қизикроқ воқеани сўзлаб беринг.

*Ўзига эътиборсизлик.* Айтиб ўтганимиздек, биз гапирайтганимизда ўзимизни кўпинча эшитмаймиз. Ҳатто энг қобилиятили нотиқ ҳам кейинчалик хатосини тўғрилаши учун ўз нутқини диктофонга ёзиб, эшитиб туриши керак. Ҳатоларни билсангиз, уларни тузатиш осон кечади.

Чиқиши видеотасвирга олиш янада самаралироқ. Ҳолат, имо-ишоралар ва мимикага аҳамият беринг. Ўз устингизда ишланг, шунда сиз омма олдида чиқиши кўнникмаларини орттирасиз.

## **Резюме**

- Раҳбар бўлишга тайёрланар экансиз, омма олдига чиқишини яхшилаб ўрганишингиз керак.
- Сиз бундай нутқларни қандай тайёрлашни қадам-бақадам ўрганинг. Шунда сиз тингловчини қизиқтириб, муҳим масалаларни аниқлаштирасиз.
- Асосийси, аудиториянинг билим дараҷаси ва тажрибасини ҳисобга олган ҳолда маъруза тайёрланг. Маърузани тайёрлашда тингловчилар тоифаларини ўрганинг.
- Нутқни тайёрлашда бешта муҳим омилни кўзда қочирманг:
  - мисоллар ва иллюстрациялар;
  - аниқ ва равон нутқ;
  - фикрларни ташкил этиш;
  - муҳим жиҳатларга тўхталиш;
  - хуносалар.
- Чиқишининг таркиби.
- Чиқиш: мавзусини эълон қилинг:
  - моҳиятни кўрсатинг, яқуний натижани баён этинг.
  - муҳим жиҳатларни ва кутилаётган натижани кўрсатинг;
  - аниқ мисолларга таянинг;
  - ҳал қилувчи жиҳатларни кўрсатинг ва тингловчидан қандай харакатларни кутаёттанингизни яна бир бор такрорланг;
  - тақдимот моҳиятини очиш учун визуал воситалардан фойдаланинг: жадваллар, графиклар, диаграммаларни деворга осиб ёки тагликка маҳкамлаб қўйинг. Видеороликларни кичикроқ экранда кўрсатиш мумкун.

кин. Каттароқ экранда намойиш этиш мумкин бўлган слайд-шоулар тайёрланг.

• Статистик маълумотларни жадвал, графикларга жойланг ва тингловчиларга кўлланма тарзида тарқатинг.

• Маълумот олиш мақсадида тузилган тақдимотлар қўйидагиларни ўз ичига олади:

- фикрлар хужуми;
- фокус-гурухлар;
- жамоавий таҳлилларни ўтказиш;
- муаммоли масалаларни ҳал этиш бўйича йиғилиш;
- стратегик режалаштириш.

• Ахборот олишни истасангиз, ҳеч қачон тингловчини танқид қилманг ва уларни ноҳаққа чиқарманг. Ҳар бир янги фикр учун миннатдорчилик билдиринг.

• Ўз нутқингизни диктофонга ёзиб олиб, оммавий чиқиши қилишдаги маҳоратингизни ўстиринг. Нутқингизда сохталиклар, қусурлар, такрорлар, грамматик хатолар бор-йўқлигига эътибор қаратинг. Видеотасвир сизнинг ҳолатингиз, мимика ва қўл ҳаракатларингиздаги камчиликларни ҳал этишда ёрдам беради.

## БЕШИНЧ БОБ

### АМАЛИЙ ЁЗИШМАЛАРНИ ТАКОМИЛЛАШТИРИШ

Биз аввалги бобларда оғзаки мұлоқот күнікмалари хүсусида сүз юритдик. Бирок күн ҳолларда раҳбарлардан гояларни ёзма тарзда акс эттириши талаб этилади. Бу сотувчи ёмжозлар, ҳамкор ва ҳамкасабаларга мурожаат, электрон хат ва хабарлар күринишида бўлиши мумкин.

Ёзма мурожаат қандай шаклда бўлмасин, раҳбариятнинг сиз ҳақингиздаги фикрлари шаклланишида ҳал қилувчи роль ўйнайди, натижада сизнинг мартабангиз ошишида ёки пасайшида мухим ўрин тутади. Ҳар қандай қайдларни орадан ойлар, ишлар үтиб ўқиб кўринг, улар шахсий брендингизнинг маркибий қисми саналади. Бу бобда амалий ёзишмаларни такомиллаштириш йўл-йўриқлари мухокама этилади.

Сиз амалий мактуб ёзасизми, хизмат қайдларими, электрон хабарларми, ҳар бир сўзни ўйлаб ёзишингиз керак. Бу бобда амалий ёзишмаларни такомиллаштириш йўл-йўриқлари мухокама этилади.

## **Хабарни тайёрлаш**

Ҳар бир хабарни юборищдан олдин уни яхшилаб кўздан кечиринг. Бизнинг тавсияларимиз хатоларингизни камайтириш ва ёзма хабарни мартабангиз ошишидаги ижобий воситага айлантириш имконини беради.

### **Уч «Т»**

Ҳар бир хабарни тузишдан аввал унинг шакли устида ишлаш керак. Муваффақиятли мулоқотнинг уч «Т» формуласини ҳамиша ёдингида сақланг.

Ёзма хабар:

- *түшунарли – оддий ва аниқ;*
- *тўълиқ – ҳамма маълумотларга эга;*
- *тегишли – қисқа ва лўнда бўлиши лозим.*

*Мақсадни ёзib бориш  
одати уларни амалга ошириш  
йўлидаги биринчи қадамдир.*

### **Ли Янокка**

Мисол учун хизматга оид баённома ёзмоқчи бўлсангиз, тартиб рақамини, санани, материаллар идентификацияси ва бошқа маълумотларни ҳам кўрсатинг. Аниқлаштирувчи саволларга жавоб қайтаришга тайёр туринг. Ўқувчи ни чалғитадиган ёки хабар моҳиятидан узоқлаштирадиган кераксиз деталларни тушириб қолдиринг.

## Оддийлик талаблари

Амалий ёзишма ўта даражада оддий ва тушунарли бўлиши лозим. Мураккаб грамматик тузилишга эга, кўп маъноли жумлалардан қочинг. Қисқа баён услубидан фойдаланинг. Тавсиялар:

- сарлавҳани қалин шрифтда ёзинг;
- янги фикрни янги сатрдан бошланг;
- энг асосий жумлаларни бошқача шрифтда ёки қўштириноқда белгиланг. Агар хатни нома тарзида етказмоқчи бўлсангиз, эътибор бериш лозим бўлган жумлани ёрқин рангли маркер билан белгиланг. Агар электрон тарзда жўнатмоқчи

*Ёзма мурожаатингиз худди  
оғзаки мулоқотдаги каби осон  
ва тез қабул қилинишини  
истасангиз, уни содда ва  
тушунарли баён қилинг.*

экансиз, унда тегишли жумлаларни контраст рангларда жўнатинг;

- ахборотни кучайтириш учун графиклар, жадваллар ва бошқа визуал воситалардан фойдаланинг.

## Хатоларни тўғрилаш

Хат ёзиш услуби унинг муаллифи ҳақида жуда кўп нарсани айтиб туради. Мактубнинг нафақат имловий, балки услубий хатоларини ҳам тўғрилаш учун юборишдан олдин уни овоз чиқариб ўқинг. Кўз билан илғаш мумкин бўлмаган хатоларни эшитиш асосида осонгина фарқлаш мумкин.

## **Амалий ёзишмалар доим расмий бўлиши шарт эмас**

Бир пайтлар расмий мактублар қуидагича бўларди: «Сизга шуни маълум қиламизки, жорий йилнинг фалон санасида бўлиб ўтган телефондаги мулоқотимизга асосан сизнинг эътиборингизга ҳисобот даврида бажарилган ишлар учун ҳисоб-варағи юборилмоқда». Ўта қуруқ ва расмий, тўғрими? Ҳа, бу эскирган ёзма мурожаат шакли. Бутун бундай тарзда хат ёзиш урфдан қолган. Кўпгина раҳбарлар фикрлари-

*Режаларни қоғозга  
тушириңг. Ана шунда сизнинг  
тутқич бермас истакларингиз  
аниқ шаклга туша олади.*

### **Наполеон Хилл**

ни ёзма баён этиш пайтида имкон қадар расмий сўзлардан фойдаланишга ҳаракат қилишади, шу боис айрим амалий ёзишмаларда юқоридаги каби баландпарвоз, энса қотиравчи жумлаларни учратамиз. Бундай хатлар адресатлар тарафидан ҳам сунъий ва носамимий қабул қилинади. Юқорида мисол тариқасида келтирилган хабарни ҳам қуидагича ёзсан олам гулистан: «Телефонда сизга ваъда қилганимдек, бу ойда бажарилган ишлар бўйича ҳисоб-варақни юборяпман».

Бошқа тарафдан, электрон хатларнинг оддийлиги ва жўнатиши тезлиги амалий ёзишмаларнинг ўта даражада жўнилашиб кетишита олиб келгандир? Хуллас, қандай га-

пирсангиз, шундай ёзишга ҳаракат қилинг:  
үзингиз ҳам қийналмайсиз, бошқалар ҳам...

### **Қоғозда сұхбатлашиңг**

Иш юзасидан хат ёзишга тұғри келиб қолғанда күпчилік расмиятчилик қопқонига тушиб қолади. Бундан қочиш учун үзингизни сиз хат ёзаёттан одам билан тұғридан-тұғри ёки телефон орқали гаплашаёттандек ҳис этинг.

Муваффакиятли амалий ёзишмалар учун тавсиялар:

1. Қандай үйласангиз ва гапирсангиз, шундай ёзинг. Ёзаёттанды гапириш пайтида ишлатылмайдыган сүз ва иборалардан фойдаланманг. «Марҳамат қилиб, айни пайтдаги қор бүронлари туфайли түгілған нокулайлик сабабли маҳсулотларни етказиб беріш кейинги ҳафтага кечиктирилишини маълумот ўрнида қабул қилишингизни сүраймиз» деган гапни оғзаки айта оласизми? Ҳеч қачон. Бу гапни оғзаки шакда «қор қаттық ёғиб турғани учун буюртмангиз кейинги ҳафта етказилади» дейсиз-күясиз.

Боғловчи феъллардан фойдаланманг. «Биз эндилиқда мазкур номдаги маҳсулотларнинг етказиб берувчиси бўлиб ҳисобланмаймиз» дейиш ўрнига «энди бундай молларни етказиб бермаймиз» деб ёзиш қулай.

2. Адресатни қизиқтириңг. Оғзаки мулоқот икки тарафлама бўлади. Бир киши гапиради, иккинчиси унинг сўзини изоҳлайди

ёки савол беради. Хатта саволлар ва шахсий мuloҳазаларни қўшаётib, ўқувчининг эътиборини энг қизик жиҳатларга қаратасиз. «Биз ўз маҳсулотларимизни сизнинг талабларингиздан келиб чиқиб модификация қилишимиз мумкин» деган жумлани қуидагича ўзгартиринг: «Бизнинг маҳсулотлар сизнинг талабларингизга мос келиши учун уни қандай модификация қилганимиз маъқул?» Шунда ўқувчингизни ўйлашга, фикр юритишга ундейсиз, унинг фикри мижоз сифатида сиз учун аҳамиятли эканини уқтириб ўтасиз.

3. Хатни муайяналаштиринг. Биз оғзаки мuloқот пайтида «мен», «биз», «сиз» сингари олмошлардан мунтазам фойдалана-миз. Амалий ёзишмаларда эса қўпинча мақсадни мажхул нисбатда баён этамиз: «ҳисобланади», «тавсия этилади», «санала-ди» каби мавхум феълларни ишлатамиз. «Текширишлар ўз якунига етказилгач, сизнинг ташкилотингизга батафсил ҳисобот юборилади» демасдан «Биз масалани ўрганиб, керакли маълумотларни олгач, сизни хабардор қиласиз» десангиз яхшироқ эмасми?

4. Хатни муайяналаштиришнинг энг яхши усули – агар адресат билан яқин муносабатда бўлсангиз, унинг исмини, фақат иш юзасидан тапшиссангиз, фамилиясини ўз мактубингизда ишилатиш. «Натижада савдо ҳажми ошади» деган жумла ўрнига «Тим (ёки жаноб Хант), бунинг натижасида сизнинг ҳудудингизда савдо ҳажмини ошира оласиз» деб кўринг-чи?

5. Амалий ёзишмада фикрларни табиий тарзда баён этиш, мунтазам алоқа ўрнатиш муҳим. Киришимли, хушмуомала ва қизиқувчан бўлинг. Расмий оҳангдан кўра дўстона ифода адресатни кўпроқ жалб қиласди.

### Амалий қолипдан чиқишига ҳаракат қилинг

Ўрнига	ёзинг
Келгусида	кейинроқ (ёки аниқ вақт)
Айни пайтда	ҳозир
Шунга қарамасдан	лекин, бари бир
Бир йил муддат	бир йилда
ичида	
Сизнинг сўровингизга	
жавобан	сўровингиз бўйича
Яқин келажакда	тез орада (ёки аниқ вақт)
Тахминларга биноан	эшитишимиизча
Кўйида имзо	
чекувчи(лар)	мен (биз)
Шу муносабат	шунинг учун
билин	...дан ташқари
Истисно қилинади	

### Мураккаб жумлалардан қочинг

Қисқа гап (ийигирматагача сўз) тез қабул қилинади ва ўзлаштирилади. Битта гапда бирдан ортиқ фикр ёки ғоя бўлмаслиги керак. Имкон даражасида фикрларни кам сўзли гапларда ифодаланг. Тўғри, айрим ҳолатларда касбий лексикага ёки жаргондаги сўзларни ишлатишга тўғри келади, аммо сиз бу сўзларни ишлатишдан аввал адресат уларнинг мазмуни билан таниш эканига ишончингиз комил бўлиши шарт.

## **Ёзишма эсда қоларли бўлиши керак**

Сиз ўқиёттанингизда мия ҳар бир сўзни эшилган пайтингиздаги каби қабул қиласди ва кайта ишлайди. Сўз (худди амалий мурожаат сингари) агар визуал воситалар ёрдамида мустаҳкамланса, кўпроқ самара беради.

## **Графикадан фойдаланинг**

Кўчилик рақамларни жадвал ва графика ёрдамида тезроқ қабул қиласди. Шу боис, ахборотни график форматга ўтказинг. Расмлар, суратлар ва бошқа воситалар ишчан ахборотни кучайтиради. Уларни матн ичига киритишингиз ёки илова қилишингиз мумкин.

Ахборотни графика ёки жадваллар кўринишига ўтказадиган жуда кўп компьютер дастурлари мавжуд. Ранг-баранглики ошириш учун жадвал ва графикларга ранг беринг.

## **Кўринарли мисоллар келтиринг**

Агар графика мақбул кўринмаса, ахборотни ўқувчининг тасаввурида матндаги ҳолат ҳақида тасаввур уйготувчи визуал тасвиirlар билан бойитинг.

Мисол тариқасида кадрлар бекарорлиги билан боғлиқ иккита хизмат ёзишмасини кўриб чиқайлик: «Кадрларнинг ўзгарувчанлиги экспедиторлик бўлимидага ходимлар учун ортиқча юкламаларга сабаб бўлди, бу эса ўз навбатида баҳтсиз ҳодисалар, чарчоқ туфайли учрайдиган

касалликлар, оммавий ишдан бўшашиб холатларини кўпайтириди. Шу сабаб кўплаб буюртмалар вақтида бажарилмаяпти ва харидорларнинг шикоятлари кўпайиб бормоқда».

Ушбу қайд бехато ёзилган бўлса-да, келинг, уни бошқа бир муқобили билан солишитирайлик: «Бугун эрталаб экспедиторлик бўлимига киргандим, у ерда ўнта ходим ўрнига юз кишининг иши билан шуғулланайётган олти нафар ходимни кўрдим. Улар ўн соатлаб тинимсиз ишилаганлари учун юзларидан чарчаганлари сезилиб турар, иш суръати ҳам пасайиб бораради. Бир ходим кичикроқ ходиса сабабли оқсай бошлади. Мен бўлимда турган пайтимда маҳсулотларнинг вақтида етиб бормаётгани ҳақида уч нафар мижоз кўнфироқ қилди».

Биринчи қайдда фактлар келтириляпти. Иккинчисида эса ўқувчи учун ҳолатни

*Шахсий ва телефон  
орқали мулоқотни электрон  
ёзишмаларга tenglashitirmang.*

*Мунтазам кўриши ва  
эшиши орқали ҳамкорлар  
 билан алоқада бўлиш  
 ўзаро муносабатларни  
 мустаҳкамлайди. Бу эса,  
 томонлар бир-бирини англай  
 олишида катта аҳамиятга эга.*

***Чарльз Уонг, «Компьютер  
ассошиэйтс» президенти***

«күриш» имкони бериляпти. Күринарли мисоллар ва визуал воситалар ёзишмаларни тушунарли, шу билан бирга, қизиқарли қила олади.

### **Электрон ёзишмалар**

Шубҳасиз, сўнгги йиллардаги кўзга кўринарли янгилик интернетнинг мулоқот ва ахборот алмашиш соҳасидаги энг кулаги воситага айланиши бўлди. Бироқ электрон мактуб ва электрон хабарлар ёзишда ҳам стандарт амалий хатлар ёзгандаги каби эътибор ва масъулият билан ёндашиш керак. Унутманг, электрон почта амалий ёзишмаларнинг бир кўриниши саналади. Телефон суҳбатларидан фарқли ўлароқ, электрон ёзишмаларни сақлаб қўйиш ва исталган пайтда очиб ўқиш мумкин. Улар ҳатто судда ҳам исбот вазифасини ўтайди. Шу боис, электрон хатларни ёзишда ҳар бир сўзни, жумлани пухта ўйланг.

### **Самарали электрон ахборот алмашув**

Электрон хабарни тузишдан аввал нима ёзмоқчи эканингизни яхшилаб ўйланг. Электрон хат ҳам оддий хат сингари дикқат билан ҳозирлик кўришни талаб этади. Агар сиз хатни йўриқнома кўринишида йўлламоқчи бўлсангиз, адресат сиздан нима кутаётганига аниқлик киритиб олинг. Агар бирор сўровга жавоб бергаётган бўлсангиз, хабарни бир неча марта ўқиб чиқинг.

## **Адресатнинг эътиборини тортинг**

Кўпчилик ҳар куни ўнлаб, ҳатто юзлаб электрон хабарларни олиши мумкин. Агар хабарингиз дикқат билан ўқилишини истасангиз, адресат учун аҳамиятга эга бўлган мавзуга оид сарлавҳа топинг. Масалан, «25:06 да юборилган хабарга жавоб» эмас, «июнь ойидаги савдо ҳажми» деб сарлавҳа қўйинг.

Электрон хат ёзишда юқорида айтилган уч «Т» формуласи (тушунарли, тўлик, тегишли)ни унутманг. Агар хатингизга қўшимча файллар илова қиласидиган бўлсангиз, уларнинг мазмуни ва сонини кўрсатинг, токи адресат сиздан ҳамма хабарларни олганига ишонч ҳосил қиласин.

«Жўнатиш» ҳаволасини босищдан аввал хабарни яна бир марта, иложи бўлса овоз чиқариб дикқат билан ўқиб чиқинг. Хат юбораётганда адресатдан юборилган мактуб етиб борганини тасдиқлашини сўранг. Агар ушбу электрон хабар сиз учун жуда муҳим аҳамиятга эга бўлса, адресатга қўнғироқ қилиб, хатингизни олган-олмаганини сўранг.

*Текшириш мен учун ҳатто  
хатдан ҳам муҳимроқ.  
Китобнинг мазмуни  
ана шу пойдевор устида  
курилиши керак.  
**Леон Юрис***

## **Махфийлик масалалари**

Олдин эслатиб ўтилганидек, электрон ёзишмаларнинг махфийлигига ҳеч ким кафолат бермайди. Замонавий хакерлар ҳатто энг мустаҳкам компьютер дастурларини ҳам бузиб кира оладилар. Сизнинг электрон хатингиз жамоатчилик мулки бўлишини унутманг. Агар бирор махфий маълумотни муҳокама қилиш керак бўлса, амалий ёзишманинг бошқа турларидан фойдаланинг.

*Хат фикрларни  
кристаллаштиради, фикр эса  
ҳаракатга ундаиди*

**Пол Ж. Мейер,  
ёзувчи ва консультант**

Эса тутинг, компаниянинг марказий компьютеридан юборилган ҳар қандай хабар бошқа ходим томонидан ҳам ўқилган бўлиши мумкин. Кейинги йилларда жуда кўп ходимларнинг айнан электрон ёзишмалар пайтида корпоратив қоидаларни бузгани учун ишдан ҳайдалиш ҳолатлари қайд этилган. Ва бу ҳолатларнинг барчасида суд ходимларнинг махфийлик ҳуқуки бузилгани ҳақидағи даъвосини рад этган.

Янада жиддий муаммолар ходимларнинг ўз ёзишмаларида ноўрин ҳазиллар ва ножӯя изоҳларга йўл қўйгани сабаб келиб чиқади. Унутманг, компания серверидаги ёзишмаларингиз исталган вақтда компа-

ниянинг ҳар қандай ходими томонидан очиб ўқилиши мумкин. Ҳеч қачон кимнингдир жинсий ёки ирқий хусусиятига ишора қиласиган изоҳ ёзиг қолдирманг. Бундай ёзишмалар судда раҳбариятнинг бу ёзишмага алоқаси бор-йўқлигидан қатъи назар, компанияяга қарши асос бўлиб хизмат қилиши мумкин. Бунда иш хабар муаллифининг ишдан ҳайдалиши, ҳатто унга ва компанияяга нисбатан суд иши очилишигача бориб етади.

Хуллас, хатни кимга юбораётганингизни яхшилаб аниқлаб, кейин юбориш ҳаволасини босинг.

### **Электрон хабарлар билан ишлаш қойдалари**

1. Хабарни дикқат билан ёзинг.
2. Имкон қадар қисқа ёзинг. Агар кўпроқ маълумотларни йўлламоқчи бўлсангиз, бу ҳақда адресатга аввалроқ хабар беринг.
3. Тасвириловчи сарлавҳа қўйинг. Агар адресат хатнинг нима ҳақида энанини билмаса, уни эътиборсиз ўтказиб юбориши ҳам мумкин.
4. Мазмун ва баён услуби профессионал даражада бўлиши лозим. Норасмий услуб ёмон эмас, фақат жуда кўп микдордаги тиниш белгилари, қисқартмалар, паронимлар, қўйилмалар, мураккаб бирикмалардан қочиш керак. Бутун хабарни катта ҳарфлар билан ёзиш ҳам бачкана қўринади.
5. Хатоларни тузатишда электрон корректордан фойдаланинг, бироқ шундан кейин ҳам бари бир хабарни бирров кўз-

дан ўтказиб чиқинг. Иложи борича овоз чиқарип ўқинг.

6. Агар бу хатга жавоб ёзиш шарт бўлмаса, вақтни тежаш мақсадида бу ҳақда адресатни огох этинг.

7. Хабарни жўнатишдан аввал бир неча марта ўқиб чиқинг.

8. Зарурат туғилса, хатдаги асосий жумлаларга фон бериб, бўяб қўйинг.

9. Сизга юборилган ҳар бир электрон хабарга жавоб қайтаришга ҳаракат қилинг. Мулоқот тезлиги шафқатсиз рақобат мухитида катта аҳамиятга эга.

10. Хабар нусхаси ва унинг кўринимас нусхасидан эҳтиёткорлик билан фойдаланинг.

11. Хатлар «занжири»дан эҳтиёткорлик билан фойдаланинг.

12. «Жавоб қайтариш» тутмасидан чекловсиз фойдаланг. Бу хабар тузишнинг оддий усули саналади.

13. Хабар нима мақсадда ёзилаётганини айтиб ўтинг: ахборот алмашишми, саволга жавоб олишми, муайян ҳаракатлар ҳақида сўрашми?

14. Муҳим хабарнинг етиб борганига ишонч ҳосил қилинг. Адресатга қўнғироқ қилинг ёки ундан тасдиқ хати юборишни сўранг.

15. Муболаға ва ҳазилларни ҳаддан оширманг. Бу сиз ҳақингизда нохуш тасаввурни пайдо қиласди.

16. Хатни икки мартадан ортиқ жўнатманг. Хатлар занжирини ўқиш қийин бўлиб қолади.

17. Кераксиз файлларни илова қилманг.
18. Электрон почтангизга телефонлар ва шахсий алоқа координаталарини киритманг. Иш юзасидан ҳамкорлар билан овозли ва тасвирил алоқа ўрнатинг.
19. Хизмат компьютерингизга порнографик, ирқий ёки этник видеоларни юкламанг. Бу юкламаларни бошқа ходимлар ҳам кўриб қолиши мумкин. Бу ҳолатлар сизни қийин вазиятларга тушириши, ҳатто сизни ирқчилик ва маънавий бузуқлиқда айблашларига асос бўлади.
20. Электрон почта орқали тийбат ва мишишлар ёйилишига йўл қўйманг. Ҳатто юзма-юз ўтириб ёки телефонда гаплашиб ҳам бу ишни қилиш одобдан эмас. Интернет орқали бу мавзудаги мулоқот унинг қамровини бир неча баробар ошириши мумкин.
21. Агар хат фақат муайян бир кишига мўлжалланган, бошқаларга алоқаси бўлмаса, уни бошқа адресатларга юборманг.
22. Корпоратив электрон почтадан беҳаё латифалар ва ҳазилларни бошқаларга юборманг.

### **Омадли ҳисобот ёзиш сирлари**

Ҳисобот тузиш, уларни раҳбариятга ва ташкилотнинг бошқа менежерларига йўллаш ҳам менежернинг хизмат мажбуриятларига киради. Саводсизлик билан тузиленганинг истиқболингизни хавф остига қўяди, шунинг учун ҳисоботларни саводли тузишга эътибор беринг.

Дейлик, бошлиқ яқында компанияда жорий этилиши кутилаётган янги дастурний таъминот юзасидан текшириш олиб бориш ва ҳисобот тайёрлаш ҳақида сизга топшириқ берди. Яхши ҳисобот шунчаки фактларни жойлаштириб чиқиши дегани эмас. Уни ўқиган ўқувчи етарлича маълумотга эга бўлиши ва тўгри қарор қабул қила олиши керак. Амалий мактубларнинг бошқа турлари каби бунда ҳам учта «Т» қоидасига амал қилиш керак. Яъни, ҳисобот тушунарли, тўлиқ ва тегишли бўлиши шарт.

*Соглом фикр –  
муваффақиятли ёзиш  
кафолатидир.*

### **Гораций**

### **Жиддий ҳозирлик**

1. Ҳисобот қайси масала ёки муаммога бағишиланганини билиб олинг. Сизга бу топшириқни берган раҳбар билан ҳисобот мақсадини аниқлаштириб олинг. Кўпгина ходимлар улардан нима талаб қилишларини билмай туриб, ҳисобот тузишга жуда кўп вақт, пул ва яна пул сарф қилишади. Ҳақиқатан ҳам муҳим аспектларни ўрганиш ўрнига улар иккинчи даражали масалаларга кўпроқ вақт ажратишади. Янги дастурний таъминот ҳақида ҳисобот тузишда учта омил – дастур пакетини телемаркетингда кўллаш, техник хизмат

кўрсатишининг нархи ва ҳаммабоплигига эътибор қаратиш керак.

2. Агар ҳисоботнинг айрим бобларини ёзишни бошқа ходимларга топширсангиз, сизнинг асосий вазифангиз уларнинг харатини мувофиқлаштириш, тадқиқотлар натижаларини ёзib бориш ва тавсиялар бериш бўлиб қолади.

3. Фактлар ва барча зарур ахборотларни тўпланг. Масалан, дастурий таъминот ҳақида ҳисобот тузар экансиз, маъсул шахслар бундай таъминот билан аввал шуғулланиб кўрган ҳамкаслар билан гаплашиб қўришлари, унинг қай даражада самарали эканини суриштиришлари лозим. Бундан ташқари, тегишли адабиётлар, маҳсус журналлар билан танишиш, ушбу маҳсулот билан таниш бўлган бошқа ташкилотларда ишлайдиган ходимлардан маслаҳат сўраш керак бўлади.

4. Барча ахборотлар таҳлил ва тасниф қилинган бўлиши керак. Ушбу дастурий таъминот ва унга ўхшаган маҳсулотларнинг афзалликлари ҳамда камчиликлари рўйхатини тузиб чиқиши керак.

5. Раҳбарият хатнинг қайси турини афзал кўришини билиб олинг ва ҳисоботни шу кўринишда тузиб чиқинг. Масалан, инженер ҳали техник терминлар билан яхши таниш бўлмаган раҳбари учун ҳисобот тайёрламоқчи бўлса, у тушунарли тилда, профессионал сўзлардан камроқ фойдаланган ҳолда ҳисобот тайёрлаши керак бўлади. Бунинг иложи бўлмаса, муаллиф

маърузада тилга олинган терминаларни тушунтириб бериши керак.

Агар сиз билан узоқ йиллардан бери ишлаб келаётган раҳбарингиз учун бевосита ҳисобот тузишга тўғри келса, сиз ҳисоботни қай тартибда тузиш кераклигини яхши биласиз. Агар бунга ишончингиз комил бўлмаса, бошқа ходимларнинг ҳисоботларини кўздан кечиринг. Қуйидагиларни эътиборга олинг:

- Раҳбарингиз қандай ҳисоботни афзал кўради: қисқами ё батафсил?
- Маълумотлар қандай кўринишда бўлиши керак: схема ва графиклар кўринишдами, ё статистик жадвалларми? (Балки ҳар иккиси ҳам бўлиши керакдир?)
- Рақамлар аниқ бўлиши керакми, ё яхлитланган кўринишдами?
- Раҳбарнинг ўзи бу ҳисоботни қандай шаклда тузган бўларди?

### Ҳисоботнинг тузилиши

Ҳисобот тузишнинг универсал усулийўқ, аммо ушбу тавсиялар сизга аскотиши мумкин:

1. Мақсадни кўрсатинг. Ҳисоботни уни ёзишдан мақсадни баён этишдан бошланг. Масалан, «Сизнинг «Х» номли дастурий маҳсулот ҳақида юборган хизмат қайдингизга биноан унинг самаралилиги ва амалий аҳамиятига қараб, ушбу маълумотларни эътиборингизга ҳавола этаман».

2. Хулоса ва тавсиялардан бошланг. Хулоса охирида келтирилади деган анъана-

вий фикрларга қарамасдан, кўпгина раҳбарлар тадқиқот натижаларини ҳисоботнинг аввалида кўришни ёқтиришади. Бу эса уларга масаланинг моҳиятини чуқурроқ англаш, деталларни эса кейинроққа қолдириш имконини беради.

3. Тўлиқ ахборотни тақдим этинг. Мақсадни қисқача баён эттач, моҳиятни тўла тасвирилаш керак бўлади. Хулосаларни тасдиқлаш учун фактларни тақдим этинг. Схема, график ва жадваллардан фойдаланинг.

4. Услуб ва шаклга эътибор беринг. Тушунарли тилда ёзинг, асосий фикрларни ажратиб кўрсатиш учун турли шрифт ва фонлардан фойдаланинг, аммо ҳисобот ранг-баранг рекламали проспектга ўхшаб қолмасин.

5. Ҳисобот ҳажми. Маъруза барча зарурий ахборотларни акс эттириши керак. Ортиқча битта ҳам сўз бўлмасин. Такрорлардан қочинг. Фақат ҳисобот охирида хулосаларни қисқача тарзда эслаб ўтишингиз мумкин.

6. Ҳисоботни бир неча марта ўқиб чиқинг. Ҳисоботни топширишдан аввал бир неча марта ўқинг. Имловий ва услубий хатоларни тўғриланг. Рақамларни текшириб чиқинг. Имкони бўлса, ҳамкасбларингиздан бирига ҳисоботни ўқиб, унинг фикрини сўранг.

7. Ҳисобот раҳбарга қандай кўринишида (босма, электрон ёки ҳар икки кўринишида) топширилиши кераклигини билиб олинг.

8. Агар раҳбарнинг ўзи ушбу ҳисобот нусхасини бирор тегишли ходимга юбо-

ришни сўрамаган бўлса, уни бошқаларга берманг. Ҳисоботнинг бир нусхасини иш компьютерингиз хотирасида сақлаб қўйинг. Ушбу ҳисоботни тайёрлашда ишлатилган ва ҳатто ишлатилмаган материалларни ҳам муайян вақтга қадар сақлаб туринг. Агар келгусида ҳисоботингизга тузатиш киритиш ёки қайтадан ёзиш, туғилган саволларга жавоб қайтариш зарурати туғилганда бу ҳужжатлар сизга асқотиши мумкин.

9. Ҳисоботнинг оғзаки тақдимоти. Йиғилишда ушбу ҳисоботни оғзаки тушунтириб беришга тайёр бўлиб туринг. Оғзаки ахборий тақдимотлар қоидаларини кузатиб боринг (бешинчи бобга қаранг).

### Резюме

- Сиз нимаики ёзманг, бари:
  - тушунарли – оддий ва равон;
  - тўлик – мазмунга эга;
  - тегишли – қисқа ва аниқ бўлиши керак.
- Амалий ёзишма шахсий брэндингизнинг таркибий қисми саналади. Эътиборли бўлинг, хатоларни ўзингиз тўғриланг. Автомат корректорга ишониб қолманг.
- Ҳаддан ортиқ расмиятчиликка берилманг. Қандай гапирсангиз шундай, табиий ва самимий ёзинг.
- Ҳатни хусусийлаштириш, яъни шахсийлаштиришнинг самарали усули матнга адресат номини киритишидир.

• Агар ахборот график кўринишида тақдим этилса, амалий ёзишмалар кўпроқ самара беради.

• Электрон хатлар ва матнли хабарлар ёзишга худди анъанавий хат ёзгандаги каби эътибор ва масъулият билан ёндашинг.

• Ёзишдан аввал яхшилаб ўйланг. Хабарни ҳам оддий хатдаги сингари режалаштинг. Агар топширик бериш керак бўлса, адресат ўзидан нима талаб қилинишини англайдими-йўқми, текшириб кўринг.

• Электрон хатлар билан ишлаш қоидаларини яна бир бор ўрганиб чиқинг. Уларга ўзингиз амал қилинг, қўл остингиздагиларга ҳам ўргатинг.

• Ҳисобот тузиш, уларни раҳбариятга ва ташкилотнинг бошқа менежерларига йўллаш ҳам менежернинг хизмат мажбуриятларига киради. Саводсизлик билан тузилган ҳисобот сизнинг истиқболингизни хавф остига қўяди, шунинг учун ҳисоботларни саводли тузишта эътибор беринг.

• Муваффақиятли ҳисобот тузиш бўйича маслаҳатлар:

– мақсадни кўрсатинг;

– хulosса чиқаринг ва тавсия беринг;

– хulosса ва тавсияларни асослаб беринг.

Схема, график ва жадваллардан фойдаланинг:

– маърузада барча зарурий ахборотлар акс эттиши керак, ортиқча сўз бўлмасин;

– ҳисоботни топширишдан аввал уни бир неча марта ўқинг. Имловий ва услу-

бий хатоларни түғриланг. Рақамларни текшириб чиқинг.

– адресат жавобни қайси кўринишда олишни исташини ўрганинг ва ҳисоботни шунга қараб тузинг.

• Ҳисобот раҳбарга қайси кўринишда (босма, электрон ёки ҳар икки кўринишда) топширилиши кераклигини билиб олинг.

• Ҳисобот ёзишда ишлатилган ва ҳатто ишлатилмаган материалларни ҳам сақлаб қўйинг.

## ОЛТИНЧИ БОБ

### **СИЗ ХИЗМАТ ҚИЛАДИГАН КОМПАНИЯ ДОИРАСИДА МАРТАБАНГИЗНИ ОШИРИШ ЙҮЛЛАРИ**

*Хизмат пиллапояларидан юқорилаш учун сиз айни пайтда ишилаётган компанияда, унга рақобатчи компанияда ёхуд фаолият турини алмаштирган ҳолатда ҳам ҳаракат қилиши мүмкин. Ушбу бобда иш жойингизда ўсиш босқичлари қаламга олинади. Кейинги ўринларда иш жойингиз ёки касбингизни ўзгартириб ҳам юксалиш мүмкінлиги ҳақида сўз юритамиз.*

#### **Айни пайтдаги вазият**

Аввало битта нарсани аниқлаб олинг: сиз кўтарилиш учун шу иш жойингизда қолмоқчимисиз ёки бошқа жойга ўтасизми? Потенциал имкониятлар тўртта омилга қараб белгиланади, сиз ишилаётган муҳит, компания, касб тури ва шахсий қизиқишлар.

#### **Сиз ишилаётган муҳит**

Келажагингиз кўпинча бу иш муҳитида қандай имкониятлар борлиги билан белгиланади. Айрим йўналишлар технологик жараённинг ривожланиши билан ўз-ўзидан йўқолиб кетади, қайсиdir соҳа-

лар бошқалари билан қўшилиб кетади ёки бошқасига аралашди.

Масалан, Сара енгил саноат соҳасида ишлайди. Бироқ бир неча йил ичида аёллар кийимини ишлаб чиқарувчилар чет элга кўча бошлашди ва Саранинг ўз иш жойида ўсиш имкониятлари пасайди. Келажакда нималар юз беришини олдиндан айтиш мушкул. Бироқ бу ўзгаришларнинг дарракчиларига эътибор қилинг ва қўйидаги саволларга жавоб беринг.

» *Бу ишибилармонлик муҳитининг тарихи қандай?*

*Хозирги пайтда бу соҳада ўсиш кузатиляптими?*

» *Соҳада технологик жараён кузатиляптими?*

» *Соҳа бозори қанчалик хилма-хил? (сотиш ҳажми қандай? Молларни етказиб берриш ҳукуматга боғлиқми ёки маълум компанияларгами?)*

» *Потенциал бозорнинг кенгайини кузатиляптими?*

» *Кейинги йилларда бу соҳада ишлаётган ходимлар сони ўедими ё камайдими?*

## Компания

Профессионал даражангизга қарамай, сиз ишлаётган компания сизнинг келажагингизни белгилашда катта аҳамият касб этади. Агар компания гуллаб-яшнаса, ўсиш истиқболи юқори бўлса, инқироз хавф солмаса ҳам сиз боши берк кўчага кириб қолишингиз мумкин.

Қўйидаги саволларга жавоб беринг:

- Компания ўз соҳаси бўйича етакчими?
- Рақобатчиларга қараганда унинг савдо ҳажми ошяптими?
- Компания янги товар ва хизматлар тақлиф этяптими?
- Компания ўз саноат соҳасида технологик ўзгаришиларга тайёрми?
- Компания рақобатчилар, мижозлар ва етказиб берувчилар ҳурматидан фойдаландими?

*Бизнинг дунёмизда ҳар  
бир ишни фурсати келганда,  
шахсан ўзи бажарган  
одамгина ютиб чиқади.*

**Жорж Бернард Шоу**

- Молиявий кўрсаткичлар барқарорми?
- Штатлар кўпайяптими?
- Ходимлар меҳнат стажи ва хизматлари эътиборга олиняптими?
- Лавозимларни тақсимлашда қариндоширургчилек, таниш-билишчиликка йўл қўйиладими?

### **Касб хусусиятлари**

Ҳар бир компанияда маълум соҳада ўсиши муқаррар бўлган ва ўз касбида ўсиш имконияти бўлмаган ходимлар ишлайди. Агар касбингиз иккинчи тоифага кирса, касбингизни ўзgartирishiшга ҳаракат қилинг.

Кўйидаги саволларга жавоб беринг:

- ✓ Сизнинг касбингиз хизмат пиллапоясидан юксалиш имконини берадими?
- ✓ Сиздан аввал бу касбда ишлаганлар кўтарилигандими?

- ✓ Сизнің касбингизде малака ошириладими?
- ✓ Сиз үз касбингизга күра қарор қабул қыла оласизми?
- ✓ Сиз компания ишида доим күзга күриниб тұрасизми?
- ✓ Сиз әнг юқори раҳбарлар билан доим күришиб тұрасизми?
- ✓ Сизнің құл остиңгизде ходимлар борми?
- ✓ Корпоратив ресурслар (пул, материалдар, асбоб-усқуналар) сизнің іхтиёргиздами?
- ✓ Сизнің лавозимингиз компания үчүн ажамиятлими?
- ✓ Сиз ходимларнің ўсиши үчүн масъул бўлган раҳбар құл остида ишлайсизми?

### Шахсий қизиқишлиар

Ўсиш истиқболларини таҳлил қилиш асосида шахсий нұқтаи назарни ҳам әльтіборга олиш керак. Иш сизге ёқиши керак. Нима билан шуғулланишингиздан қатыи назар, ҳар куни эрталаб ишга ғайрат ва иштиёқ билан боришингиз керак.

Энг аввало ишнинг амалдаги ҳолатини қуйидаги жиҳатларға қараб баҳолашта ҳаракат қилинг:

- иш ҳақи;
- фаолият тури;
- сиз ҳозирда ишлаёттан компанияда ўсиш истиқболлари;
- хизмат пиллапояларидан илгарилаш имкониятлари;
- сиз ишлаёттан корхона раҳбарининг

инсонийлиги;

- сиз ўқиётган муассаса раҳбарининг инсонийлиги;
- иш шароитлари;
- бўлимнинг бошқа ходимлари билан муносабатлар;
- ташкилотнинг бошқа бўлимлари ходимлари билан муносабатлар;
- хизмат пиллапояларидан юқорилаш учун билим ва тажрибалар ошириш имконияти;
- касбий юксалиш учун билим ва мала-ка ошириш имкониятлари;
- агар сиз бошқа ташкилотга ўтмоқчи бўлсангиз, кўникмаларни ортириш ва рақобат-бардошликни ошириш имкониятлари;
- раҳбарият, ҳамкаслар ва ходимларнинг муносабати;
- навбатдаги ўсиш муддати;

Ушбу саволларга жавоб топиб, сиз холисона, тўғри қарор кабул қилишингиз мумкин.

### **Ишдан ишга ўтиш**

Тасаввур қилинг, сиз ишлаётган компанияда мансабингиз ошиши учун имкониятлар мавжуд, аммо сиз анчадан бери ҳануз битта жойда қимирламай ўтирибсиз. Балки шу компаниянинг бошқа бўлимига ўтиб ишлашингиз керакдир?

Компания ичida жой алмасиш бир неча усул билан амалга ошади. Бу ўринда масала сизнинг раҳбар билан шахсий муносабатингизга боғлиқ. Дейлик, сиз бир

бўлимда бир неча йилдан бери ишлайсиз, лекин раҳбар сизнинг лавозимингизни ошириш ҳақида ўйламаяпти. Агар муносабатларингиз яхши бўлса, у билан дўстона гаплашиб олинг. Унга хизмат поғоналари бўйлаб кўтарилишни истаёттанингиз, бунинг учун бошқа бўлимга ўтиб ишлаш нияtingиз борлигини айтинг.

Агар бевосита сиз ишлаётган бўлим бошлиғи билан муносабатингиз яхши бўлмаса, тўғридан-тўғри каттароқ бошлиқ билан юзлашишга ҳаракат қилинг. Ундан шахсий учрашув учун вақт ажратишни сўранг. Унга фақат ўз истагингиз эмас, бу кўтарилиш компанияга қандай фойда келтиришини ҳам асослаб беринг. Унга ушбу компанияда ишлаш сизга ёқишини, рақобатчи корхонага ўтиш нияtingиз йўқлиги, бироқ сиз ишлаётган бўлимда кўтарилишнинг имкони йўқлиги сабаб бошқа бўлимда ишламоқчи эканингизни айтинг. Раҳбар сизнинг истагингизни ерда қолдирмайди, шуни ҳам унутмангки, бу масалани у сизнинг тўғридан-тўғри раҳбарингиз, бўлим бошлиғингиз билан ҳам мухокама қиласди. Агар сизни бошқа бўлимга ўтказишмаса, бўлим бошлиғи билан муносабатларингиз чигаллашади. Ўйлаб кўринг, таваккалга тайёрмисиз?

Кўпгина компанияларда бошқа бўлимга ўтишнинг энг яхши йўли кадрлар бўлимига учрашиш саналади. Одатда бу бўлим ходимлари ҳаммага нейтрал муносабатда бўлишади ва фақат компания ман-

**фаатларини кўзлаб қарор чиқаришади.**

Кадрлар бўлими бошлиғи шахсан ёки хат билан мурожаат қилиши мумкин. Но-расмий муҳокама афзалроқ. Бунинг учун сиз бу сұхбатнинг маҳфий кечищига ишонч ҳосил қилинг, токи бевосита раҳбарингиз сизнинг розилигингизсиз бу режангиздан хабар топмасин. Кадрлар бўлими раҳбари сизни бошқа бўлимга ўтказишининг иложи бор-йўқлиги ҳақида етарлича тушунча беради. У яна сизга маълум муддат ўз иш жойингизда қолишингизни, бошқа бўлимга ўтиш учун ариза ёзишингизни ёки бўлмаса, сиз ҳали билмаган бўш ўринлар ҳақида таклифлар бериши мумкин. Сиздан маҳсус шаклдаги хужжатни тўлдириш ёки тегишли кўринишдаги резюме тайёрлашни сўрашар. Шунингдек, компанияда раҳбар лавозимида ишлаётган бошқа ходимлар билан ҳам учрашишингиз мумкинлигини ёдда тутинг.

(Сұхбатдан ўтиш ҳақидаги тавсиялар билан саккизинчи бобда танишасиз).

### **Маошни ошириш**

Узоқ йиллар давомида кўплаб ташкилотларда маошларнинг оширилиши автоматик жараён кўринишига эга бўлган: ҳар бир ходимнинг ойлигига ҳар йили муйян микдорда қўшимча ёки мукофот пуллари қўшилган. Баъзан раҳбарият қарори билан ходимларнинг ойлик маоши бараварига оширилади. Бугунги иқтисодий шароитда кўпгина ташкилотлар бу анъанадан

воз кечиши. Агар сиз ойлик маошингизни оширишларини истасангиз, астойдил ишлашингизга тұғри келади.

Одатда юқорироқ, масъулиятлироқ лавозимта күтарилиган ходимнинг маоши ҳам бирмунча оширилади. Баъзан шундай ҳолатлар бўладики, сиз ўз лавозимингизни ўзгартирмасдан туриб ҳам маошингизни оширишингиз мумкин.

Бу ҳолатда сиз маошга қўшимча қўшишини ўзингиз талаб қиласиз. Айрим компанияларда кимнинг маоши қанча бўлишини бўлим раҳбари ҳал қиласи ва бу ҳақда албатта ўзидан юқори турадиган бўғинга ҳам хабар беради.

Сиз маошингизни оширишни сўрашдан оддин компаниянинг маош ва қўшимчалар борасида юритаётган сиёсатини ўрганиб чиқинг. Агар у аниқ қонун-қоидалар асосида бошқарилса, сиз ўз талабингиз қанчалар ўринли эканини текшириб кўринг. Кўп ҳолатларда ҳатто энг қатъий режимдаги корхоналарда ҳам истисноларга йўл қўйилади. Аввал сиз ўз маошингиз миқдорини бошқа ходимларники билан холисона таққосланг. Агар ўзингиз билан тенг рутбада ишлаётган ходимлардан кўра кўпроқ маош олаётган бўлсангиз, унда маошингизнинг яна ошиши қийинроқ кечади.

Бошлиқдан шахсан учрашишни сўраб кўринг. Маошингизни ошириш истагида эканингизни бошқа ҳамкасларингизга айта кўрманг. Акс ҳолда раҳбариятда сизнинг ҳамкасларингизнинг маоши билан

боғлиқ муаммолар пайдо бўлади. Раҳбарлар билан зиёфат ёки норасмий йиғилишларда маош ҳақида гаплаша кўрманг.

Чунки бундай ўтиришларда берилган ваъдалар тез эсдан чиқиб кетиши мумкин.

Суҳбатни раҳбарга шахсий кўрсаткичла-

*Бугун билим кучга эга. У сиз учун хизматдаги ўсиш йўлларини очиб беради.*

**Питер Друкер**

рингизни санаб бериш билан бошланг. Тортилманг. Сиз хизмат мажбуриятларингиздан ташқари қилаётган ишларингизни ҳам очиқ айтаверинг. Катта мақтовга сабаб бўлган ишларингизни ҳам айтинг. Масалан:

Раҳбар: «Компанияда ишлар олдинги йилга нисбатан суст кетяпти. Вазият ўнглангунча кутиб тур».

Сиз: «Тушунаман, лекин мендаги ишлаб чиқариш самарадорлиги ўтган йилга қарангда ўстган, шу сабабли менинг компания ривожига қўшаётган ҳиссам тўғри баҳоланишини истайман».

Раҳбар: «Ярим йил аввал ойлигинги ошириб бергандиз-ку?»

Сиз: «Тўғри, лекин бу режалаштирилган ошириш эди. Менинг назаримда қилаётган ишларим янада кўпроғига лойик».

Раҳбар: «Бу корпоратив бошқарув сиёсатига тўғри келмайди-ку?»

Сиз: «Мен бу қоидани бузишни истамайман. Аммо менинг вазиятимда алоҳида ёндашув зиён қилмайди».

Раҳбар: «Бу масалани ўйлаб кўрамиз, сендан олдин ҳам бу масалада мурожаат қилганлар бор. Улардан кейин албатта сенинг ҳам мурожаатинг кўриб чиқилади».

Сиз: «Бунинг учун сиздан миннатдорман ва натижани сабрсизлик билан кутаман. Мен бунинг учун ҳозирданоқ янада гайрат билан ишлашни бошлайман».

Эътибор қилинг, сиз шахсий сабабларга кўра, маошингизни оширишни талаб қилаётганингиз йўқ. Сизнинг талабларингиз эришаётган ютуқларингизга асосланяпти. Албатта, сизнинг шахсий молиявий муаммоларингизнинг раҳбарга заррача қизиги йўқ. Шу боис, бу масалани у билан муҳокама қилиб ўтируманг. Агар бошлиқ сизнинг яқин дўстингиз ёки қариндошингиз бўлмаса, сизнинг оиласингиз кентайгани ёки янги уй сотиб олганингиз унинг қарорига ҳеч қандай таъсир қилмайди.

Бошлиққа ишдан кетаман деб таҳдид қилиб, уни қўрқитманг. Сиздан мансаби юқори одамга ультиматум қўйманг. Агар бу ўйинда ютиб чиқсангиз, сизга бари бир «шантажчи» деб қарашади, енгилсангиз ишдан айриласиз.

Ўзингизга мосини танланг. Маошингизни ошириш ҳақида бирор ишни қоийилмақом бажариб, яхшигина мақтov эшиттганингиздан сўнг мурожаат қилганингиз маъқул. Раҳбарга bemavrid бу ҳақда оғиз очиб, рад жавобини олгандан кўра, вақт кетса-да қулай фурсатни куттанингиз маъқул.

## **Кўтарилиш**

Шимолий Каролина штати Гринсборо-даги Креатив раҳбарлик маркази директори Мэриан Рудерман мансабда юқорилаш ҳақида афсоналарнинг учта кент тарқалган турини аниқлаган:

*1. Ходим ўз хизматларига яраша мансабга кўтарилади.*

Албатта, хизмат ва ютуқлар ҳам муҳим. Аммо ундан ҳам муҳими, керак пайтда керак жойда бўла олишда. Бошқача айтганда, бу ўринда ҳолат ва имкониятлар катта роль ўйнайди. Раҳбарлар кимнингдир лавозимини оширишда аввало ўз интуицияси, шунингдек, бошқаларнинг фикри билан ҳисоблашишади. Улар биринчи навбатда ўзлари ишонган, фойдаси тегиши мумкин бўлган одамларни танлашади. Сиз ҳар доим мансаб ошиши учун хизмат қиласидиган «қидирувлар» пайтида ҳозир туришингиз лозим.

*2. Ходим ўз касбий маҳорати янги лавозим табларига мос келсагина каттароқ ишига ўтади.*

Албатта, касбий салоҳият ҳамиша муҳим, аммо бирор лавозим инсоннинг имкониятларига қараб тузилади ёки тавсия этилади, аксинча эмас. Раҳбар сизнинг қобилиятларингизни билиши керак.

*3. Ходим амал курсисига ўтириши учун бир қанча рақобатчилари билан курашда енгиги чиқиши керак.*

Одатда раҳбар кимни қаерга ўтказишни яхши билади. Агар ўша одам сиз бўлсан-

гиз, унинг қарори тўғри эканига раҳбарни ишонтиринг. Агар бунга ишончингиз комил бўлмаса, раҳбарнинг кўз олдида тез-тез нималарга қодирлигингиzin кўрсатиб туринг.

### **Хизмат бўйича юқорилаш**

Хизмат бўйича ўсишнинг энг анъанавий усули – битта ташкилот доирасида даврий жиҳатдан ўсиб бориш. Омад эришиш йўлидаги энг биринчи ва тўғри қадам – вазифавий мажбуриятларни муваффакиятли бажаришдир. Агар сиз паст даражадаги ишларни ҳам маромига етказиб бажара олмас экансиз, ўсиш ҳақида ўйламай кўя қолинг. Унутманг, лавозимингиз ошиши учун касбий маҳоратнинг ўзи етарли бўлмайди. Бошқа омиллар ҳам бу ўринда катта аҳамиятга эга.

### **Тез қўтарилиш**

Кўп ташкилотларда лавозимларни ошириб бориш дастури ўта паст савияда. Ёш ходим касбий маҳоратта эга бўлса, бир неча йил давомида жиддий муаммоларсиз қуий ҳалқадаги раҳбар даражасига ета олади.

Аммо бундай ўсишларниң аксарияти мавқе ва масъулият ўсишига қарамасдан ҳеч қандай самара бермаслиги мумкин. Агар сиз муайян бир мансабни кўзлаб ишга кирган бўлсангиз, ўша курсигача олиб борадиган йўлдаги бўш иш ўрнини эгаллашга ҳаракат қилинг.

Бен йирик саноат корхонасида ходимларни танлаш бўйича менежер лавозими-

да ишларди. Орадан икки йил ўтиб, катта менежер лавозимини тавсия қилишди. Бен ўзи истаган лавозимга эришиш учун бошқа йўналишдаги кадрлар менежменти билан ҳам яқиндан таниш бўлиши лозим эди. Шу боис, у таклиф этилган лавозимни рад этди. Раҳбар унинг хоҳишини инобатга олди ва орадан ярим йил ўтиб уни ишлаб чиқариш бўйича кадрлар бўлими бошлигининг ёрдамчиси этиб тайинлади. Бу унинг тажриба тўғлаши учун муҳим эди.

Агар сизга юқорироқ лавозимни таклиф этишса, рози бўлишга шошилманг. Аввал ўйлаб кўринг, бу лавозим келгусидаги ўсишингизда аскотадими? Ўзингизга савол беринг:

Таклиф этилаётган иш янада юқорироқ лавозим учун йўл очадими?

Бу лавозим сизга мустақил қарор қабул қилиши имконини берадими? (Нотўри қарор сизнинг мавқеингизни тушириши мумкинлигини ҳам унумтманг.)

Таклиф этилаётган лавозим сиз орзу қилган «чўққи»га етишиши йўлини яқинлаштирмаган тақдирда ҳам, сиз учун вақтинчалик фойдали қадам бўла оладими? Дейлик, вақтинча катта менежернинг ёрдамчиси бўлиб ишлайи компания фаолияти ҳақида кўпроқ маълумотга эга бўлиши учун фойдали бўлар. Бироқ бу лавозимда бир ё икки йилдан ортиқ ишлаб бўлмайди. Чунки бу лавозим одамларни тўгридан-тўгри бошқарии имконини бермайди.

Сиз таклиф қилинган лавозимни қабул қиласангиз, раҳбарларнинг назарига тез-тез

*туша оласизми? Сиз ўз ишингизни қанчалик маҳорат билан адo этманг, уни керакли одамлар кўра олмас экан, сиз бир жойда қолиб кетаверасиз. Бу ҳолатда тез-тез раҳбарият билан боғланниб туриш имконини берадиган лавозимлар ўсишингизда катта иш беради.*

Агар сиз ўзингиз орзу қилган даражага етишмоқчи бўлсангиз, мана шу омилларни эътибордан қочирманг.

Шунингдек, мансабингиз ошиши учун шахсий кўриниш ва корпоратив сиёсатнинг ҳам ролини унутманг.

*Одамлар қайси ташкилотда  
ишиллашларидан қатъи назар,  
сиёсий омиллар уларнинг  
ўзаро муносабатларига таъсир  
үтказади.*

**Эрвин Стантон, психолог**

### **Шахсий кўриниш**

Ҳар доим катталар назарига тушиб турдиган лавозимни эгаллашдан ташқари ҳамкаслар ва раҳбариятнинг хурматини қозонишга ҳаракат қилинг. Сиз эришаётган ютуқлардан ҳамкасларингиз ва раҳбариятнинг хабардор бўлиши жуда муҳим.

Жош ўз номзодининг ҳатто бўлим бошлиғи лавозими учун ҳам муносиб топилмаганидан қаттиқ ташвишга тушди. Унинг раҳбари Тодд (у билан беш йил бирга ишлаганди) нафақага чиқаётганда ўрнини унга бўшатиб беришини айтганди. Бироқ Тодд нафақа ёшлига етишига икки йил қол-

ганда вафот этди. Раҳбарият унинг ўрнига илгари бу компанияда ишламаган бошқа одамни қабул қилди.

Нега маъмурият Жошнинг номзодини қўллаб-кувватламади? Чунки унинг қобилияти Тоддан бошқа ҳеч кимга маълум эмасди. Катта раҳбарлар ҳатто Жош деган ходим ишлашини билишмасди ҳам. У «кўринмас одам» эди.

Кўпгина ташкилотларда жуда кўп макали, тажрибали ходимлар ишлашади, аммо уларни худди Жошга ўхшаб ҳеч ким танимайди. Шу боис, юксалишни ўйлаган ходим нафақат бевосита бошлиғига, раҳбариятга ҳам ўзининг борлигини сездириб кўйиши керак.

Қандай қилиб кўзга кўриниш мумкин? Аввало ҳар ким ўз салоҳиятига ишониши лозим. Агар сиз лаёқатсиз бўлсангиз ва буни бошқалар ҳам билса, ахволингиз ёмон.

Жош ҳам топширикларни аъло даражада бажаарди. Аммо бу етарли бўлмади. Умумий йиғилишларда Жош ҳеч қачон ўз фикрини билдирмасди. Агар унда бирон фикр туғилса бўлим бошлиғининг қулогига шивирлар, Тодд унинг фикрини оммага маълум қиласарди. Ва табиийки, бу фикрни раҳбарият ҳам фақат Тодднинг ташаббуси сифатида қабул қиласарди.

### **Фикрингизни баён қилинг**

Ўзингизни намоён этищнинг энг самарали усули бу умумий йиғилишларда эътиборни тортиш ва фикр билдириш ҳи-

собланади. Агар сиз ўз касбингизни яхши билсангиз, албатта сизда қандайдир фикр бўлади. Бироқ кўпчилик олдида гапиришдан қўрқиш кент тарқалган қусурларданбири. Сиз бу камчиликни йўқотинг.

### **Бошқа одамларнинг қизиқишларига эътибор қилинг**

Валеридан «хизматда бунчалик тез кўтарилишингизнинг сабаби нима?» деб сўрашганида, «мен яхши эшита оламан», деб жавоб берди.

«Мен ўз одамларимни фақат мен билан эмас, бошқалар билан ҳам қандай гаплаша олишини яхшилаб эшитаман, – деб туширилди у. – Бир марта йиғилиш олдидан икки ҳамкасбнинг сифат устидан статистик назоратни қандай ошириш ҳақидаги баҳсларини эшитиб қолдим. Орадан бир неча ҳафта ўтиб, маҳсус журналда ана шу мавзудаги мақолага кўзим тушди. Мен ўша кунги баҳсни эслаб, мақолани қирқиб олдим ва бу мавзу билан қизиқсан ўша одамга юбордим. У менга раҳмат айтди ва бошқа менежерга менинг синчковлигим ҳақида гапириб берибди. Мен бундан руҳланиб, ҳамкасларни қизиқтираётган мавзудаги мақолаларни тўплаб, уларнинг ўзларига жўнатадиган бўлдим. Шундан кейин мен ҳамманинг назарида ҳамма учун керакли, уларга зарур маълумотни топиб бера оладиган ходимга айландим. Шундан сўнг ҳар бир бўлим раҳбари мени ўзига чақира бошлади. Шу тариқа менинг лавозимим тобора ошиб бормоқда».

Сиз ҳам Валерига ўхшаб, менежерларни қизиқтирган маълумотларни уларга етказиб туринг.

### **Волонтёрлик**

Билл университетни битириб, Американинг савдо ҳажми бўйича энг йирик 500 та компаниясидан бирига ишга кирди. У ишлаётган бўлимда йигирматача ёш, у билан рақобатлаша оладиган ходим ишларди. У ўзини қўрсатиш учун тинимсиз ишлашта ҳаракат қилди. Орадан бир неча ой ўтиб, Билл жамоат хайрия ташкилотларига гуманитар ёрдам учун йиллик йиғимларни тўлаб берадиган бўлимни бошқаришга ўтди. У уч йил ичида компаниянинг барча раҳбар ходимлари билан мулоқот қилиб чиқди.

Вице-президентлардан бири Биллинг бу ҳаракатларини юқори баҳолади. У Билли ўзининг бўлимига чақириб, янги иш таклиф қилди. Йигит рози бўлди ва барча рақобатчиларини дўгда қолдириб, юқори ҳалқадаги менежерлик лавозимини эгаллади.

### **Касаба ўюшмалари фаолиятида қатнашинг**

Саманта Американинг энг машҳур компанияларидан бирида ишларди. У ўзи ишлаётган компаниянинг маркетинг бўлимидан кетишга қарор қилди. У рақобатчиларнинг кўплигидан ўсиш учун имконият йўқлигини тушунди. У курашдан воз

кечишдан аввал раҳбарнинг кўзига кўринмокчи бўлди.

Самантага бир гал компаниянинг апрель йиғилиши учун спикер (бошловчи) топишни топширишди. Бу вазифани у компаниянинг маркетинг бўйича вице-президентига юкламоқчи бўлди. Саманта у билан хеч қачон юзма-юз келмаган, раҳбар ҳатто унинг борлигини ҳам сезмаганди. Вице-президент унинг таклифига мамнуният билан рози бўлди. Шундан сўнг у икки марта тури масалалар бўйича Самантани ёнига чақирди.

Катта йиғилишда Саманта вице-президентнинг ёнида ўтирди ва уни аудиторияга танишитирди. Ўша вақтдан бошлаб қиз вице-президентнинг назарига тушди ва шутариқа ўз мартабасини ошира бошлади.

Компания назарига тушишнинг яна бир усули соҳага оид журналларга мақолалар ёзиб туришдир. Агар сиз ўз фаолиятингиз ҳақида мақола чоп этмоқчи бўлсангиз, компанияга тааллуқли айрим яширин жиҳатлар ошкор бўлиб қолмаслиги учун албатта раҳбарият билан маслаҳатлашинг. Кўп холларда мақолалар чоп этиш муаллифнинг раҳбарият олдидаги мавқеини оширади.

Раҳбарият эътиборини жалб қилишнинг яна бир усули сотувчи ва харидорларда яхши таассурот қолдиришдир. Агар сиз билан бирга ишлаётган ходим сизнинг раҳбарингизга фаолиятингиз ҳақида ташаккурнома ёки тавсифнома ёзиб юборса яна яхши.

Лаёқат ва маҳорат муваффақият гаровидир. Аммо натижага эришиш учун лавозимингизни ошириш имконига эга бўлган одамлар сизнинг лаёқатингиз ва маҳоратингиздан етарлича хабардор бўлишилари керак.

Кўзга кўриниш нафақат лавозимингиз ошиши учун, балки ишбилармон мухитда, жамоат ишларида ва бошқа ҳаётий соҳаларда янги имкониятларни қўлга киритишингиз учун катта аҳамиятга эга.

### **Шахсий реклама**

Кўзга кўринишнинг мақбул усулларидан бири ўз-ўзини реклама қилишdir. Ҳар гал сиз ходимлар, бошқа компаниядаги ҳамкасларингиз билан учрашув чоғида ўзингизнинг кимлигингиз, меҳнат бозорида қандай жиҳатларингиз билан ажralиб туришингизни кўрсатиб беринг.

Шахсий реклама жуда самарали. Реклама одамлар сизни эшитишлари ва эслаб қолишлари учун керак. Ҳар қандай реклама агенти креатив, шу билан бирга ҳаққоний реклама ахборотини тузиш бу қадар осон эмаслигини тасдиқлайди.

Сизнинг мақсадингиз аниқ образга кириб, бир дақиқада 150 дан ортиқ сўз ишлатмаган ҳолда ўзингизга бўладиган қизиқиши оширишдан иборат.

### **Шахсий рекламанинг мақсади**

Шахсий рекламанинг асосий мақсади ҳамсуҳбатингизда сиз ҳақингизда кўпроқ маълумот олиш истагини пайдо қилиш.

Ўйлаб топилган ва самарали ахборотдан хар қандай ҳолатларда – амалий йиғилишларда ҳам, жамоатчилик ва касаба уюшмалари йиғилишида ҳам фойдаланиш мумкин.

### Реклама ахборотини тайёрлаш

Сиз юқори бўғин раҳбари билан биринчи марта учрашяпсиз деб тасаввур қилайлик. У сизни эслаб қолиши учун унда ижобий тасаввур уйғотишиңгиз шарт. Эртами-кечки у сиздан нима иш қилишингизни суриштиради. Гарчи у билан битта компанияда ишласангиз-да, лавозимингизни айтишнинг ўзи кифоя килмайди. Вазифангиз нималардан иборатлигини санаш эмас, сизни бошқалардан ажратиб турадиган жиҳатларни кўрсатиб бериш.

Бунинг энг яхши усулларидан бири ўз ютуқларингиз ҳақида бир дақиқалик тақдимот тайёрлашdir.

Масалан, «мен кадрлар бўлими бошлиғининг ёрдамчиси бўлиб ишлайман. Ишим ўзимга ёқади ва ўз ижодий салоҳиятимни намоён этишимга имкон беради. Масалан, мен янги ишга келганлар учун тренинг ўтказиш тизимини йўлга кўйдим. Тренинг компьютер ўйини кўринишида ишлаб чиқилган. Ҳар бир янги ходим компьютер қарисида ўтириб, ишда юзага келиши мумкин бўлган муаммоларни ҳал этиш бўйича ўз қарашлари, нуқтаи назарини кўрсатиб беради. Ҳар бир машғул охирида янги ходимлар тест топширишади. Менинг ушбу дастурим янги хо-

димларни ишга тайёрлаш муддатини 30 фоизга қисқартиради.

Сиз бу тақдимотни аввал ёлғыз ҳолда машқ қилинг. Диктофонга ёзиб эшишиб күринг. Ҳаммаси табиий чиқиши керак. Тақдимотдаги сўзлар, жумлаларни қаршингиздаги одамнинг кайфияти, дунёқараши, муносабатига қараб ўзгартиришга тайёр туринг.

*Биз учун битта эшик  
ёпилганда иккинчиси очлади.  
Аммо кўпинча ёпилган эшикка  
армон билан шунчалик узоқ  
термилиб қоламизки,  
очилган иккинчи эшикни  
пайқамай ўтамиз.*

**Бенжамин Дизраэли**

### **Корпоратив сиёсат**

Кўпинча компанияларда бошқалардан ўзини юкорироқ кўрсатишга мойил одамлар пайдо бўлади. Ҳатто кичикроқ фирмада ҳам турили тактик усувларни қўллаб, мансабини ошириш учун раҳбарлар эътиборини жалб қилишга уринадиган одамлар ҳам учраб туради.

Ёш ходимлардан бундай баҳсларда иштирок этмаслик талаб этилади. То сиздан танлов сўралмагунча, улар билан бир гурухга тушиб қолманг. Тўғри, компаниядаги ҳар бир ходим эртами-кечми у ёки бу гурухга тушиб қолади. Гоҳида қайси гу-

рухга тушишни ходимнинг ўзи ҳам белгилай олмайди. Сиз раҳбарнинг бирор топширигини бажаришга киришар экансиз, ўз-ўзидан унинг тарафдорлари гурухига тушасиз. Агар бу гурух етакчи мавқега эга бўлса, сизнинг ошиғингиз олчи, гурух раҳбари сизни ўзингиз истаган лавозимга ўтишингизга ёрдам беради.

Агар сиз қўшилган гуруҳ ентилиб қолса, сиз ўсиш имконини қўлдан бой берасиз. Балки ишдан кетиш керак бўлиб қолар?

Гурухни танлаш – жуда қийин ечим. Яхшиси, имкон қадар бетараф томонда туринг. Ғолиблик позициясида қолиш учун имкон қадар компания ҳақида кўпроқ маълумот тўплашга ҳаракат қилинг. Сиз ғолибларга яқинлашиб, ўзингиз учун қулай муҳитни яратасиз. Омадсизларнинг ортидан бориб, ўзингиз ҳам улар сафига тушшиб қоласиз.

Кўп компаниияларда йиллар давомида бирор гуруҳ ютмайди ҳам, ютқазмайди ҳам. Шу боис, барча ходимлар билан бирдек муомала қилинг. Ходимнинг бир гурухдан иккинчи гурухга ўтиши унинг ҳар икки тарафдаги мавқеига путур етказиши мумкин.

### **Рақобат**

Мансаб учун курашар экансиз, ўзингиз ишлаётган ёки ёндош бўлимлардаги ходимлар билан рақобатлашишингизга тўгри келади. Мансабингиз ошгани, бўш

иш ўринлари қисқаргани сари рақобат ҳам кучаяверади.

Хизмат поғоналаридан илгарилар экансиз, ким билан рақобатлашишингизни ҳамиша билишингиз керак. Рақибларингизнинг имкониятларини холисона баҳоланг ва улардан ўзиб кетиш учун ҳаракат қилинг.

*Муваффақиятга эришиш  
учун мұхими – бошлаш.*

*Бошлаш учун эса бош  
мақсадни кичикларига бўлиб  
чиқиш ва биринчисидан  
бошлаш керак.*

**Марк Твен**

Оилавий бизнесда юқори лавозимларга фақат шу оила аъзоларидан тайинланади. Ҳар бир ташкилотда раҳбарларнинг эътиборини жалб эта олган «эркатой»лар бўлади. Уларнинг илгарилаш имконияти ҳам кўпроқ. Агар сиз шундай вазиятга тушиб қолган бўлсангиз, сиз учун имкониятлар анча чекланган. Сиз бу рақобатни енгиб ўта оламан деб ўйласангиз, унда курашни давом эттиринг.

Аввало рақибларнинг тактикаларини ўрганинг. Ҳамма ҳам кураща ҳалол рақобат усулларини қўллайвермайди, шу боис орқадан тушадиган зарбаларга хушёр бўлинг.

Гарчи баъзи одамларга бу тактика ёрдам берса-да, тажрибали раҳбарлар бундай ходимларни яхши билишади ва қаттиқ танқид остига олишади. Шу билан бирга,

рақиблар сизни ҳамкаслар ва раҳбарлар олдида қоралашга, обрўсизлантиришига ва шу орқали ўзларини яхши кўрсатишга уринишади.

Келинг, улар билан курашдаги энг гиром усулларни кўриб чиқайлик:

*Тұхматчилар.* Улар сизнинг ҳар қада мингизни пойлашади. Бирор хатога йўл кўйсангиз, бу ҳақда албатта раҳбариятга чақишишади. Улар сизнинг ҳар бир мағлубијатингиздан қувонишади. Шу боис, сиз имкон қадар ўз ютуқларингизни кўпроқ намоён этинг, токи камчиликларингиз уларнинг панасида колиб кетсин.

*Нигилистлар.* Улар сизнинг ҳар бир ғоянгиз, таклифларингизни дикқат билан эшишишади. Улар асосан оммавий мухокамаларни кутиб юришишади ва ўша пайтда ишга киришишади. Улар сизнинг камчиликларингизни қидиришишади ва ижобий жиҳатларингиз кўп бўлса-да, салбий хуласалар чиқаришишади. Нигилистлар муқобил қарорлар чиқаришмайди. Уларнинг мақсади сизни имкон қадар аҳмоқона қўринишга мажбур қилишдир. Агар уларнинг хужумига тайёр бўлмасангиз, раҳбарият кўз ўнгида ёмон кўриниб қоласиз. Эҳтимол, кейинчалик ўзингизни оқлаб оларсиз, аммо етакчилик мақомини қўлдан бой берасиз. Сиз ўз ғояларингизни ҳиссий жиҳатдан эмас, ақл билан ечишингиз керак. Нигилистлар сизни раҳбариятнинг эътиборидан узоқлатишини исташади.

**«Чаққон»лар.** Улар нигилистлардан фарқли ўлароқ, сиздан камчилик қидиришмайди. Балки сизнинг ғоя ва ютуқларингизни сохта усуллар билан бўлса-да, ўз ҳаракатлари соясида қолдиришни исташади. Масалан, сиз таниқли юлдузлар иштирокида реклама акциясини ишлаб чиқдингиз. «Илгор» рақибларингиз бу ғояни дарров илиб олишади ва сиз танлаган юлдуздан ҳам таниқлироқ бошқа бир санъаткор иштирокидаги акция лойиҳасини раҳбарларга тақдим этишади.

**«Чаққон»ларни енгиш учун улар киритган «тузатиш»ни мұхокама қилинг.** Агар уларнинг иши түгри бўлса, сизнинг лойиҳангиздаги иштироки учун уларни қўллаб-қувватланг. Агар тузатиш мантиқсиз бўлса, сиз олдиндасиз!

**Лаганбардорлар.** Бунақалар ҳар бир компанияда учрайди. Айрим раҳбарлар мақтовни ёқтиргани учун атрофида шундай кимсалар бўлишини исташади. Аслида раҳбарга «пахта қўйиб» мансабини оширадиган одам ҳар доим, ҳамма жойда бўлган. Улар раҳбарни мақташ учун асос топа оладилар, унинг фикрини маъқуллайдилар, сўзларини тўтиқушдай тақрорлайдилар.

Бундай одамларни енгиш осон эмас. Аввало сиз раҳбарга мақтов ёқиши-ёқмаслигини ўрганинг. Айрим раҳбарлар сиртдан лаганбардорларга илтифот кўрсатиб туришса-да, ичларидан уларни жуда ёмон кўришади. Сиз ҳеч қачон лаганбардор бўлманг.

Ҳақиқий раҳбар ким ростини гапиряпти, ким «пахта қўйяпти», дарров билиб олади. Раҳбарнинг фикрини доим холис баҳоланг ва ўз мулоҳазангизни очиқ билдиринг.

Рақобатчиларни енгиб ўтиш учун уларнинг характеристини ўрганинг ва шунга яраша ҳужумга шайланинг. Сиз ўз вазифаларингизни ўз вақтида бажариб, буни раҳбариятга кўрсата олсангиз, бу сизнинг энг катта ютуғингиз.

### **Фаолият натижаларини баҳолаш**

Хизматда ўсиш имкониятини берувчи мухим омиллардан бири фаолият натижаларини баҳолашдир. Одатда ҳар бир ташкилотда раҳбар йиллик аттестация ўтиказиб туради.

*Меҳнат бозорида талаб ва  
таклиф қонуни ишилайди. Сиз  
— товарсиз. Сиздайлар эса,  
миллионта. Ажралиб туришга  
ҳаракат қилинг.*

**Меган Пители,  
профессионал тренер**

Ходимларнинг катта қисми ана шу синов олдидан қўрқиб туришади. Сиз бу қўрқувдан қочиш учун аттестацияга жиддий тайёргарлик кўринг.

## **Ўз фаолиятингизга мустақил баҳо беринг**

Раҳбар билан учрашишдан олдин ҳисоб давридаги ўз фаолиятингиз натижалари-ни холисона баҳоланг.

## **Ютуқлар рўйхатини тузинг**

Хронологик журнал ва сақланиб қолган қайдлардан фойдаланиб, йил бўйи эришган ютуқларингиз рўйхатини тузинг. Унга сиз ишлаётган бўлим ривожи учун қилган барча ишларингизни киритинг. Сиз йигилишлар пайтида билдирган ва қабул қилинган қарорларни ҳам эслатиб ўтинг. Албатта, бу ютуқлар раҳбариятнинг назаридан четда қолмайди.

## **Ўз камчиликларингиздан куз юмманг**

Ҳеч ким мукаммал эмас. Эҳтимол, сиз ҳам қаердадир хатога йўл қўйгандирсиз? Қайсиdir ишни самарали битириш мумкин бўлгандир? Махсулдорликни ошириш йўллари ҳақида ўйланг ва уларни раҳбарият билан муҳокама қилиш учун тайёр бўлинг.

Балки маълум бир техник жараёнларни яхши баҳолай олмассиз. Аттестация пайтида раҳбарлар айнан шу камчиликка эътибор қаратадилар. Шу боис, сиз бу муаммони бартараф этиш учун ҳозир нима иш қилаётганингизни асосли тарзда тушунтириб беринг.

## **Резюме**

- Ўзингиз ишлаётган мухитдаги ҳамма имкониятларни ўрганиб, шахсий мақсадларингизни таҳлил қилиб чиқинг.
- Агар сиз ўзингиз ишлаётган компаниядан қониқсангиз, бироқ ўзингиз ишлаётган бўлимда ўсиш имкониятини кўрмасангиз, бошқа бўлимга ўтишга ҳаракат қилинг.

*Аттестация – икки ёқлама жараён. Раҳбар ва ходим унга худди фаолият давомида эришилган ютуқларни таҳлил қилиши ва келгусида уни янада яхшилаш режасини тузиш учун имконият деб билиши лозим.*

### ***Скотт Вентрелла, ёзувчи ва маслаҳатчи***

- Агар бошқа бўлимга ўтиш ёки ўсиш имкони мавжуд бўлмаса, маошингизни ошириш йўлларини ўйланг.
- Илгарилаш учун имкониятларни оширай десангиз:
  - ўз ишингиз устасига айланинг ва истеъододингизни намоён этишининг барча усулларини қўлланг;
  - мулоқотнинг аъло кўникмаларини, раҳбарлик сифатини, аудитория олдида чиқиш хусусиятларини кўрсатинг;
  - раҳбаријат кутганидан ортиғини кўрсатинг. Режаларни ошириб бажаринг, бюджет маблағларини тежанг, муаммоли саволларни тезкорлик билан ечинг;

- ўрганиш ва ўқиши учун ташналигинизни кўрсатинг;
- тажриба ва малаканлизни ошириб боринг;
- малака ошириш машғулотлари курсларига қатнашинг;
- компания ичидаги сиёсий бўлининшлар ва гурухбозлиқдан қочинг;
- ҳар қандай лавозимдаги ходимлар билан ишлашни ўрганинг;
- ўзингиз интилаётган лавозим ҳақида имкони борича кўпроқ маълумот тўпланг;
- умумий йигилишларда кўпроқ амалий таклифлар билан ўзингизни кўрсатинг;
- соҳага оид журналларни ўқиб туринг ва фойдали мақолаларни раҳбариятга ҳамда ходимларга тавсия қилинг;
- касаба уюшмлари тадбирларида қатнашиб туринг;
- маҳсус нашрларда ўз мақолаларингиз билан қатнашиб туринг;
- инновацияларда, иш юзасидан пайдо бўлган янгиликлардан хабардор бўлинг;
- агар харидор, сотчи ё, етказиб берувчи ёки мижоз сизнинг ишингиздан хурсанд бўлса, бу ҳақда раҳбариятга ташаккурнома юборишини сўранг;
- сизнинг ваколатинизга кирмаса ҳам, корхона фаолияти учун зарур бўлган, раҳбариятнинг кўзи турига итсан ишлар билан шуғулланиб туринг;
- ҳар йиллик аттестацияга тайёр туринг. Ўз ютуқларингиз рўйхатини тузиб боринг, камчиликлардан чўчиманг;
- сабрли бўлинг. Мансабингиз бир кунда ошиб қолмайди.

## ЕТТИНЧИ БОБ

### ЯНГИ ИШ ҚИДИРИШ ВАКАНСИЯЛАР МАНБАИДИР

Аввалги иш жойини йўқотиш иш қидириш заруратини келтириб чиқаради. Замонавий иқтисодий шароитларда оммавий ишдан бўшатишлар кам эмас, шу боис сиз кутилаётган компания қайта ташкил қилиниши ва қисқартирилишга тайёр бўлишингиз керак.

Бир томондан сиз ишларнинг кундалик ҳолати ва юқорилаш истиқболлари (еттинчи бобда батафсил берилган)ни баҳолаб туриб, хизмат поғонасидан ўсиш имкониятлари чеклангани туфайли бошқа компанияга ишга ўтиш қарорини қабул қилишингиз мумкин. Диққат! Ишни ихтиёрий алмаштириш – жиддий ва қийин қадам. Янги иш қидиришга киришидан аввал, қуйидаги жиҳатларни ҳисобга олган ҳолда дастлабки таҳлилни ўтказинг:

- иш жойи ва компаниядаги ишларнинг кундалик ҳолатини баҳоланг. Иш алмаштиришга аниқ асос борлигига ишонч ҳосил қилинг;
- хеч қачон фақат ҳис-туйғулар сабабли ишни ўзгартирманг. Агар сиз ишдан фақаттинга раҳбар ёқмаётгани учун кетишини хоҳлаётган бўлсангиз, ҳақиқатан ҳам бу

ёкимсиз туйғу ушбу компаниядаги барча ютуқлардан ҳам устун келадиган даражада кучилигі ҳақида ўйлаб күринг. Биринчи навбатда турдош бўлимга ишга ўтиш вариантини кўриб чиқинг;

- ҳеч қачон қараашлар тўғри келмаёттани учун ишдан бўшаманг ва ишдан бўшашиб ҳақида дағдага қилманг. Тўғри келадиган вакансия бўшамагунча аввалги жойингизда қолинг. Ишни сақлаб қолиш молиявий ва руҳий хотиржамликни таъминлабгина қолмасдан, маъқулланади ҳам.

*Таваккал қилишдан  
қўрқмайдиганлар ҳаммадан  
олдинда бўладилар. Бўрондан  
қўрқкан қайиқ қирғоқдан узок  
кетмайди.*

*Дейл Карнеги*

### **Иш қидиришга киришишта тайёрланиш**

Иш қидириш – пухта тайёргарликни талаб қилувчи кенг кўламли тадбир. Бизнинг давримизда яхши ишни тасодифан топиш мумкин эмас. Иш қидиришни сиз ўз қобилияtlарингизни салоҳиятли иш берувчига сотишингиз мумкин бўлган савдо компаниясидай кўринг. Тайёргарликка:

- профессионал даражанинг пухта тахлили: сиз иш берувчига нима таклиф қила оласиз;
- вакансия манбалари рўйхатини тузиш;

- самарали резюме ёзиш;
- интервьюга тайёргарликни киритиш.

Уибү бобда дастлабки икки банд кўриб чиқилади, қолганлари саккизинчи бобда очиб бериллади.

### **Вакансия қидириш**

Компаниянинг ўз сайти бўлган тақдирда ҳам иш қидиришни салоҳиятли иш берувчи сайтини ўрганишдан бошламаган маъқул. Чунки вакансиялар рўйхати одатда бир ва бир нечта ихтисослашган сайтларга жойлаштирилади. Виртуал реклама хабарлари газеталардаги эълонлардан кўра анча тўлиқ маълумот берганлиги учун иш берувчи ва қидирувчилар уларни маъқул кўрадилар. Муносиб вакансияларни танлаб қўшимча маълумот олиш учун

*Ғалаба қозониши ва  
ишли бўлиш учун жиддий  
тайёргарлик кўришга тўгри  
келади. Агар сиз бир мураккаб  
синовни бир нечта бажариш  
мумкин бўлган синовларга  
бўлиб ташласангиз, тезроқ  
ҳаракатни бошлишингиз ва  
муваффақиятга  
эришишингиз мумкин.*

**Кевин Донлин,  
Минеаполеснинг  
машҳур нотиги**

тўгридан-тўғри иш берувчига мурожаат килиш мумкин.

### **Резюмени сайтта жойлаштириш**

Резюмени ихтисослашган сайтга жойлаштириш иш қидиришнинг жуда самарали усули ҳисобланади. Яъни, иш қидирувчиilar вакансиялар рўйхатини кўраётган бир пайтда иш берувчилар ҳам номзодларнинг резюмеларини ўрганаётган бўладилар.

Ёдда тутинг, иш берувчи томонидан резюмеингиз кўриб чиқилишининг ягона йўли бу уни топишдири. Шу боис, бошқа резюмелар ичидан сизникини топиши ва ажратиб олиши учун унда калит сўз ҳамда жумлаларни қўлланг. Бундай калит сўз лавозим номи ҳисобланади. Шундай бўлсада, бу сўз одатда умумий маънода қўлланилади ва аниқ бир компанияга йўналтирилган бўлади. Агар сиз резюмеда «менежер» сўзини кўрсатган бўлсангиз, унда бу сўз барча йўналишдаги менежер тоифасига тушиб қолади. «Ишлаб чиқариш менежери», «эркаклар кийими менежери» ёки «ўқитиши ва ривожлантириш менежери» каби номни аниқ киритиб қўйинг.

«Компьютер бўйича мутахассис» ўрнига «дастурий таъминот ишлаб чиқиши бўйича мутахассис» ёки «молиявий тизимлар тахлилчиси» деб ёзинг.

Резюметга сизнинг билим ва тажрибангиз даражасини акс эттирувчи жумлаларни қўшинг. Компьютер бўйича мутахассис ишда қўллайдиган дастур ва тизимлар

рўйхатини тузиши; кадрлар танлаш бўйича мутахассис фаолиятнинг муҳим соҳаларини айтиши; савдо вакили («йирик озиқовқат магазинлари» ёки «саноат ишлаб чиқарувчилари») каби бозор хусусиятларини кўрсатиши мумкин.

Резюмеингизни кўриб чиқсан иш берувчи сиз билан телефон ёки почта орқали боғланишини хоҳлайди. Сизни сұхбат учун чақириш ёки чақирмаслик ҳақида қарор қабул қилишдан аввал компания вакилига одатда қўшимча маълумот керак бўлади. Сўровга жавоб беришдан аввал, компания сайтини пухта ўрганиб чиқинг ва унинг фаолияти тўғрисида имкон борича кўпроқ маълумот йиғингт. Бу сизнинг сұхбатта тайёргарлик кўришингизга ёрдам беради.

### **Муайян ишта ёллаш эълонлари**

Иш қидиришнинг яна бир услуби – газета ва журналлардаги муайян ишни бажаришга ёллаш ҳақидаги эълонларни кўриб чиқиш.

Шундай бўлса да, эълонларни кўриб чиқиб, сизнинг талабларингизга мос кела-диганларига жавоб бериш керак.

Кичик бўлса ҳам ҳар бир шаҳарда вакансиялар кўрсатилган ҳеч бўлмагандан битта газета чоп этилади. Бундан ташқари, кўплаб нашрлар раҳбарлик ва техник лавозимларга вакансияларни тадбиркорлик ва молияга оид саҳифаларда чоп этадилар.

Маҳаллий газетадаги эълонлар – вакансияларнинг ягона манбаи эмас. Муайян ишни бажаришта ёллаш ҳақидаги эълон-

лар чоп этиладиган ихтисослашган тармоқ нашрлар ҳам мавжуд.

Матбуотдаги күплаб эълонлар «аноним» хисобланади, яъни ишга ёлловчи-компаниялар кўрсатилмайди. Бундай ёндашув бир қатор сабабларга кўра фойдаланилади. Биринчидан, раҳбарият ўз ходимлари ўрнини алмаштираётгандарини билишларини ҳоҳламайди. Иккинчидан, улар иш қидирувчиларнинг сон-саноқсиз қўнғироқларига жавоб беришни ҳоҳламайдилар. Ниҳоят улар дўстлар, қариндошлар, мижозлар муружаат қилишидан, шунингдек, малакасиз номзодлар билан мулоқот қилишдан ўзларини олиб қочадилар.

Агар сиз айни дамда ишсиз бўлиб ва иш қидираётган бўлсангиз, аноним эълонларга муайян ишни бажариш ҳақидаги эълонларга дадил жавоб бераверинг. Агар йўқ бўлса, бундай эълонга жавоб беришни ўйлаб кўринг, чунки ишга ёлловчи ролида сиз ишлаётган компаниянинг ўзи бўлиб чиқиши мумкин.

Агар эълондаги изоҳ сиз ишлаётган компанияни эслатса, бу аноним иш беरувчи вакансиясини эътиборсиз қолдирганингиз маъқул. Албатта, эълонда ёғочни қайта ишлаш соҳасидаги вакансия кўрсатилган бўлса-ю, сиз эса пиво ишлаб чиқариш заводида ишласангиз, хавотирга ўрин йўқ. Агар ишга ёлловчи компания фаолият тури аниқ кўрсатилмаса, ушбу эълонга эътибор бермаган маъқул.

Агар вакансия изохида иш берувчи компания номи кўрсатилган бўлса, енгил нафас олишининг мумкин. Одатда нуфузли компаниилар одамларни ишга жалб қилмоқчи бўлганда эълон остига «имзо» чекадилар.

Аноним ёки имзо чекилган бўлса ҳам муайян ишни бажариш ҳақидаги эълон матнини дикқат билан ўқиб чиқинг. Компания бўлажак ходимга кўяётган талабларни кўриб чиқинг. Агар сизнинг резюмеингиз ушбу талабларга жавоб бермаса, тегишли профессионал тажрибангиз ва муваффақиятларингиз кўрсатилган алоқа хатини кўшиб қўйинг. Алоқа хатингиз зарур маълумотлар бандма-банд кўрсатилган тарзда қисқа бўлиши керак. Барча асосий маълумотлар резюмеда акс этиши керак.

*Кулнинг битта хўжайини  
бўлади. Ўзига шонгган  
одамнинг олдинга қараб  
юришига оз бўлса-да ёрдам  
бериши хоҳловчилар бўлгани  
учун ўша одамнинг хўжайини  
кўп бўлади.*

***Жан де Лабрюйер,  
француз эссеchиси***

### **Кадрлар агентликлари**

Кадрлар агентлиги билан самарали ҳамкорлик қилиш учун уларнинг қандай ишлаши ва улар ёрдамида ижобий натижаларга қандай эришиш мумкинлигини тушуниб етиш мухим.

Биринчи навбатда агентлик сизни қи-зиқтираётган лавозимлар бўйича иш қи-дирувчилар билан ишлашини билиш ке-рак. Сиз фаолият қўрсатаётган соҳадаги ёки сизнинг иш ҳақингиз даражасидаги вакансияларни камдан-кам чоп этадиган агентликка ариза бериш бефойда.

Келажаги порлоқ агентликни топгач, у ерга боринг ва ходимлар билан шахсан ўзингиз сухбатлашиング. Бу улар талабла-рингизни тўлиқ тушуниб етган-етмагани ҳамда манфаатларингизни муносиб ифо-далайдиган даражада тажриба ва маҳо-ратга эга эканини билишингиз учун керак. Агентликда алоҳида консультант тайин-лашади. Бу одам меҳнат бозоридаги ва-зиятни яхши билади ва мавжуд вакансия-лар ҳақида фойдали маълумотни тақдим этади. У сизнинг резюмеингизни кўриб чиқади ва уни такомиллаштириш бўйи-ча тавсиялар беради (бунга тайёр бўлинг). Агар сиз маълум бир лавозимга талабгор бўлсангиз, консультант сизга ишга ёллов-чининг аниқ талабларига мос резюме ту-зишга ёрдам беради.

### **Кадрлар агентлиги билан ҳамкорликдан максимал фойда олиш**

- Консультантта кутаётган натижала-рингиз ҳақида очик ва рўй-рост гапириб беринг.
- Консультантдан меҳнат бозоридаги имкониятларингизга холисона (объектив) баҳо беришини сўранг.

- Кадрлар агентлиги ходимлари турли географик худудлардаги ойлик маошлар ва тұловлар күламини яхши билиши ва таҳлил қила олишини назарда туting.
- Сизнинг ҳамкорликка қизиқаётганингизга ишонч ҳосил қилиши учун консультант билан мунтазам алоқани сақланг.
- Сизни салоҳиятли ишга ёлловчига биритиришишгандан сүнг агентликни воеалар ривожидан хабардор қилиб боринг. Бу ишга қабул қилинаётганингизда бир нечта сұхбатдан ўтишга тұғри келиб қолса мухим хисобланади. Бундай ҳолатда сиз ва иш берувчи билан алоқани яхши ушлаб турған агентлик ходими навбатдаги мұлоқотдан мұваффақиятли ўтиш учун маслаҳат берипши ёки маълумот тақдим этиши мүмкін.

Нечта агентлик билан ҳамкорлик қылған маъқул? Фақат битта билан чекланиш мақсадға мувофиқ әмас, шунингдек, ҳаммасига бирданияға ариза бериш ҳам мантиқсизлік дір. Барча агентликларнинг реклама эълонларини ўрганиб чиқинг ва сизнинг фаолият туриңгиз ҳамда талабларингиз даражасига тұғри келадиганларини танланг.

*Күп ҳолларда агентликлар билан ҳамкорлик қылувчи команиялар ходимлар бўлимлари раҳбарлари, салоҳиятли иш берувчилар, ишбилиармен шерикларга яхши вариантын тавсия қиласидилар. Бундай мутахассислар билан вақт ва асабингизни тежааш учун маслаҳатлашиб олинг.*

## **Бошқарув ходимларини белгиловчи мутахассислар**

Агар сиз йилига 100 минг доллардан ортиқ маош тўланадиган иш қидираётган бўлсангиз, бошқарув ходимларини белгиловчи мутахассисга мурожаат қилинг. Бундай мутахассислар гурухи саноат ёки фаолият турининг маълум тармоғи иш берувчилари билан тўғридан-тўғри ишлашади. Бошқарув ходимларини белгилов-

*Ҳар бир инсон ҳозирда  
ёки келажакда сизнинг аниқ  
амалий алоқангиз ҳисобланади,  
шу боис ўзингиздан кейин  
кўйприкни ёқиб юборманг.*

***Сьюзан Б.Джонс,  
профессионал тренер***

чи мутахассислар мавжуд вакансияларни камдан-кам намойиш қиласидилар. Улар салоҳиятли номзодларни қидириш билан шугулланадилар ва номзодлар билан тўғридан-тўғри алоқага чиқадилар. Улар мурожаат қиласидиган кўплаб номзодлар яхши иш жойига эгалар ва уни алмаштиришни ўйлаб ҳам кўрмайдилар. Бошқарув ходимларини белгиловчи мутахассисларнинг асосий мақсадлари ишга ёлловчининг талабларини қондириш бўлгани учун улар ўзларининг шахсий маълумотлар базаси асосида ишлайдилар ва ишсизлар билан камдан-кам ҳамкорлик қиласидилар.

Сизни қизиқтираётган соҳадаги иш доирасида банд бўлган агентларга резюменгизни тарқатиб чиқинг. Иш ҳақи даражаси, кўчиб ўтиш эҳтимоли ва бошқа талаблар акс этган қисқа алоқа хатини ёзинг. Агент сиз билан шахсан кўришишни истамаслиги, аникроғи, хатингизни маълумотлар базасига киритиб қўйиши мумкин. Талабларингизга жавоб берувчи вакансия пайдо бўлгандагина агент сиз билан боғланади.

Ишга ёлаш мутахассисига қўнғироқ қилиш бефойда. Агентнинг собиқ иш берувчи билан учрашув ташкил қилиб беришингизни истаб қилган мурожаати ушбу қоиддан мустасно бўлиши мумкин. Бундай мулоқот сизнинг ишга жойлашишингиз имкониятларини кенгайтиради. Аксарият компанияларда иш қидирувчиларнинг ихтисослашуви жамланган марказлашган файллар тизими мавжуд.

### **Бандлик масалалари бўйича консультантлар**

Бошқарув ходимларини белгиловчи мутахассисларни бандлик масалалари бўйича консультантлар билан адаштирманг. Консультантлар иш қидирувчидан маълумот ва иш тажрибаси даражасини баҳолаш киритилган ўз хизматлари, профессионал резюмени тузиш, тўғридан-тўғри почта орқали тарқатиш компаниясини ташкил қилиш ва бошқа кўплаб нарсалар учун ҳақ оладилар. Шундай бўлса-да, бандлик масалалари бўйича консультант-

нинг иштироки реал ишга жойлашишга олиб келишига ҳеч қандай кафолат йўқ. Консультантлар ўз хизматлари учун сизга қайтариб берилимайдиган бир неча юздан бир неча минг долларгача оладилар. Улар сизга ушбу китобда бепул баён қилинган тавсиялар ва ўзингиз амалга оширишингиз мумкин бўлган ишларни таклиф қилишлари мумкин, холос. Ундан ортиғини эмас...

### **Тўғри йўл**

Баңдлик масалалари бўйича консультантлар фақатгина алоҳида иш қидирувчилар билан эмас, балки ишдан бўшаган ходимларини ишга жойлаштиришга ҳаракат қилаётган компаниялар билан ҳам ишлайдилар. Ушбу ҳолатда агент хизматлари учун тўловни корхона амалга оширади. Бу иш қидирувчи учун манфаатлидир. Бироқ консультант билан ҳамкорлик қилиш ишга жойлашишингизда ёрдам беришига бари бир ҳеч қандай кафолат йўқ. Шунинг учун иш қидиришнинг бошқа усулларини ҳам кўриб чиқишига тайёр бўлинг.

### **Интернетдан иш қидириш мақсадида фойдаланиш**

Ишга ёлловчи интернетдан кўпроқ маълакали ходимларни топиш мақсадида фойдаланади.

## Компания сайти

Интернет пайдо бўлиши билан иш қидирудувчиларга ўзлари иш топишни хоҳлаган компанияларни ўрганиш осон бўлиб қолди. Салоҳиятли иш берувчининг расмий сайтига албатта ташриф буюинг. Шунингдек, ушбу ташкилот фаолияти ҳақидаги ижобий ва салбий муносабатларни ўқиб чиқинг. Товарлар ва хизматлар рўйхати билан танишинг ҳамда вакансияларни кўриб чиқинг.

Минглаб рекрутер (ходимларни танлаш бўйича консультант)лар орасида сўровнома ўтказилганда, улар янги ходимларни айнан интернет орқали топишлари маълум бўлган. Ва бу жараён геометрик ривожланиш билан ўсиб бормоқда. Кўплаб ташкилотлар вакансиялар тақдим этилган веб-саҳифаларни ташкил этади. Компаниянинг бош саҳифасига «вакансия» сўровини киритинг. Ташкилотнинг расмий сайтига одатда унинг йўналиши ва истиқболлари ҳақида батафсил маълумот киритилади. Виртуал эълон газетадагидан фарқли ўлароқ ҳажм ва формат жиҳатидан чекланмайди ҳамда компания номзодларга қўяётган талаблар, бераёттан имтиёзларни тўлиқ тақдим этиш имконини беради. Агар вакансия тафсилоти сизнинг профессионал даражангиз ва шахсий талабларингизга мос келса, сиз шу заҳотиёқ компания вакили билан телефон ёки электрон почта орқали боғланишингиз мумкин. Бун-

дан ташқари, сиз иш берувчи талабларига айнан жавоб берадиган бандларни янада аник қилиб резюме тайёрлашиңгиз мүмкін. (Резюме ва алоқа хатини тайёрлаш қоидалары саккизинчі бобда батағсил ёритилған.)

Айни дамда компания сайтида сизни қириқтирувчи бирорта ҳам вакансия бўлмаган тақдирда ҳам, сиз келажак учун фойдали маълумотни топишиңгиз мүмкін.

### Ижтимоий тармоқлар

Сўнгти ўн йилликларда ижтимоий тармоқлар кундалик ҳаётнинг ажралмас қисмига айланиб улгурди. «Facebook», «LinkedIn» ва «Twitter» номзодлар учун энг фойдали тармоқлардир.

«Facebook»да қанча одамлар билан дўстлашишингиз мүмкинлигини бир ўйлаб кўринг. Эллик? Юз? Беш юз? Энди уларнинг ҳар бирида қанчадан дўст борлигини тасаввур қилинг. Оддий арифметика лол қолдирувчи натижани беради – минглаб алоқалар! Бу алоқаларнинг барчаси «дўстлар» дея таснифланса-да, уларнинг ҳар бири иш қидиришда фойдали бўлиши мүмкін. Дастреб «Facebook»даги дўстларнинг рўйхати ва уларнинг боғланиш манбаларини ўрганинг. Сиз ишга жойлашмоқчи бўлган компанияда улардан бирининг қариндоши ишлаши мүмкін. Ўша компаниядаги керакли одам билан боғлашни илтимос қилиб сўраган хабарингиз муваффақиятга эришиш имкониятини маълум даражада оширап балки?!

«LinkedIn» ишбилиармон ижтимоий тармоқ сифатида фаолият күрсатыб турған бир пайтда «Facebook» асосан шахсий мулоқот билан намоён бўлади. Агар сиз «LinkedIn» иштирокчиси бўлмасангиз, рўйхатдан ўтинг ва профил (ўзингиз ҳақингиздаги ихчам маълумот ёки ташриф қоғоз)ингизни ташкил қилинг. «LinkedIn»даги профиль салоҳиятли иш берувчи фойдаланиши мумкин бўлган профессионал резюме ҳисобланади. (Босма резюмеингизда «LinkedIn»ни албатта кўрсатиб ўтинг.) Профилни ташкил қилгач, собиқ ҳамкаслар, курсдошлар, синфдошлар билан алоқани ўрнатинг. Ҳар алоқа қўшилганда тизим автоматик равишда бир нечта янгисини таклиф қиласди. Ҳар бир алоқани дикқат билан текширинг ва фақат муҳим ёки зарурларини қўшинг. Қисқа муддатда сизнинг шахсий алоқала-рингиз тармоғи юз ёки мингтacha ортади. Сиз уларнинг қандай ташкилотларда ва ким бўлиб ишлашларини аниқланг. Кўп-лаб иш берувчилар «LinkedIn»да вакансиялар рўйхатини жойлаштиришади ва корпоратив янгиликлардан хабардор қилиб боришади. Сиз, шунингдек, компания таҳлилчилари билан форумда мулоқотда бўлиш имконига эга бўласиз.

«Twitter» иш қидирувчилар учун яна бир фойдали манба ҳисобланади. Унга бир юз қирқта белги қолдириш мумкин бўлган шахсий янгиликлар блоги сифатида муносабатда бўлинг. Сиз мухокама

мавзусини эълон қилингиз билан унга бошқа иштирокчилар қўшилади. Агар «Twitter»дан иш юзасидан фойдалансангиз, сизга керакли одамлар аҳамият беришиади. Оқибатда сизга вакансиялар акс этган маълумотларни тақдим этишлари ва профессионал ривожланиш юзасидан бошқа имкониятларни таклиф қилишлари мумкин.

Ижтимоий тармоқлар иш қидириш стратегиясини белгиловчи ягона йўл эмас. Хизмат погонасидаги ўсиш ўз қобилият кўникмаларини мунтазам таҳлил қилиб боришни, иш юзасидан фойдали алоқаларни доимо қидиришни, профессионал такомиллашувни стратегик ўрганиб боришни тақозо қиласди. Зарур ўзгартиришларни киритиб бориш учун вақти-вақти билан ўсиш суръатингизни баҳолаб боринг. Ишбилармон дунё жуда тез ўзгариб боради. Шу боис, ижтимоий тармоқлардан самарали фойдаланиш талабгорлар орасида биринчи бўлиш ва профессионал ўсишни таъминлайди. Сизнинг сахифангизни кўздан кечирадиган одамлар сонини қисқартириш ҳақидаги огоҳлантиришга қарамай, сизнинг хабарингизни салоҳиятли иш берувчи ўқиши мумкинлигини инобатта олиб, сизнингча у билиши шарт бўлмаган маълумотни ёзманг.

## Профессионал маълумотлар алмашинуви

Нуфузли вакансияларнинг қанчалар кўплигини кадрлар агентлиги ҳам, ходимларни танлаш мутахассислари ҳам билишмайди. Ходимларни танлаш бўйича консультантлар одатда ҳар йили бўшайдиган кам фоиздаги вакансиялар билан ишлашади. Компания раҳбариятининг бир қисми номзодларни фаол қидириш билан шугулланмайди, аммо уларнинг кундалик ёки келажақдаги ишончини оқлашга мос одамларга қизиқиш билдиради. Айрим компаниялар кенгайиш ёки қайта ташкил қилишни режалаштиришда ходимларни қидириш билан шугулланмасаларда, уларнинг эътиборини жалб қилган одамларни сухбатдан ўтказадилар. Баъзида компания вакили юксак профессионал сифатларга эга одамни топганда, айнан ўша ходим учун алоҳида лавозим ташкил қиласди.

Компанияда ўта муҳим лавозим бўшаганда раҳбарлар сиз худди яхши тиш шифокори, автомеханик ёки юристни қидирганингиздек улар ҳам шу лавозимга мос келадиган ходимни қидирадилар, яъни дўстлар ва ҳамкаслардан кимнидир тавсия қилишларини сўрайдилар.

Сизни раҳбарларга тавсия қилиши мумкин бўлган одамлар билан танишиб, улар доирасини кенгайтириб борар экансиз, рақобатчиларингиз орасида имтиёз ортирасиз. Шахсий мулоқот чегара билмай-

ди. Сиз мuloқотда бўлаётган ҳар бир одам сизни яна бир нечта одам билан таништириши мумкин. Доирангиз қанча кенгайгани сари сизда иш топиш имконияти шунча юқори бўлади. Билишингиз мумкин бўлмаган вакансия ҳақида сиз шахсий мuloқот орқали хабардор бўлишингиз мумкин.

### **Амалий мuloқотларни кенгайтириш**

Амалий мuloқотни кенгайтиришнинг бир нечта усули бор. Сиз алоҳида фаолият соҳаси, аниқ географик худуд билан чекла-нишингиз ёки ҳеч қандай чекловсиз алоқалар тизимини қуришингиз мумкин.

**Бўлиши мумкин бўлган манбалар:**

- **Дўстлар.** Сиз фаолият кўрсатаётган соҳага тўғридан-тўғри дахли бўлмаса ҳам, сизнинг кўплаб дўстларингиз ва танишларингизда иш қидиришда самара бериши мумкин бўлган алоқалар бор. Масалан, сизни даволовчи тиш шифокори ёки терапевт мижозлари орасида сиз қидираётган салоҳиятли иш берувчилар бўлиши мумкин.

- **Ҳамкаслар.** У ёки бу ишга алоқадор масалаларни ҳал қилишда узоқ йиллар давомида турли одамлар билан рўбару келган бўлишингиз мумкин. Булар савдо вакиллари, рақобатчилар, мижозлар, етказиб берувчилар, таъмирловчилар ва бошқалардир. Албатта, агар сиз бир корхонада ишләётган ва янги иш қидираётган бўлсангиз, ушбу тоифадаги алоқаларга

эътибор билан муносабатда бўлганингиз маъқул.

- *Газеталар.* Ишбилармонлик фаолияти ёритилган саҳифаларни ўқинг. Мақолаларда кўпинча янги амалий имкониятлар сифатида хизмат қилиши мумкин бўлган компания ва одамлар номи чоп этилади.

- *Ихтисослашган журналлар.* Тармоқ журналлар ва ахборот бюллетенларидан салоҳиятли иш берувчилар ҳақида фойдали маълумотни топиш мумкин.

- *Ишбилармон ассоциациялар ва тармоқ бирлашмалари.* Ишбилармон ассоциация ёки тармоқ бирлашмага аъзолик иш қидиришда фойдали бўлиши мумкин бўлган амалий алоқалар кенгайишини кафолатлади.

- *Битирувчилар ассоциацияси.* Курсдошларингиз иш қидиришда кўп ёрдам кўрсатишлари мумкин.

- *Бегараз ҳомийлик ташкилотлари.* Худудий, диний ва бошқа бегараз ҳомийлик ташкилотлар фойдали амалий алоқалар тизимини кенгайтиришда ёрдам берадилар.

- *Ижтимоий тармоқлар.* Аввал айтилганидек, «Facebook», «LinkedIn», «Twitter» ижтимоий тармоқлари мулоқот қилиш ва профессионал ахборот алмашиш учун ташкил этилган.

## **Шахсий ва амалий алоқалар тизимини ташкил этиш**

Шахсий ва амалий алоқалар файлли тизимини яратишга киришиш ҳеч қачон эрта ёки кеч бўлмайди. Узоқни кўра биладиган ёшлилар бу ишни университетда ёқ бошлашади. Алоқалар тизими турли кўринишида бўлиши мумкин.

• *Компьютер дастури.* Амалий алоқаларни тизимлаштириш ва таснифлаш им-

*Сиз ижобийсини  
белгилашингиз, салбийсини  
камайтиришингиз ва  
мантиқийсига астойдил  
киришишингиз керак.*

**Джонни Мерсер**

конини берувчи кўплаб қулай компьютер дастурлари мавжуд. Ахборот алмашинуви асосан виртуал амалга оширилгани учун алоқалар рўйхатини қаттиқ дискда сақлаган маъкул.

• *Ташриф қоғозлари.* Ташриф қоғозларини сақлаш оддий, лекин жуда қулай усул. Унинг афзаллиги шундаки, амалий алоқа ҳақидаги тўлиқ маълумот: тегишли одамнинг исм-шарифи, лавозими, корхонанинг номи ва манзили, телефон ва электрон манзил ҳамиша қўл остингизда бўлади. Ташриф қоғозларини мунтазам равишда қайта кўриб борингва уларни гуруҳ бўйича таснифланг. Ҳар бирининг орқа томонига сизга ўша одамни бир неча йилдан кейин

ҳам эслашга ёрдам бериши учун тегишли маълумотни қайд этиб қўйинг. Янада қулийликка эришиш учун ташриф қоғозларидан сканерда нусха кўчириб, маълумотларни компьютерга киритиб қўйинг.

• «*Rolodex*» картотекаси. Айрим раҳбарлар ушбу амалий алоқалар тизимини қулий деб ҳисоблайдилар. Умуман олганда, мазкур картотека билан ишлаш ташриф қоғозларини тизимлаштиришга яқин усуб ҳисобланади.

• Тўлдирувчи ёки маълумотлар кесишадиган индексли файл. «*Rolodex*» картотекаси ва ташриф қоғозлари билан ишлашдаги асосий муаммо маълумотнинг алфавит тартибига асосан тизимлаштиришидир. Бу сизга бирор бир маълумот картаси ёки сиз исмини эслайдиган инсон ташриф қоғозини топишингизда кулайдир. Тўлдирувчи ёки маълумотлар кесишадиган индексли тизим эса, алоқаларни сизга қулай бўлган тар-

*Резюмеингизни конкрет  
вакансияга мослаштиринг.  
Энг катта хатолардан бири  
– барча иш берувчиларга  
бир хил резюменинг  
жўнатилишидир.*

***Джеймс П. Нолан,  
ходимлар бўлими  
бошлиги***

тибда таснифлаш имконини беради. Кўплаб компьютер дастурлари ушбу жараённи автоматик равишда амалга оширади.

## **Амалий алоқалардан фойдаланиш**

Келинг, амалий алоқалар самарадорлигини мисолларда кўрсак. «Dimpledoll Company» ходимлар бўлими бошлиги Жейн Роуздан оиласвий бизнесни бошқарадиган тадбиркорлар йигилишида чиқиш қилишини сўрашди. Тушлик танаффуси пайтида Жейн ундан аввал чиқиш қилган Скотт Райс олдига ўтирди.

Скотт Райс – прессланган пластмасса шакллари ишлаб чиқарувчи «Fibre-Mold, Inc.» компанияси вице-президенти. Суҳбат чоғида Скотт унинг компанияси ўз худудда шарикли ручкаларга ғилоф ишлаб чиқарувчи бош корхона эканлигини эслатиб ўтди. Жейн суҳбатдан кейин оқ бошқа барча янги танишлари каби унга ҳам маълумот картасини очиб қўйди. Шундай қилиб, Скотт «пластмасса» ва «компания эгаси» тоифасига киритилди. Унинг рўйхатта олинган маълумот картаси (ёки компьютер файли) тахминан шундай кўринишга эга:

**Асосий маълумот:**

**Тоифа:** пластмасса компания эгаси

**Исми:** Скотт Райс

**Лавозими:** вице-президент (ишлаб чиқариш)

**Компания:** «Fibre-Mold, Inc.»

**Манзил:** Дове кўчаси, 24-уй. Фармингдейл, Нью-Йорк, 11404

**Телефон:** 631-777-9876

**Қандай таништан әдик: оиласи бизнес эгалари бўлган тадбиркорлар йиғилишида, 2012 йил 20 январь куни.**

**Изоҳдар:** компания шарикли ручкаларга филоф ишлаб чиқаради. Бизнеста уни ҳозиргача бошқарив келаётган отаси асос солган. Отаси бир неча йилдан сўнг нафақага кетгач, Скотт компанияга директор бўлади. Айни вақтда у технологик жараённи бошқаради. Жамоавий бошқарувга ўтиш масалаларини муҳокама қилдик. Тармоқ бирлашмасининг Лонг-Айленд савдо палатаси ва «Съерра» табиатни муҳофаза қилиш клуби аъзоси.

Үйланган, уч нафар фарзанди бор. Очиқ денгизда балиқ овлаш ва оиласи кемпинг билан шугулланади.

Маълумот картасига яна зарур деб хисобланган хоҳлаган маълумотни киритиб қўйиш мумкин. Бир йил ўтиб Жейннинг иш қидиришига тўғри келганда Скоттга телефон қилишга сабаб топилди. У гапни чўзиб ўтирмай аввалги учрашув ҳақида эслатди.

Жейн: «Скотт, бу «DimpledollCompany»-дан Жейн Роуз. Биз бир йил аввал январда, оиласи бизнес эгалари бўлган тадбиркорлар йиғилишида, бошқарувнинг замонавий услублари ҳақида чиқиш қилганимда учрашганмиз».

Скотт: «Албатта, мен сизни эслайман. Сизнинг айрим ғояларингиздан фойдаландим ва ҳайратланарли натижаларга эришдим».

Жейн: «Сизга фойдам текканидан хурсандман. Балиқ ови қалай?»

Скотт: «Уч қунлик балиқ овидан энди қайтдим. Сўраганингиз учун раҳмат. Сиз учун нима қила оламан?»

Жейн: «Бизнинг компаниямизни «Giant Toys» сотиб олди ва раҳбарият менинг лавозимимга ўз ходимини тайинлади. Шундай қилиб мен штат қисқартирилишига тушдим. Мен сиз билан ишга жойлашиш имкониятларини муҳокама қилиш учун учрашмоқчи эдим».

Улар келгуси ҳафтада учрашиш ҳақида келишиб олдилар. Скотт компаниясида Жейн учун иш бўлмасада, унинг резюмесини яхшилаш юзасидан бир нечта фойдали тавсиялар берди. Жейн учрашув учун миннатдорлик билдириб: «Менга иш қидиришда ёрдам бера олиши мумкин бўлган бирон кишини билмайсизми?» деб сўради. Ушбу саволни ҳар бир танишингиз билан бўлган сухбат якунида доим беринг. Бу амалий алоқалар тизимини кенгайтиришнинг ажойиб усули.

Скотт Жейнни юк ташиш бўйича йирик компания эгаси Билл Вэнста йўналтириди: «Биллнинг ўзи сизга иш таклиф қилмаслиги мумкин, лекин унинг компанияси ўнлаб ишлаб чиқарувчиларга хизмат кўрсатади. Ва у сизга ёрдам бериши мумкин бўлган биронтасини билиши мумкин».

## **Миннатдорлик ёзуви**

Самарадорлигидан қатыи назар, мулоқотнинг устасига ҳар бир алоқада миннатдорлик ёзувлари ҳамроҳлик қиласди. Агар мулоқот телефон орқали бўлиб, ҳамсуҳбатингиз резюмеингизни кўрмаган бўлса, унинг нусхасини миннатдорлик ёзувига бириктириб қўйинг. Ёзувни қўлингизда ёзишингиз ёки электрон мактуб жўнатишингиз мумкин.

Жейн шундай ёзган эди:  
«Қадрли Скотт!

Мен билан учрашишга вақт ажратганингиз учун раҳмат. Айниқса, мен Билл Вэнс алоқа боғлаш ҳақидаги маълумот учун миннатдорман. Афсуски, янаги ҳафтагача у шаҳарда бўлмайди. У келиши биланоқ телефон қиласман.

Сизнинг маслаҳатингиз билан мен резюмеимни қайта таҳrir қилдим (нусхаси илова қилинмоқда). Сизда мен учун яна маслаҳатлар топилса бениҳоя хурсанд бўламан.

*Хурмат билан,  
Ж.Р. Роуз»*

Шундан сўнг Жейн Скоттнинг картасига қўйидаги маълумотни қўшиб қўйди:

06.08.2011: Қўнгироқ қилдим ва ишга жойлашиш масаласи юзасидан учрашини сўрадим.

08.08.2011: Учращдик. Яхши маслаҳат ва «VanceTruckers»дан Билл Вэнс алоқа маълумотларини олдим.

09.08.2011: Миннатдорлик мактубини юбордим.

09.08.2011: Билл Вэнсга қўнғироқ қилдим, шаҳарда йўқ, 16.08 да қайтади.

Амалий муносабат ишга жойлашиш масалаларини ҳал қилиш билан чекланмайди. Амалий мулоқотлар, шунингдек, ходимларни ишга олишда, тавсия хатларини текширишда, умуман, маълумот зарур бўлган бошқа вазиятларда ҳам фойдали бўлиши мумкин. Алоқалар тизими бир кунда қурилмайди. Бу бари бир вақт ва уринишлар сарфланадиган машаққатли меҳнатдир.

Барча мулоқотлар ёзувини олиб бориш жуда муҳимдир. Сиз кимгadir ойлаб ёки йиллаб қўнғироқ қилмаслигиниз мумкин. Лекин йиллар ўтиб ҳам сўнгти мулоқот ёки биринчи учрашувни ёдга олиш музни эритиб, алоқаларни тиклаши мумкин.

Амалий алоқаларнинг энг яхши манбалари бу – хизмат вазифаси нуқтаи назаридан кўплаб одамлар билан мулоқотда бўладиган касблар вакилларидир. Сиз савдо агентлари ва касаба уюшмалари ходимлари, тармоқ журнallари мухаррирлари, банкирлар, сиёсий етакчилар ва ҳоказоларга кўпроқ эътибор қаратинг. Бу одамлар ҳамиша воқеалар ривожи ичида бўлишади. Уларнинг шахсий файллари муҳим эканлигини акс эттириб, юлдузча билан белгилаб қўйинг ва зарурат туғилганда биринчи навбатда уларга мурожаат қилинг.

## Резюме

- Ишни ихтиёрий равища алмаштириш чуқур ўйлаб қўйиладиган қадамдир.
- Иш қидиришдан аввал, биринчи навбатда, малака ва тажрибангизни таҳлил қилинг ва профессионал мұваффақиятларингиз рўйхатини тузиб чиқинг. Ундан келгусида резюме тузишингизда ва ишга қабул қилинишдаги сұхбатда фойдаланишингиз мүмкін.
- Ҳар бир лавозимдаги иш тажрибасини қўйидагича ёзинг:
  - асосий мажбуриятлар;
  - одамлар бошқарувидаги масъулият (кўл остидаги ходимлар сони, уларнинг лавозимлари, бошқарув даражаси, жамоавий иш ташкил этиш, сиз томондан ишга қабул қилинган ва ишдан бўшатилган ходимлар ва х.к.);
  - пул, материаллар, дастурлар ва бошқаларни тасарруф этиш хуқуқи;
  - энг аҳамиятли профессионал мұваффақиятлар (пул ва вақтни тежаш, даромад олишни қўпайтириш, бозорни кенгайтириш ва х.к.);
  - сизга мазкур ишда нима ёқарди? Нима учун?
    - сизга мазкур ишда нима ёқмас эди? Нима учун? (Бу маълумот ўз-ўзини таҳлил қилишда самаралидир. Ким бўлишидан катъи назар, унга собиқ иш берувчи ёки компания ҳақида салбий фикрларни айтиш шарт эмас.)

- Вакансиялар манбалари:
  - интернетдаги ихтисослаштирилган сайтылар;
  - газета ва тармок журналларидағи эълонлар;
  - кадрлар агентликлари;
  - ходимларни белгилаш мутахассислари;
  - бандлик масалалари бўйича консультантлар;
  - ижтимоий тармоқлар.
- Амалий алоқалар тизими.

Фойдали амалий алоқалар тизимини кенгайтириб, сиз ишга жойлашиш масаласини тезкор ечиш имкониятини оширасиз. Ушбу ёндашувнинг афзалиги унинг чегара билмаслигидadir.

Амалий алоқалар рўйхатини тузиш ҳеч қаҷон эрта ҳам, кеч ҳам эмас.

Ҳар бир учрашув ва амалий мулоқотдан сўнг сұхбатдошингизга миннатдорлик ёзувини юборинг. Ушбу ҳаракатингиз сизнинг профессионаллигингиzin кўрсатади, сұхбатдошингиз хотирасида сиз билан бўлган мулоқотни тиклайди кўмак ва унга резюмени жўнатиш имкониятини беради.

## САККИЗИНЧИ БОБ

### ЯНГИ ИШ ҚИДИРИШ – РЕЗЮМЕ ВА МУЛОҚОТ

Янги иш қидиришдаги мухим жиҳатлар:

1. Резюме.
2. Ишга қабул қилинишдаги мулокот.

#### Резюме

Резюме самарали иш қидиришдаги мухим элементлардан бири ҳисобланади. Одатда у орқали салоҳиятли иш берувчи билан биринчи алоқа амалга оширилади. Агар сизнинг резюмеингиз кутилган таассуротни қолдирмаса, унда сиз у билан шахсан кўришиш ва ўз қобилиятларингиз хақида сўзлаб бериш ҳамда ўзингизни сотиши имкониятидан маҳрум бўласиз!

Резюме ўзида маълумотингиз, тажриба ва шахсий муваффақиятларингиз қиймати акс этган ахборотни жамлайди. Ундан иш мавжудлиги ҳақидаги эълонга жавоб беришда амалий алоқани ўрнатишда, шунингдек, кадрлар агентлиги ёки ходимларни белгилаш мутахассисларига жўнатишда фойдаланиш мумкин.

Резюме – сизнинг рекламангиз. У сизнинг кучли томонларингизга урғу бериши ва ожиз томонларингизни камайтириши, сизни сухбатга чақирадиган даражада салоҳиятли иш берувчига ёқиши керак.

## **Резюме ёзишга тайёргарлик кўриш**

Резюме ёзишга тайёргарлик кўришда ўзингизнинг барча профессионал муваффақиятларингизни таҳдил қилиб чиқинг.

У ёки бу лавозимнинг хизмат мажбуриятларини изоҳлаш шарт эмас, чунки аксарият рақобатчи ёки талабгорларда ҳам бу тажриба бор. Сиз бошқа номзодлардан сизни ажратиб турувчи алоҳида муваффақиятларингизга ургу беришингиз

*Асосий эътиборни иш берувчининг аниқ талабларига қаратинг ва бу жиҳатларни резюме ҳамда алоқа хатида акс эттиринг.*

*Джерри Кристин,  
рекруттер ва ёзувчи*

керак. Конкрет фактларни баён қилинг.

Мана, бир нечта мисоллар:

- «Бўлимда кадрлар қўнимсизлигини 18 фоизга камайтирдим».
- «Мижозлар талабини икки баробар тезроқ ўрганадиган тизимни ишлаб чиқдим».
- «Уч йил давомида зарап кўриб ишланган савдо худудида ишлай бошладим ва бир йил ичida энг даромадли нуқтага айлантирдим».
- «Бир йилда 130 минг доллар сутурта бадалларини иқтисод қилишга имконият яратган корпоратив тиббий сугурталашни ниҳоясига етказдим».

## **Жалб қилувчи жумлаларни қўлланг**

Резюмени изланаётган иш хусусиятларига мос равища тузинг. Вакансияни дикқат билан ўрганиб чиқинг ва шунга мос равища резюмени қайта тўлдиринг.

Масалан, «графикали дизайн билан ишлаш» каби конкрет билим талаб этилаётган бўлса, бу йўналишда тажрибангиз жуда кам бўлса ҳам резюмеда бу ибора албатта бўлиши керак.

Ишга олувчилар ўнлаб, ҳатто юзлаб резюмеларни қабул қиласанлари учун уларнинг ҳаммасини бошдан охиригача тўлиқ ўқимайдилар. Балки юкоридаги каби жалб қилувчи иборага эътибор қаратадилар. Агар сиз резюмеингизни электрон почта орқали юборган бўлсангиз, иш олувчи менюда калит жумлани «топиш» топшириғини беради. Агар у йўқ бўлса, сизнинг номзодингиз иш берувчи эътиборига тушмайди.

## **Резюме тузища нима қилиш мумкин эмас?**

1. *Жуда узун резюме тузманг.* Бу автобиография эмас. Сизни суҳбатдан ўтказиш имконини берадиган энг салмоқли муваффакиятларингизни кўрсатинг. Ёдда тутинг, салоҳиятли иш берувчининг вақти кўп эмас ва у фақат аниқ баён қилинган резюмени ўқийди. Одатга кўра, резюме бир варакдан ошмаслиги керак. Икки варак алоҳида иш тажрибасига эга иш қидиручиларга мумкин, холос.

2. *Резюме ўта қисқа бўлмаслиги керак.* Исмлар, сана ва лавозимларни санааб ўтиш етарли эмас. Резюмени ўқиб чиқиб, иш берувчида нима учун сизнинг номзодингизни жиддий кўриб чиқиш кераклиги ҳақида аниқ тасаввур уйғониши керак. У қўнгироқ қилиб сиз ҳақингизда батафсил маълумот олиши учун ўзингизни ортиқча мақтаб юборманг. Агар бошқа иш қидираёттганлар ўзлари ҳақида ҳақиқий ва жалб қилувчи маълумотларни тақдим қилишса, унда иш берувчи уларни маъқул кўриши мумкин.

3. *Резюмеда салбий тажриба ҳақида баён қилманг.* Резюмега қуйидагиларни ҳам киритмаганингиз маъқул:

а) шахсий маълумотлар: ёш, жинс, оиласий шароит (фуқаролар ҳуқуқлари ҳақидаги қонунар бу каби маълумотларни беришни тақиқлайди);

б) бўй ва оғирлик. Ақлий қобилияtlар ва профессионал қўнилмалар одамнинг бўйи ва оғирлигига алоқаси йўқлигига қарамай, кўпчилик одамлар инсон ҳақида унинг ташки кўринишига қараб баҳо беришга мойилдирлар. Албатта, мулоқот чоғида сухбатдошингиз сизнинг қобилияtlарингизни кўради ва ташки кўриниш ҳақидаги тасаввурлар ортга чекинади;

в) аввалги иш жойидан кетиш сабаблари. Албатта, иш берувчини аввалги иш жойидан кетишингиз сабаблари қизиктиради. Бироқ ушбу масалани кейинги мулоқотга қолдирган маъқул. Агар бу «ком-

пания тугатилиши» билан боғлиқ бўлмаса, икки оғиз сўз билан ишни ўзгартиришга сизни нима мажбур қилганини тушунтира оласизми? Маълумотнинг етарли эмаслиги эса, тушунмовчиликка, хатто салбий хуносаларга олиб келиши мумкин. Яна бир муҳим жиҳатни назарда тутинг. Агар сиз янги иш қидиришингизга сабаб хизмат поғоналаридан ўсишни хоҳлаганингиз дея ишонтиromoқчи бўлсангиз, иш берувчи аввалги иш жойингизда бунга эриша олмаганингизни профессионалликнинг етишмаганида деб тушуниши мумкин;

г) иш ҳақи миқдори. Иш ҳақи миқдори лавозим, географик жойлашув ва бошқа омиллардан келиб чиқиб шаклланиши мумкин. Шунинг учун ушбу саволни резюмега қўймаслик зарур;

*Биз хоҳлаган лавозимга  
эришишимиз имкониятлари  
ҳар бир мулокотга  
муваффақиятли тайёргарлик  
кўришишимиз билан ортиб  
боради.*

*Артур Р.Пелл,  
кадрлар бўйича  
консультант ва ёзувчи*

д) фотосуратингиздан фойдаланманг. Иш берувчи ташки қўринишингиздан қатъи назар, сиз ҳақингизда мутахассис сифатида тасаввурга эга бўлиши керак. Кўпчилик иш қидирувчиларга тахминий

тасаввурлар сабаб мулоқот ўтказиш учун рад жавобини берадилар. Масалан, иш берувчи келишган ташқи кўринишга эга бир ёш йигитни унинг юзи ўта «ёш болага» ўхшагани учун сухбатга таклиф қилмади.

4. *Резюмеда сизга кафолат берувчиларни кўрсатманг.* Сизнинг номзодингиз иш берувчини қизиқтириб қолса, у ўзи сиздан бу ҳақда сўрайди. Резюмеда факат мухим маълумот баён қилинган бўлиши керак. Кафолат берувчилар рўйхатини сўраган пайтларида тақдим қилиш учун алоҳида тайёрлаб қўйинг. Агар сизга кафолат берувчи ўта таникли ва хурматли мутахассис бўлса, ушбу қоидадан истисно қилиш мумкин. Рўйхатта кафолат берувчини қўшишдан аввал унинг розилигини олинг.

5. *Аниқ бир лавозимни кўрсатманг.* Агар сиз бош мухандис-кимёгар лавозимига даъвогарлик қилиб, бир вақтнинг ўзида бошқа қизикроқ варианtlарни ҳам кўриб чиқишига рози бўлсангиз, резюмеда «бош мухандис-кимёгар» лавозимини кўрсатманг, бўлмаса сизнинг ўз-ўзидан бошқа имкониятлардан воз кечишингизга тўғри келади.

6. *Резюмени «талаблар»дан бошламанг.* Рекламачилар «биз» сўзига ургу бериб, «мен» сўзидан қочиш кераклигини ҳисобга оладилар. Ўзингизни иш берувчига тақдим этиш, ўзингиз эмас, унинг учун қилишини хоҳлаётганингизни тушунтиринг. «Мен қизикарли яхши иш топишни хоҳлайман» жумласи ўрнита «Дастурлар ишлаб чиқиши соҳасида ўн йиллик муваффақиятли тажри-

бага эгаман» деб ёзинг. Резюмеда «мен» сўзининг кўп ишлатилиши тажриба ва професионаллик етишмаёттан ишчининг онг даражасини белгилаб беради.

7. Эски резюмени қайта ишламанг. Ҳар бир вакансияга алоҳида ёндашинг: кучли ва ожиз томонларингизни кўриб чиқинг ва резюмени ҳар бир аниқ лавозимга мос равища қайта ёзинг.

8. Билим олишга етарлича эътибор қилинг, аммо керагидан ортиқ вақт ажратманг. Резюмеда бевосита қидирилаёттан вакансияга оид маълумот ёки билимлар даражасини келтириш керак. Битиручилар олий ўқув юртларини анча йиллар аввал тамомлаган инсонларга нисбатан билим олишга кўпроқ эътибор қаратишлари керак. Агар диплом олинганига беш йилдан ортиқ вақт ўтган бўлса, фақат ўқув мусассаси, мутахассислик ва професионал кўникуларни кўрсатинг. Қидирилаётган лавозимга доир курс ва семинарлар рўйхатини тузинг.

9. Резюмени талабга мос бўлмаган шакл, орфографик ва услубий (стилистик) хатолар билан бўзуб қўйманг. Тайёр бўлган ҳолатини бир неча бор ўқиб чиқинг, шунингдек, уни кимдир кўриб беришини илтимос қилинг.

10. Вақти-вақти билан резюмени диққат билан кўриб чиқинг. Уни кўриб чиқишидан кейин сизни сухбатга таклиф қилиш маса, резюмени қайта ёзинг.

## **Алоқа хати**

Алоқа хатини тайёрлашда икки ёндашувдан фойдаланиш мүмкін. Эңг қулайи – резюмелега қисқача хат илова қилиш: аксарият иш берувчилар иш қидирудындардан айнан шуни кутадилар. Иккінчи ёндашув, батафсил маълумот акс эттән алоқа хатини резюме ўрнига жүннатышдан иборат. Ушбу ёндашув баъзи ҳолатларда маъкулланади. Хат электрон ёки чоп этилган кўринишда жўннатилиши мүмкін.

## **Қисқача алоқа хати**

Резюмелега илова қилинган шундай бир хатни мисол келтирамиз. Вильям Маршалл Огайо штати Виллетсдаги «Skinner Steel Fabrikators»да харид қилиш бўйича менежер бўлиб ишлайди. Унинг таниши Чарльз Грехем «Standart Tools, Inc.» вице-президенти Сьюзан Рандалга резюме жўннатишини маслаҳат берди. Грехемдан иш ҳақидаги барча маълумотларни билгач ва компания сайтини ўрганиб бўлгач, Вильям резюмелега қисқача алоқа хати ёзди:

*«Хурматли миссис Рандал!*

Чарльз Грехем менга компаниянгиз харид қилиш бўлимидаги иш юзасидан боғланишимни маслаҳат берди.

Биласизки, мен ишлаётган «Skinner Steel Fabrikators» компанияси «Midwest Metals» билан бирлашади ва харид қилиш масала-лари «Midwest Metals»да ҳал этилади. Ме-

нинг пўлат ва бошқа хом ашё хариди бўйича профессионал тажрибам, резюмеда кўрсатилганидек, «Standart Tools» талаблари ва андозаларига мос келади. Бу эса, мени сизнинг харид бўлимингиз фаолияти муваффақиятини таъминлашга хизмат қиласиган қимматли ходим эканлигимдан далолат беради.

Ушбу масалани сиз билан мухокама қилиш ниятидаман. Мен сиз билан келгуси ҳафта учраша олишимиз мумкинлигини билиш учун боғланаман.

Хурмат билан,  
Вильям Маршалл  
Резюме илова қилинмоқда».

Эътибор қилинг, Маршалл биринчи навбатда маслаҳат берган инсон исмини келтириб ўтди. Шундан кейин у иш берувчига нимаси билан фойдали бўлишини тушунтириб, мажбурий бўлмаган оҳангда сухбат ўтказишни илтимос қилди.

Барча маълумотлар резюмеда акс этгани учун ўзининг бор иш тажрибасини тўлиқ баён қилиб ўтирумади. Алоқа хати қисқа ва мавзуга хос бўлиши керак. Айнан шу иш берувчига қизик бўлган *айрим тор хусусиятли жиҳатларни* гина акс эттиришингиз мумкин холос. («Менинг пўлат ва бошқа хом ашё хариди бўйича профессионал тажрибам, резюмеда кўрсатилганидек, «Standart Tools» талаблари ва андозаларига мос келади».)

Хат сүнгидә учрашиш ҳақида сўранг ва бир неча кундан кейин шахсан ўзингиз кўнғироқ қилинг. Сиз кўп вақт йўқотишингиз мумкин, бироқ иш берувчи билан шахсан қўришиш ҳақида келишишга эришсангиз, ишга жойлашиш имкониятларингиз сезиларли равишда ортади.

*Агар сиздан бирор нарса  
қила олиш-олмаслигингишни  
сўрашса, ўйламасданоқ  
«Албатта қила оламан!»  
дека жавоб беринг. Кейин  
фикрингизни тез йигиб  
олингда, буни қандай қилиш  
кераклигини ўйлаб топинг.  
**Теодор Рузвельт***

### **Батафсил хат**

Айрим иш қидирудувчилар резюме ўрнига профессионал тажриба баён этилган алоҳида хат тайёрлашни маъкул кўрадилар. Бундай хатни сизни тавсия қилишлири мумкин бўлган одамга ёки янги ходим қидираётган компания раҳбариятига йўлаш мумкин.

Бу каби хатни айнан кимга юбориш керак? Агар сиз бошқарув лавозимини эгаламоқчи бўлсангиз, компания президенти ёки бош директор номига ёзинг; агар савдо вакили сифатида ишламоқчи бўлсангиз, хатни савдо ёки маркетинг бўйича менежерга йўлланг; агар бош ҳисобчилик лаво-

зимига даъвогар бўлсангиз, молия бўлими бошлиғи ва ҳ.к. номига ёзинг.

Компьютерда ҳар бир иш берувчи компанияга алоҳида батафсил хат тузиш мумкин. Бундай хат намунасини қўриб чиқинг. Компания номи ва манзилини кўрсатишни унутманг.

Чарльз Хокинз  
Бюстер чорраҳаси, 42  
Гринвиль, Нью-Йорк штати 12020

Эндрю Картер жанобларига  
«Bizzard» ишлаб чиқариш компаниясига  
Джей кўчаси, 34-үй  
Скенектали, Нью-Йорк штати 2310

*«Хурматли мистер Картер!*

«Bizzard» бошқарувида маркетинг, ишлаб чиқариш, меҳнат ва молия муносабатлари соҳаларида беназир иш тажрибасига эга муваффақиятли раҳбар ходимга иш жойи топилмасмикан?

Оддий савдо вакилидан қаттиқ товарлар ишлаб чиқарувчи йирик компаниянинг тижорат директоригача бўлган йўлни босиб ўтгач, мен бош директор ўринбосари лавозимига кўтарилидим ва директорлар кенгаши аъзолигига сайландим. Ушбу лавозимда мен бошқарув сиёсатини замонавий андозаларга мос равишда тўлиқ қайта ташкил этдим. Бунинг натижасида ишлаб чиқариш салмоғи ортди ва бошқарув харатлари камайди.

Менинг мұваффақиятларимга қуийдалар киради:

- құл болшқарувини компьютер дастури орқали бошқаришга ўтказиш;
- моддий-техник ресурларни бошқаришни ташкил қилиш;
- компанияга сезиларли имтиёзларни тақдим этган мәхнат шартномаларини тақомиллаштириш;
- ҳудудий ишлаб чиқариш ва савдо фаолиятини бошқариш;
- савдо, назорат ва техник ходимларни белгилаш ва уларни үқитиши;
- маркетинг таҳлили ва прогноз дастурларини ишлаб чиқиши;
- чакана ва улгуржи савдонинг маркетинг ҳамда реклама фаолиятини ташкил этиши.

Йигирма йиллик мұваффақиятли тажрибам туфайли мен «Bizzard» бошқарув жамоасининг қимматли аъзосига айландым. Мен құшымча маълумотларни сизга қулай бўлган вақтда, ёзма равища ёки шахсан учрашганимизда тақдим этсам бўладими?

Хурмат билан,  
Чарльз Хокинз».

Айрим иш қидирудилар кўплаб компанияларга фойдасиз бўлган юзлаб хатларни юборадилар. Одатда йирик ташкилотлар талаб қилинмаган жуда кўплаб хатларни қабул қиласидилар ва натижада уларни

кўриб чиқиши пайсалга соладилар. Бир томондан Хокинз каби кишиларнинг аниқ компанияга йўллаган мактублари жавоб беришга муносибдир. Бироқ шундай ҳолатда ҳам ижобий натижага умид қилиб қолмаслик керак. Агар юзлаб юборилган хатларингизга жавобан бир ёки икки сұхбатта таклиф қилишса, омадим келди деб ҳисоблайверинг. Лекин яна уриниб кўриш зарар қилмайди.

Албатта, бир компанияга қайта ва қайта хат юбориш учун вақтни йўқотиш мантиқ-сизлик ҳисобланади. Агар биринчи мурожаат жавобсиз қолдирилган бўлса, иккинчиси ниманидир ўзгартиришига ишонч йўқ. Шундай бўлса-да, ўта қизик кўринаётган компанияга бошқа усулни қўллаб кириб кўриш ва сұхбат ўтказилиши учун уриниб кўриш мумкин.

Бундай ҳолатда сиз хатни юборган одамга бирор ҳафта ёки ўн кунлар ўтиб

*Сұхбатдан ўтиш жараёнида  
сиз яна тўққиз нафар бошқа  
талаабгорлар билан рақобатда  
бўлишингизга тўғри  
келади. Уларга нисбатан  
афзаллигингиизни намоён  
қила олишга тайёр бўлинг.  
Ўз нуқтаи назарингизни  
қатъийлик билан ҳимоя  
қилинг. Бўлмаса сиздан ўзиг  
кетишади.*

**Алан Фокс, социолог**

қүнғироқ қилинг. Ижобий жавоб олиш имконияти камроқ бўлса-да, у одам билан шахсан учрашишни илтимос қилиб кўринг.

Резюме ёки алоқа хатлари фақаттина компания эшпикларини очиб беришга хизмат қиласди. Унутманг, бу рекламангиз иш берувчи ни сизни сухбатта чакиришига ундаши керак.

### **Ишга қабул қилиш мулоқоти**

Қоидага кўра, айнаң сухбат чоғида ишга олиш масаласи ҳал қилинади. Бу ўзингизнинг энг яхши қирраларингизни намойиш қилиш имкониятидир. Агар мулоқот давомида иш берувчida ижобий таассурот уйғота олмасангиз, иккинчи марта бундай имконият бўлмаслиги мумкин.

Кўп ҳолларда номзод ишга қабул қилинаётганда бир нечта сухбатдан ўтади. Биринчи мулоқотни одатда кадрлар бўлими ходими ўтказади. Кейинги сухбат янги ходим бирга ишлаши мумкин бўлган масъуллар иштирокида бўлиб ўтади. Сўнгти бор сизнинг фикрларингизни айнан ишга қабул қилиш ҳақидаги қарорни қабул қилувчи инсон тинглайди. Бу сиз ҳисобот берадиган масъул шахс ёки ишлашингиз кутилаётган бўлим бошлиғи бўлиши мумкин. Энг асосий мулоқотга етиб боришингиз учун ундан аввалги сухбатдошларингизда яхши таассурот қолдиришингиз муҳим эканлигини ёдда сақланг. Кўпчилик иш қидирувчилар ўзларининг асосий қобилиятларини сўнгти мулоқотда намо-

ииш қилиш умидида оралиқ сұхбатларға юзаки тайёргарлик күришади ва натижада улар омадсизликка учрайдилар. Бошқа-ча айтганда, дастлабки сұхбатларни түғри баҳолай олмаслик натижасида улар бош рахбарлар билан учрашиш имкониятиниң күлдан бой берадилар.

Ҳар бир сухбатта пухта тайёргарлик кўриш шарт. Биринчи мулоқот жуда муҳим. Сиз билан мулоқот қилаётган ҳар бир масъул шахс сизни бетакрор ва ғолиб номзод сифатида кўришига умид қилиш нодонлиқдир. Дастлабки мулоқотларга расмий тус берманг ва ходимлар бўлими бошлиғида яхши таассурот қолдиришга эришган бўлсангиз, энди мени бош раҳбар ўз-ўзидан ишга қабул қиласи деган хомха-ёлга ҳам борманг.

Хар бир сұхбатдан аввал ўзингизни тутиш аниқ стратегиясини ишлаб чиқинг. Аввалиң сұхбатлардан келиб чиқиб, бошрахбар қандай саволлар беріши ва компания үчүн нималар мухим эканлиги ҳақида хулоса чиқариш мүмкін. Бұлыб ўтган хар бир сұхбатни чуқур тақлия этиб бориша келгуси мұлоқотта тайёргарлик күриш үчүн мухимдір.

Бириңчи сұхбатдан кейинги сұхбат учун намуна сифатида фойдаланынг. Ҳар бир сұхбатта компания ҳақида олинган маълумот, лавозимлар ва аввалғи номзодларни сұхбатдан үтказищда күлланилған услубларни инобатта олган ҳолда тайёргарлик күринг.

Биринчи навбатда номзодларга қандай талаблар қўйилаётганини билиб олиш зарур. Кучли томонларингиз ва жиҳатларингизни ижобий ҳамда ишончли тарзда намоён қилиш учун ўз тажрибангизни таҳлил қилиб олинг.

### **Иш берувчи талаблари**

Айтайлик, сұхбатдош резюме ҳамда алоқа хатингизни ўқиган. У тажриба ва билимларингиздан яхши хабардор. Бу ҳолатда сизга аниқлик киритувчи саволлар ҳамда хизмат мажбуриятлари ва ваколатларига доир қўшимча маълумотлар беришади. Бироқ сиз билан мулоқот қилувчи шахснинг резюмеингизни ўқиб чиқишига вақти бўлмаган бўлиши ҳам мумкин. Шунинг учун тажрибаси ва билимларингиз ҳақида қисқача маълумотлар беришга тайёр бўлинг.

Профессионал қўниқмалардан ташқари сұхбатдошингизни ишга муносабатингиз, аввалги иш берувчилар, раҳбарлар ва қўл остингиздагилар билан ўзаро муносабатингиз каби шахсий фазилатларингиз ҳам қизиқтиради. Ички мантиқий манбалар, қисқа муддатли ва узоқ муддатга мўлжалланган мақсадлар, юксак муваффақиятларни айта олишга тайёр бўлинг. Сиз билан мулоқот қиладиган киши қандай қийинчиликларга дуч келғанингиз ва уларни қандай енгиб ўтганингиз ҳақида сўраши турган гап.

Ҳар бир лавозим сұхбат давомида очик айтиладиган алоҳида талаблар билан ха-

рактерланади. Сизга ижодий салохиятингиз, ғояларни илгари суриш қобилиятынгиз, одамлар билан умумий тил топиша олиш маҳоратингиз, кучли ва ожиз томонларингиз, шунингдек, хизмат поғонасидан ўсиш салохиятингизни баҳолаш мақсадида саволлар беришади. Бу ерда фақат нимани гапираёттанингиз әмас, балки қандай гапираёттанингиз, нималар ҳақида сукут сақлаёттанингиз ва ўзингизни қандай тутаёттанингиз ҳам жуда муҳим. Бошқача айттанды, сұхбатдошингиз қисқа муддат ичида сизнинг профессионал ва шахсий фазилатларингиз ҳақида күпроқ билиб олиши керак.

### **Сизнинг талабларингиз**

Ишга қабул қилиш мuloқотига тай- ёргарлик кўриш жараёнида сиз нафақат иш берувчи талабларини тушунишингиз, балки сұхбатдан кутаётган натижа – ўз талабларингиз рўйхатини ҳам тузиб қўйишингиз керак. Сизнинг бош мақсадингиз – иш жойига эришиш. Бунинг учун аввало сұхбатдошда яхши таассурот қолдириш керак. Биринчи таассурот – энг муҳими эканлигини ёддан чиқарманг. Сұхбатдан ўтиш учун кабинетга кирган дақиқангиздан бошлаб ҳар бир харакатингиз, ҳар бир сўзингиз, ҳар бир ишорангиз баҳолана бошлайди. Кийинишингиз, табасум қилишингиз, ўзингизни тутишингиз, хатти-харакатларингиз – буларнинг ҳамма-ҳаммаси аҳамиятта эга. Содда қилиб

айтганда, нимаики қилсангиз ва нимаики гапирсангиз, сизни ғалабага ёки мағлубиятга олиб келади!

Иккинчи муҳим вазифангиз – кучли жиҳатларингизга ургу бериш ва ожиз томонларингизни имкон борича камайтиришдан иборат. Буни амалга ошириш учун барча афзаликларингиз ва камчиликларингизни рўй-рост баҳолашингиз керак. Зарурат туғилганда у ёки бу камчиликларингизни қандай бартараф этишингизни тушунтиришга тайёр бўлинг. Ушбу лавозимга яна бир нечта номзод талабгор эканлигини бир сония бўлсин ёддан чиқарманг. Улар ким ва нима таклиф қилишларини билмасангиз ҳам, ўзингизнинг энг яхши томонларингизни кўрсата олиб, рақобатчилардан ўтиб кетиш учун барча имкониятларни ишга солинг.

Ишга қабул қилиш мулоқотига тайёргарлик кўриш жараёнида инобатга олишингиз керак бўлган яна иккита муҳим талаб бор. Биринчидан, мазкур компанияя ва ушбу лавозим сизга мос келишини яна бир бор ўйлаб кўринг. (Мос келадиган компанияяда мос келмайдиган иш ёки мос келмайдиган компанияяда мос келадиган иш вақт ва кучнинг беҳуда сарф бўлишига олиб келади, холос.) Иккинчидан, иш берувчи бажара олсагина унинг таклифини қабул қилишингиз мумкин бўлган талабларингизни аниқ ифода этинг.

Бир томондан ўзингиз, иккинчи томондан иш берувчига нима кераклигини билиб

олганингиздан кейин мuloқотдан ўтиш стратегиясими режалаштиришга киришиңгиз мумкин. Ҳар бир сұхбатта алоҳида ва пухта тайёргарлик күриш керак. Имкон борича компания ҳақида күпроқ маълумот йиғишиңга ҳаракат қилинг. Ўзингизнинг ишбилармонлик қобилиятларингиз ва профессионал тажрибангизни таҳлил қилиб олинг. Күплаб муваффакиятли иш қидирудувчилар мұхим ишбилармонлик қобилиятлар ва эришилган ютуқлар рўйхатини тузиб чиқиши ҳамда ҳар бир мuloқотдан аввал кўриб чиқиши тавсия этадилар.

Тажриба – энг яхши стратегия. Иложи бўлса, сұхбатни дўстингиз ёки кадрлар бўйича консультант билан репетиция қилиб олинг. Мuloқотга тайёргарлик күришнинг яна бир услуби бу – сизни унчалик қизиқтиргмаган вакансияга бўлса ҳам, таклиф қилинаётган барча сұхбатларда иштирок этиш. Шу йўсинда сиз ўзингизда мuloқот қилиш кўникмасини шакллантирасиз, ўзингизга ишонч ҳосил қиласиз ва сиз учун мұхим сұхбатлардан муваффакиятли ўта олишга эришасиз.

### **Мuloқотта тайёргарлик күриш ва уни режалаштириш**

1. Уйга вазифани бажаринг: мuloқот бўлиши кутилаётган одамлар, ташкилот ва у ердаги мұхитни ўрганиб чиқинг.
2. Компания ўз тармоғида қандай ўрин эгаллашини аниқланг.
3. Сұхбатдошнинг оддий, мураккаб ва chalғитувчи саволларига самимий жавоб

тайёрланг. (Саволлар намуналари қуйида берилмоқда.)

4. Якка тартибда ва гурӯҳда ўтказила-диган мулоқотларга тайёргарлик кўринг.

5. Билимларингиз, профессионал қобилиятларингиз, ижобий интилишларингизга аниқ мисоллар ва исботларни ўйлаб қўйинг.

6. Қизиқишингиз ва ишлашга хоҳишингизни кўрсатиш учун сұхбатдошта саволлар рўйхатини тайёрлаб қўйинг.

7. Мулоқотни ўзингизта ишонадиган инсон билан репетиция қилиб олинг ва ундан кутилмаган фикр билдиришини сўранг.

### **Сұхбатдошнинг анъанавий саволлари**

Ушбу бўлимда энг кўп тарқалган ва ишга қабул қилишда сизга берилиши мумкин бўлган саволлар тақдим этилган. Уларга бир оғиз сўз билан жавоб бериш мумкин эмаслигига эътибор қаратинг:

1. Сиз ўзингизни қандай таърифлаган бўлар эдингиз?

2. Нима учун аввалги иш жойингиздан кетдингиз?

3. Нима учун сиз айнан шу ишни танладингиз?

4. Сизнинг қисқа муддатли ва узоқ муддатли мақсадларингиз қандай?

5. Қандай эътибор ва рагбатлантиришлар сиз учун муҳим?

6. Профессионал фаолиятигизга болгик бўлмаган қандай мақсадларни ўз олдингизга қўясиш?
7. Беш йилдан кейин нима билан машгул бўлишини хоҳлар эдингиз?
8. Беш йил ичида қанча маблағ ишилаб томоқчисиз?
9. Ҳаётингизнинг ҳеч қаерда ишламаган даври нима билан болгик бўлган?
10. Руҳий изтиробга туширувчи ҳолатлардан қандай чиқиб кетасиз?
11. Бир ўзингиз ёки жамоа билан ишлишни маъқул кўрасизми?
12. Зиддиятларни қандай ҳал қилишга ўргангансиз?
13. Иш тажрибангизда фикрлар келишмовчилиги туфайли раҳбарият билан тўқнаш келганмисиз? Муаммоли масалаларни қандай бартараф қилгансиз?
14. Сизнинг энг кучли ва ожиз томонларингиз қайсилар?
15. Энг яқин дўстингиз сизни қандай таърифлаган бўларди?
16. Сиз ишилаган энг яхши ишхонани таърифлаб беринг.
17. Сиз билан бирга ишилаган энг яхши раҳбарни таърифлаб беринг.
18. Сўнгги раҳбарингиз сизнинг ишингиз ҳақида нималар деган?
19. Нима учун мен айнан сизни ишга олишим керак?
20. Бизнинг компания каби корхонада муваффақиятга эришиш учун нималар зарур?

21. Компаниямизда қайси түналишларда ишни яхшилай олган бўлар эдингиз?
22. Бўши вақтингизда нималар билан машгулсиз?
23. Муваффақиятли менежер қандай фазилатларга эга бўлиши керак?
24. Раҳбар кўйл остидагилари билан қандай муносабатда бўлиши зарур?
25. Кайси ютуқлар сизни кўпроқ хурсанд қиласди ва қониқтиради? Нима учун?
26. Бизнинг ташкилотимиз ҳақида нималарни гапириб бера оласиз?
27. Бизнинг товар ва хизматларимиз нимаси билан қизиқ?
28. Бизнинг раҳобатчиларимиз ҳақида нималарни гапириб бера оласиз?

*Сиз нима билан машгул  
бўлишни ёқтирасиз?*

*Ишлаётган ишингиз ёқмаётган  
бўлса уни ўзгартиринг, чунки  
уни сиз эплай олмайсиз. Бу  
ишда сўнгги кунларингизгача  
қолишга ҳожати йўқ, чунки  
сиз ҳеч қачон муваффақиятга  
эриша олмайсиз.*

**Ли Якокка**

### **Мураккаб саволларга тайёр бўлинг**

Суҳбатдош сизга қалтис савол бериши мумкин: нима учун аввалги иш жойингизда узоқ қола олмадингиз? Ёки фараз қилинаётган бирор бир муаммо ечимини топинг... Савол сизни боши берк кўчага олиб

кирганини күрсатмаслик учун очиқ, ва рост жавоб беришга ҳаракат қилинг. Қуйида көлтирилган маслаҳатлар сизга мұраккаб вазиятдан чиқишига ёрдам беради.

- Саволға ҳақиқатан қизиқаёттанингизни ва уни тушунишни хоҳлаёттанингизни намойиш қилинг. Сұхбатдошингизга диққат билан қулоқ солинг ва зарур бўлса ундан тушунарсиз жойларни изоҳлаб берини сўранг.
- Қийинчилклар олдида ўзингизни йўқотиб қўйманг. Қизиқарли савол учун сұхбатдошингизга миннатдорлик билдиринг.
- Сұхбатдошнинг сўзларини ўзингизга олманг ҳам, ўзингизни ҳимоя қилманг ҳам. Унутманг: ҳар бир савол сизга бўлган қизиқиши белгисидир.
- Хотиржамлиknи сақлаб, бир текис нафас олинг.
- Табассум қилинг, кўзингизни олиб қочманг, ўзингизни қатъиятли тутинг.
- Барча нарсага қувноқлик билан муносабатда бўлинг.
- Саволларга жавоб берәётиб аҳамиятли сўзлар ва жумлаларни қўлланг.
- Бу каби муаммо ижобий ҳал этилгани ҳақида тажрибангиздан мисол көлтиринг.
- Иложи бўлса, муҳокама этилаётган мавзуга оид ўз ютуқларингиз ҳақида гапириб беринг.

## **Мулоқот ҳоғида нима қилиш мумкин ва мумкин эмас?**

Ишга қабул қилиш бўйича агентлар номзодларнинг ишга жойлашиш имкониятларини оширувчи ёки аксинча, пасайтирувчи хатти-ҳаракатларини белгилаб борадилар.

*Нималарга амал қилиши керак:*

1. Мулоқотга белгиланган вақтда ёки бир оз эртароқ келинг.
2. Мобил телефон ва бошқа электрон ускуналарни ўчириб қўйинг.
3. Замон талабларига мос кийининг.
4. Суҳбатдош хонасида сизни нима қизиқтириб қолгани ҳақида рўй-рост амалий мулоқот ўрнатиб олинг.
5. Нигоҳингизни олиб қочманг ва хатти-ҳаракатларингизни назорат килинг.

*Ўз шинингни севиш ва бу  
қанчалик мухимлигини англашдан  
яхшироқ яна нима бор?*

***Катерина Грехем, ношир***

6. Тинглашни билинг ва сўз билан ифодаланмаётган хатти-ҳаракатларга эътибор қаратинг.
7. Ишонч ва ижобий кайфиятни намойиш қилинг.
8. Бошқа одамлар ҳақида ёмон фикр айтманг.
9. Худди сизни ишга қабул қилиштан-дек «биз» деб гапиринг.

10. Қисқа ва мавзу бўйича гапиринг.
11. Фактларни баён қилиб, фикрларингизни тажрибангиздаги мисоллар билан мустаҳкамлаб боринг.
12. Ишончли тавсияномаларни тақдим қилинг.
13. Пухта ўйланган ва ўринли саволлар беринг:
  - Янги вазифаларимни бажаришга киришишдан аввал ишга ўтишимни енгилаштирадиган нималар қилишим мумкин?
  - Мен аввалдан тайёргарлик кўриб қўйишм керак бўлган қандай қийинчиликларга дуч келишим мумкин?
  - Таъкилот иши ва маданияти билан яқиндан танишишим учун қандай материал ва ҳужжатларни кўриб чиқишим мумкин?
  - Менинг номзодим ва малакам юзасидан сизда қандай савол ёки иккиланишлар бор?
  - Кейинги босқич қанақа?
  - Сизнинг қарорингиз ҳақида мен қандай билишим мумкин?

*Нималар қилмаслик керак:*

1. Мулоқотта кеч қолиш.
2. Овозсиз режимда бўлса-да, телефонни ёқиқ қолдириш.
3. Ёқимсиз ташки кўринишида келиш.
4. Ўзини ўта қатъиятли, агрессив ва қайсар ҳолатда тутиш.
5. Ўта паришон ва бўшашган кўринишига эга бўлиш, нигоҳни олиб қочиш.
6. Суҳбатдош гапираёттганда ўз ўйлари билан банд бўлиш.

7. Тушкун кайфиятни намойиш қилиш.
8. Собиқ раҳбарлар, ҳамкаслар ва қўл остидаги ходимлар ҳакида салбий фикрлар билдириш.
9. Ўз хизматларини етарлича ифодалай олмаслик, ўзини ишончсиз тутиш.
10. Ишдан кўра иш ҳақи, имтиёзлар ва дам олиш кунларига кўпроқ қизиқиши.
11. Ишончсиз, иккиланган, ноаниқ фикрлар билдириш, сухбатдош саволларини эътиборсиз қолдириш.
12. Ўзининг асабийлашишидан безовта бўлиш. Албатта, меъёрдаги ҳаяжон бўлиши табиий. Бу сизга бари бир эмаслиги ва яхши таассурот қолдиршга ҳаракат қилаётганингизни кўрсатади.
13. Ишончсиз маълумотлар, айниқса, тавсияномаларни тақдим қилиш.
14. Ҳал қилинмаган масалаларни очик қолдириш.

### **Мулоқотдан сўнг**

Сухбатдан сўнг сизни эслаб қолганликлари ва яхши таассурот қолдира олганингизга ишонч ҳосил қилишингиз керак. Бунинг учун бир қатор ҳаракатларни амалга ошириш керак.

1. Сиз билан суҳбатлашганларнинг барчасига миннатдорлик ёзувини ёзинг. Танишганингиздан мамнун эканлигингиз ва бирга ишлишни хоҳлашингизни ифодаловчи бир-икки жумла ёзсангиз кифоя.
2. Ҳаммага бир хил фикр ёзманг.

3. Агар бошқарув тизимидан кимдир алоҳида ёрдам берган бўлса, буни ёзувингизда кўрсатиб ўтинг.

4. Суҳбатдан маълум муддат ўтиб ҳам сиз билан боғланишмаса, кўнгироқ қилинг ва қабул қилинган қарор ҳақида шахсан қизиқиб кўринг.

5. Телефон орқали хабарни қисқа ёзинг, исмингиз ва телефон рақамини хабар аввалида ҳам, охирида ҳам кўрсатиб ўтинг.

6. Агар суҳбатдошлар қарор қабул қилишга иккиланишаётган бўлса, бирор кунни оғисда ўтказицингизни ёки муҳокама қилинган мавзу бўйича бизнес-режа қилишни таклиф қилинг.

7. Қабул қилинишингиз мумкин бўлган иш жойига тавсиянома берган одамларга хабар бериб чиқинг.

### **Ўзингиз ҳақингиздаги фикрни қабул қилишга тайёр туринг**

Шахсий қиёфани бошқарищдаги энг қийин жараён бу – ўзингизни ташқаридан бошқа одамлар кўриб турганидай кўра ол-маслигингиз бўлса керак. Ўтказилган кўп-лаб тадқиқотлар натижаларига кўра, инсон ўзига нисбатан атрофдагилардан кўра, ўз-ўзига танқидий муносабатда бўлишга мойилроқ. Бир вақтнинг ўзида у ўзини қониқарсиз тутаёттанини англааб етмаслиги мумкин.

Ўзингизни четдан кузатиш ва баҳо бериш учун:

- Ўз чиқишлиарингизни диктофонга ёзиб ёки видеотасвирга тушириб, сўнг тингланг ва кўринг. Кўзгуда ташқи кўринишингизни бузиб турган ҳолатларни кўриб чиқинг. Соқолингиз тоза олинганми? Сочингиз бетартиб эмасми? Кийимларингиз дазмолланганми?
- Ўзингиз ишонган ҳамкасларингиздан ташқи кўринишингиз ва хулқ-авторингиз ҳақида фикр билдиришларини сўранг.
- Атрофдагиларнинг сизга муносабатини ўрганиб боринг.

*Бизнинг дунёимизни доим  
одамларга қувонч улашувчи  
вазиятларни қидирадиган  
инсонлар бошқаради. Агар  
топа олмасалар, унда ўзлари  
шу вазиятни яратадилар.*

**Жорж Бернард Шоу**

Айниқса, иш қидириб юрган дўстларингиз сиз ҳақингизда фикр айти оладиган энг яхши манба. Ўз навбатида сиз ҳам уларга ёрдам бера олишингиз мумкин.

Ўзингизни тренер ёки мураббий сифатида тасаввур қилиб кўринг. Бошқа инсонлар ҳақида қайси манбаларга кўра хulosा чиқаришингизни таҳдил қилинг. Яхши амалларга эътибор қаратиб, салбийларидан воз кечинг. Ўз кузатишларингизни ҳамкасларингиз билан мухокама қилинг. Лекин танқид асосли ва яхшиликка хизмат қилиши керак.

## **Резюме**

- Резюме тузишда риоя этиладиган 10 та қоида:
  1. Резюме жуда узун бўлмаслиги керак.
  2. Резюме баландпарвоз гаплардан иборат бўлмаслиги керак.
  3. Резюмеда муваффақиятсиз тажрибангизни кўрсатманг.
  4. Резюмега тавсияномалар рўйхатини киритманг.
  5. Аниқ лавозим номни кўрсатманг.
  6. Резюмени «талаблар»дан бошламанг.
  7. Эски резюмени янги вакансияга мослаштирунганг.
  8. Маълумотларга керагича эътибор қилинг, лекин билимларингизга ўта кўп эътибор бериб юборманг.
  9. Яхши ёзилган резюмени орфографик ва услубий хатолар қилиб бузиб кўйманг.

*Севган ишингизни  
қилинг, шунда бир кун ҳам  
ишилашингизга тўгри келмайди.*

## **Конфуций**

- 10. Резюмени вақти-вақти билан ўқиб туринг.
  - Резюме ва алоқа хати ўз-ўзини реклама қилиш белгиси эканлигини унуманг. Уларнинг мақсади – иш берувчини сизни сухбатга чақиришига ундаш.
  - Суҳбат – иш қидиришдаги муҳим босқич. Бу салоҳиятли иш берувчига ўзингизни тақдим қилишингиз учун ягона им-

коният. Биринчи мuloқотда унда яхши таассурот қолдира олмасанғиз, бошқа бундай имконият бўлмайди.

• Суҳбатга борищдан аввал имкон борича иш берувчи ва компания ҳақида кўпроқ маълумотта эга бўлинг. Сиз унга нима таклиф қилишингиз ва қобилиятларингизни қандай қилиб ишончли тарзда тақдим қила олишингизни ўйлаб кўринг.

*Сизнинг вазифангиз ўз  
мақсадингизни топиш ва  
унга бутун борлигингишни  
топширишидир.  
**Будда***

• Мулокотни имконият даражасида дўстингиз ёки ишга ёллаш бўйича консультант билан репетиция қилиб кўринг. Мулокотни видеотасвирга олиб, қайта кўриб чиқинг ва ишонган ҳамкасларингизга ҳам кўрсатинг.

• Ҳар бир суҳбатга пухта тайёргарлик кўринг. Биринчи мулокот худди сўнгтиси каби мухимдир. Ёки аксинча.

• Ҳар бир мулокотни режалаштиринг. Аввалги суҳбатлар, кўпроқ берилган саволлар ва компания ҳақида қўлга киритган янги маълумотларингизни инобатта олиб стратегиянгизни белгиланг.

• Ҳар бир суҳбатдан аввал ўхшашиб саволлар, шунингдек, нималар мумкин ва нималар мумкин эмаслиги ҳақидаги маслаҳатларни кўриб чиқинг.

• Ҳар бир мулокотдан сўнг барча суҳбатдошларга миннатдорлик мактубларини юборинг.

## ТҮККИЗИНЧИ БОБ ФАОЛИЯТ ТУРИНИ ЎЗГАРТИРИШ

Агар хизмат поғонасидан күтарилиш имконияти бўлмаётган бўлса, унда фаолият турини тўлик ўзгартиришингизга тўғри келади. Тарихда ўз касбини ўзгартириб катта мартабага эришган инсонлар ҳақида мисоллар кўп. Гоген буюк рассом бўлишдан аввал банк хизматчиси бўлган. Бенжамин Франклин ўз фаолиятини босмахона ишчиси сифатида бошлигани. Дейл Карнети мураббий ва ёзувчи бўлгунча савдогар ҳамда актёр сифатида фаолият кўрсатган.

Кўп ҳолатларда фаолият турини алмаштириш буюк одамларники каби катта ўзгаришларга олиб келмайди. Муҳандис фотосуратчига айланади, ўқитувчи университетта қайтади ва тиббиётни ўрганади, сотувчи реклама ходими, ҳатто руҳонийга ҳам айланиши мумкин.

Одамлар узоқ йиллар билим олиб, меҳнат сарфлаб, эгаллаган касбларини алмаштиришларига сабаб бор.

**1. Боши берк кўча.** Эртами-кечми бошқа ҳеч қаёққа юришнинг иложи қолмаган давр келади. Сотувчи бўлимда энг зўри деб тан олинса-да, лекин унинг менежерликка ўтиш имконини рад этадилар; ҳамширага навбатдаги босқичга ўтишга

тажриба ёки хоҳиши етишмайды. Агар сиз ўз соҳангиз доирасида эришилган ютуқлар билан чекланмоқчи бўлмасангиз, фаолият турини ўзгартириш вариантини кўриб чиқинг.

**2. Профессионал ўсиш шароитларининг ўзгариши.** Сиз бу соҳадаги ишни танлаганингизда ўша пайтда мавжуд бўлган шароитларга ишонгансиз. Шарт-шароитлар ўзгарди ва бу иш сизни энди қониқтирмайди. Технологик ривожланиш ва бошқа омиллар сабаб у ёки бу соҳа муҳимлиги ҳамда долзарблиги ортиши ёки аксинча пасайиши, бугун нуфузли ҳисобланган касб ўн йилдан сўнг долзарб бўлмай қолиши мумкин.

*Касбий фаолиятингиз  
муваффақияти сиз  
қилишингиз керак бўлган  
барча ҳаракатларни қандай  
бажарганингиздан кейинги  
ҳаракатларга боғлиқ.  
**Брайан Трейси***

**3. Саноатдаги пасайиши.** Баъзида саноатнинг у ёки бу тармоғида қисқа муддатли ёки узоқ муддатли пасайиш кузатилади. Совуқ уруш тутаб, собиқ Иттифоқ парчалангандан сўнг АҚШ ҳукумати фазовий ривожланишни тўхтатиб, мудофаани инвестициялашни қисқартирди. Бу икки тармоқка даҳлдор бўлган кўп касблар ўз-ӯзидан бекор қилинди. Муҳандислар, физиклар ва бошқа олимлар, шунингдек,

бошқарув ходимлари ўз мутахассислиги бўйича иш топа олмаган эдилар. Кўпчилиги касбини ўзгартиришга мажбур бўлди. Дурадгор, архитектор, кўчмас мулк бўйича агентлар ва декоратор каби мутахассисларнинг ишсизлиги туфайли кўчмас мулк бозоридаги иқтисодий барқарорликка путур етди. Кўпчилик учун фаолият турини ўзгартириш вазиятдан чиқиб кетиш йўли бўлди.

**4. Шахсий хulosалар.** Баъзида одамлар фаолият турини мазкур иш уларга қизиқарли ва қониқарли бўлмагани учун ўзгартирадилар. Айрим руҳшунослар зерикиш ва руҳий зўриқишига чек қўйиш учун касбларни умр давомида икки ёки уч марта ўзгартиришни тавсия қиласидилар. Бироқ кўпчилик одамлар буни нотўғри деб ҳисоблайдилар. Вактинчалик ноқулийлик – малакани ўзгартиришга сабаб дегани эмас. Иш жойи ёки фаолият турини ўзгартириш масалаларига жуда жиддий ёндашиш зарур. Бир хил мажбуриятни бажаравериш оқибатида ҳар бир одамда кейинчалик зерикиш ҳиссини пайдо қиласиди. Бундан ташқари, касблар бир хиллиги ва оғирлиги билан фарқ қиласиди. Бирор бир янги нарсани синааб кўриш кўп одамини ўзига жалб қиласиди, бироқ бу ўз ҳаётини тубдан ўзгартиришга сабаб бўлади дегани эмас. Биринчи навбатда янги лавозимга ёки турдош бўлимга ўтиш вариантини кўриб чиқиши мақсадга мувофиқ.

## Янги касб танлаш

Малакани ўзгартириш енгил вазифа эмас. Ёшингиз улғайгани ва бир ища қанчалик кўп ишлаганингиз сари иш ҳақингиз шунча юқори бўлади. Ушбу омилнинг ўзиёқ касбни ўзгартириш ҳақидаги масаланинг жозибадорлигини пасайтириши мумкин. Агар қарор қабул қилган бўлсангиз, оғир меҳнат, йиллаб билим олиш ва

*Ўзингизни хизмат погонасидан  
кўтарилишинг меъмори эмас,  
ҳайкалтароши деб билинг. Болга  
уришга, йўнишга, тозалашга  
ва сайқал беришга астойдиг  
тайёргарлик кўринг.  
**Б.К.Форбе, ношир***

тажриба тўплашга тайёр бўлинг. Сиздан вакт, куч ва маблағни аямаслик талаб қилинади. Шунга қарамай, бу мақсадга эришиш йўлида сизнинг ҳафсалангизни пир қиласидиган кўп нарсалар бор. Ушбу ҳолатда профессионал маслаҳати фойдали бўлиши мумкин. Кўпчилик одамлар касбий йўналтириш фақатгина хизмат погонасидан кўтарилиши режалаштираётган талабалар учун керак дея хисоблайдилар.

Профессионал консультантлар мижозларга турли услублар билан ёрдам берадилар. Инсоннинг яширин салоҳияти ва қобилияtlарини кашф этишга ёрдам берувчи тестлар ўtkазилади. Айрим одамлар у

ёки бүгіншілоди мавжудлигини тасаввур ҳам қылмаидилар. Масалан, маълум бир соҳада ишилашиб режалаштираётган муҳандис ўзида музоммәрлар олиб бориш ва муаммоларни ижодий ечиш қобилияти борлигини хаёлига ҳам келтирмайди. Ишга қабул қилишдаги сўровнома тузишдан фарқли ўлароқ, бу каби тестлар сиздаги камчиликларни аниқлашга эмас, балки сизнинг фазилатларингизни тушунишга хизмат қиласи.

Тестларга қўшимча сифатида консультантлар фикрлаш доирангиз ва ишларнинг турли қўринишларига муносабатингиз, шунингдек, хизматдаги ўсишта бевосита боғлиқ бўлмаган шахсий қизиқишиларингизни ҳам дикқат билан ўрганадилар. Улар учун сизнинг хоббингиз, жамоатчилик фаолиятидаги йўналишларингиз, мактаб ва университетда қандай тўгаракларга қатнашганингиз, касбнинг аҳамиятли томонлари, турмуш ўртоғингиз ва бошқа оила аъзоларингиз, шунингдек, дўстларингиз қизиқишиларини билиш жуда муҳим. Буларнинг барчаси уларга сизга кўпроқ қайси фаолият тури тўғри келиши ва қайси касбда сиз максимал даражада ўзингизни намоён қила олишингизни тушунишлари учун керак.

Консультантлар маълум бир фаолият тури билан шуғулланишни камдан-кам маслаҳат берадилар. Улар муваффақиятли бўлиши мумкин бўлган бир нечта йўналишни танлашни таклиф қиласидилар.

Шундан сүнг улар танланган соҳа бўйича аниқ талаблар ҳақида батафсил маълумотни тақдим этадилар.

Ўн уч ёшли Берт сугурта агенти сифатида олиб борган саккиз йиллик фаолияти давомида маълум бир муваффақиятларга эришди. Шундай бўлса-да, келгусида ривожланиш имкониятларини кўрмагани ва бир хилдаги вазифаларни яна йигирма беш йил бажаришни хоҳламагани сабаб бу иш унга ёқмай қолди. Тестдан ўтказиш ундаги рассомлик қобилиятини каشف қилди. Хобби ҳам ижод билан боғлиқ бўлиб чиқди (у маҳаллий театр сахнасини безаган ва скаут (ёш ижодкор)лар клубида рассомчилик тўгарагини олиб борар эди).

Консультант Бертта ўз истеъодини муваффақиятли қўллаши мумкин бўлган бир нечта йўналишларни таклиф қилди: интерьер дизайнери, модалар бўйича консультант, мерчандайзер (товаршунос ёки товаршунос ёрдамчиси), расм ўқитувчиси ва х.к. Берт рўйхатдан интерьер дизайнери ва модалар бўйича консультантни ажратиб олди. Консультант Берти ушбу касблар хусусиятларини тушуниб етишга, келгусида хизмат юзасидан олдинга юрища зарур бўлган қўшимча билим ва тажриба олишга ёрдам берган одамлар ҳамда ташкилотлар билан таништириб қўйди.

Касбий йўналиш бўйича профессионал консультацияни мутахассислардан қидирган маъкул. Кўпинча бундай хизматдан фойдаланадиган маҳаллий коллеж ёки университеттага мурожаат қилинг. Бундай

хизматни, шунингдек, бутун дунёда мавжуд бўлган ихтинослашган агентлик ва қумиталар ҳам тақдим этади.

### **Ўзгаришлар даври**

Фаолият турини ўзгаришишнинг бир неча хил услуби бор: аралаш касбларни танлаш, малакани ўзгаришиш ва ўз ишини бошлиш.

### **Аралаш касбларни танлаш**

Аралаш касбларни танлаш – энг осон йўл. Муҳандис – конструктор Карл ишлаб чиқариш бўйича муҳандисликка ўтиб ишлагандай, сиз ҳам янги иш жойидаги билим ва профессионал тажрибангиздан самарали фойдаланишингиз мумкин. Ушбу йўл билан Карл техник билимлари ва тажрибасини ўзи учун мутлақо янги йўналишда қўллай олди. Техник маҳсулотлар савдоси унга муҳандислик билимлари орқали одамлар билан мулоқот ва ҳамкорлик қилиш истагини рўёбга чиқариш имконини берди.

Авваламбор ўз қобилияtlарингиз ва қизиқишиларингизни консультант ёки кадрлар бўйича мутахассис ёрдамида мустақил равишда таҳлил қилинг. Қайси соҳаларда ишлашни хоҳлашингизни ўйлаб кўринг ҳамда ўз билим ва амалий қўникумаларингизни ишлашингиз мумкин бўлган касблар талабларига мувофиқлаштиринг. Бу орқали сиз салоҳиятли иш берувчи билан мулоқотта тайёргарлик кўрасиз. Агар

у ҳозирги касбингиз ва сиз келгусида хоҳла-  
ёттан янги касб ўртасидаги тафовутга ургу  
бера бошлиса, сиз эса, аксинча, бу икки касб  
ўртасидаги ўхшашликларни кўрсата оласиз.  
Муваффақиятли иш ташкил этиш учун қу-  
йидаги муҳим ҳаётий талабларни унутманг:  
сабот, ақл, мақсад сари интилиш ва ҳ.к.

### **Малакани ўзгартириш**

Фаолият турини тубдан ўзгартириш ара-  
лаш касбларга ўтиб ишлашдан бир мун-  
ча қийинроқ. Интенсив курслардан ўтиш  
(белгиланган муддатда йирик ҳажмдаги  
ва маълум бир йўналишдаги билимларни  
ўзлаштириш) ёки бошқа соҳа бўйича ик-  
кинчи маълумотни олишга тўғри келади.  
Агар айни дамда кимёгар бўлиб ишлаёт-  
ган ва келгусида ҳукуқшунос бўлмоқчи  
бўлсангиз, унда камида уч йил давомида  
ҳукуқшунослик асосларини ўрганишин-  
гизга тўғри келади. Ҳатто кимёning бошқа  
мутахассислиги бўйича ишилаш учун ҳам  
бир неча ой ва йиллар қўшимча билим  
олиш талаб этилади. Айрим ҳолатларда  
иш берувчи янги ходимлар учун ўқув курс-  
ларини ташкил этади, лекин бу ҳолатда  
сиз маблағ сарфлашингиз керак бўлади.  
Ва ишга қабул қилинган бўлсангизда, бир  
неча ой ўқишга мажбурсиз.

Малакани ўзартириш ҳақида қатъ-  
ий қарор қабул қилишдан аввал «ҳа» ёки  
«йўқ»ларни тарози палласига қўйиб кўринг.  
Бу ўринда профконсультантга маслаҳат учун  
мурожаат қилиш тавсия қилинади.

Консультантта мурожаат қилишдан ташқари, янги иш йўналишини танлашда ўзингизга ўзингиз ёрдам беришингиз мумкин.

• *Материалларни ўрганиш.* Китоб ўқинг, ихтисослашган журналларга обуна бўлинг. Босма нашрлардан турли касблар, компаниялар, лавозимлар ва ҳ.к.лар ҳақидаги жуда кўп фойдали маълумотларни олиш мумкин.

*Хеч қачон мамнуният  
багишламайдиган иш билан  
шугулланманг. Агарга ўз  
ишингиз ёқса, сиз ўзингиздан  
қониқяпсиз ва баҳтлисиз.  
Мустаҳкам согликка эга  
бўлган шароитда баҳт ва  
ички хотиржамлик сиз орзу  
ҳам қилмаган омадга кафолат  
беради.*

***Роджер Карас,  
телевидение шарҳловчи  
ва ёзувчи***

• *Сайтлар.* Компаниялар сайtlарини ўрганиб боринг. Уларнинг товарлар ассортиментлари ва хизматлари, вакансиялари, улушли бозорлар ва ҳ.к.лар билан танишиб боринг. Интернетда сизни қизиқтираётган соҳада банд бўлган ходимлар мақолалари ва блогларини топинг.

• *Мулоқот.* Мутолаадан кўра фақатгина сиз қизиқаётган соҳада банд бўлган

одамлар билан шахсан кўришишга нафойдали бўлиши мумкин. Буни дустлар ва қариндошлардан бошланг. Чунки уларнинг мазкур соҳада ишлайдиган танишлари бўлиши мумкин. Бу одамлар ишлайдиган маҳаллий компаниялар билан боғланинг. Улардан шахсан учрашиш ҳақида илтимос қилиб кўринг. Агар сизга ёрдам бера оладиган кишини топа олмасангиз, ихтинослашган журнал мухарририга кўннироқ қилинг ва учрашишни ёки бирор бир мутахассисни тавсия қилишини сўраб кўринг.

Аниқ бир одамдан сухбат жараёнида олинган маълумотни китобдан топиш қийин. Мутахассис сизга қасбнинг кундаклик муаммо ва қийинчиликлари, иш шароити, хизмат поғонасидан ўсишнинг реал имкониятлари, молиявий тўловлар ва бошқа жиҳатлар ҳақида гапириб бериши мумкин.

Агар иложи бўлса, қасбнинг мураккаблик даражаси ва унинг қанчалик қизиқарли эканлигини реал баҳолаш учун мутахассисдан унинг офиси ёки иш жойида бир кун бўлиб кўришингизни илтимос қилиб кўринг. Сизни қасбга жалб қилган ижобий омиллар салбийлари олдида ҳеч нарса бўлмай қолиши мумкин. Ёки аксинча, четдан бўлган қараш сиз қабул қилган қарорнинг тўғрилигига ишонч ҳосил қилиши мумкин.

## **Муваффақиятли малака ўзгартиришга мисоллар**

### **Майк X.: мұхандисликдан шифокорликка**

Майк мұхандис-механик мутахассислиги бўйича маълумотта эга бўлиб, авиаконструкция ишлаб чиқарувчи бўлиб ишлар эди. Бу иш уни қониқтирмас ва профессионал ўсиш имконини бермасди. Кўп йил кўшимча ўқиш кераклигини билса-да, у узоқ ўйланишлардан сўнг тиббиёт ва стоматология билан шуғулланишга қарор қилди. Майк ушбу мавзудаги мавжуд барча адабиётларни ўқиб чиқди ҳамда кўнлаб тиши шифокорлари ва тиббиёт ходимлари билан сұхбатлашди. У бир нечта тиббий ўқув муассасаларида бўлиб, ўқитувчилардан унинг ёшидаги ва мутахассислигидаги инсон касбини шифокорликка ўзгартириши мумкин ёки мумкин эмаслиги ҳақида маслаҳат сўради. Майк турли қобилиятларни аниқловчи тестларни топширди ва тиббиёт коллежига кириш учун имтиҳон топшириб, юқори балл тўплади.

Майкнинг ҳал қилувчи қарорни қабул қилишига шифокорлик касбининг барча ютуқ ва мураккабликларини тушунтира олган йирик клиника бош шифокори ёрдам берди.

Майк тиббиётни танлади. Бунинг учун у ҳозирги ўттиз ёшида вақт ва пул сарфлашга тайёр эканлигини тушуниб етди. У турмуш ўртоғи ва фарзандларининг молия-

вий таъминотини етарлича амалга ошириди ва нуфузли тиббиёт колледжига қийинчиликларсиз ўқишига кирди. Чунки у ерда Майкнинг техник маълумоти ва иш тажрибасини тиббий билимларни ўрганиш учун қониқарли база сифатида баҳолашди. У колледж ва интернатура (тиббиёт институтлари (айрим давлатларда колледжлар ҳам олий таълим муассасаси сифатида кўрилади) битирувчиларининг дипломдан кейин шифокорлик касбининг бирор йўналиши бўйича дастлабки ихтисослашуви)ни ҳам аъло баҳоларга тамомлади. Техник фанларга нисбатан тиббиётни ўзлаштириш қийин бўлмади. Майк ҳозир мувваффақиятли (ва баҳтли) шифокор-анестезиолог. Муҳандислик тажрибаси унга тиббиёт амалиётида фойдали янгиликларни жорий қилишга ёрдам берди.

Майк каби фаолият турини тубдан ўзгартиришга қарор қабул қилиш ҳолатида сиз нафақат ўз салоҳиятингиз ва қизиқиш даражангиз, балки касб ва малакани ўзгартириш жараёнида пайдо бўлиши мумкин бўлган қийинчиликларни ҳам тўғри баҳолай олишингиз керак. Аниқроғи, сизнинг қиммат таълим курсларидан ўтишингизга тўғри келади. Ўқиш туфайли даромадларингиз ҳам камаяди. Кутилаётган харажатларни оиласингиз билан албатта муҳокама қилинг ва ҳар бир фикрни инобатга олинг.

## **Кимберли: Бозор тадқиқотчилегидан математика ўқитувчилигига**

Кимберли фармацевтик маҳсулотлар бозорини таҳлил қылувчи мутахассис сифатида беш йил ишлади. Юқори малакали статист сифатида бу аёл мазкур соҳада энг юқори иш ҳақига эга бўлди. Маркетингта ўтиш учун унга савдодаги тажриба зарур эди. Шундай бўлса-да, Кимберлини савдо эмас, балки ўқитувчилик кўпроқ қизиқтиради. У математика ўқитувчилари кам эканлигини билар эди. Шу боис, ушбу соҳани ўрганишга қарор қилди. Барча зарур маълумотларни йигиб бўлгач, Кимберли уларни оддий тизимни қўллаш бўйича таҳлил қилиди: у варақнинг бир четига математика ўқитувчисига қўйилган талабларни, иккинчи томонга эса, мазкур соҳадаги ўз ютуқларини ёзди. Шундай қилиб, у ўқитувчилик қилиш учун қайси жиҳатларни такомиллаштириш кераклигини аниқлади.

Кимберли жадвали:

**Шахсий маълумотлар:**

Маълумоти: олий математика

Амалий бошқарув магистри

**Тажриба:**

Статистик таҳлил

Ҳисоботларни тузиш

Ёш мутахассисларни ўқитиш

**Профессионал талаблар:**

Олий математик маълумот

Таълим курслари

**Ўқитувчи дипломи**  
**1 йиллик ўқитувчиллик тажрибаси**  
**Тавсия қилинади: олий математикани**  
**қўллаш орқали ишлаш**

Кимберли педагогик маълумот олиш кераклигини тушуниб етди. У педагогик коллежга ўқишига кириш учун кечки тайёрлов курсларига ёзилди. Амалий бошқарув дипломи ва бозорни ўрганиш соҳасидаги иш тажрибасига эга бўлгани ҳолда у бир ярим йил ичидаги тўлиқ курсни тамомлади. Дипломдан кейинги тақсимотни олиш учун Кимберли ўз ишини ташлади. У битириув имтиҳонларини муваффақиятли топширди ва шу заҳоти университетга олий математика ўқитувчиси этиб ишга қабул қилинди.

***Джим: учувчи-мерганликдан руҳонийликка***

Джим Ироқдаги уруш даврида жанговар самолётларда учарди. У жанговар хизматлари учун орден билан тақдирланди ва қуролли ҳаво кучлари подполковниги даражасигача бўлган йўлни босиб ўтди. Йигирма йиллик хизматдан сўнг Джим

***Хаётдаги энг катта хато  
бу – нул топши мақсадида  
бизнесни бошлишдир.***

***Кўнглигизга ёққан ишини  
қилинг, вақти-соати билан  
пул ўзи келади.***

***Герман Гарсон, актёр***

истеъфога чиқишига қарор қилди. Унга ҳалигача учиш ёқар ва у бемалол фуқаро авиациясида ишни давом эттириши мумкин эди. Шундай бўлса-да, Джим фаолият турини тубдан ўзгартиришни лозим деб топди.

У болалигидан черковга қатнар, бироқ коллеждан кейин бу машғулотни ташлаб кўйган эди. Ироқдаги иккинчи уруш даврида унинг самолёти талафотга учради. Джим хавфли кўнишни амалга оширишга мажбур бўлди. Иккинчи учувчи ҳалок бўлди. У эса фақат енгил жароҳатлар олди. Джим омон қолгани учун Яраттанинг олдida қарздорлигига ишонар эди. Шу боис, қолган ҳаётини парвардигор хизматида ўтказишга қарор қилди. Уйта қайттач, уни ҳарбий гарнизонга ишга жўнатишиди. Бу ерда Джим маҳаллий черковдаги диний хизматларда фаол қатнашди. Маънавий устозининг маслаҳатига кўра, у диний таълимни ўргана бошлади. Джим диний коллежнинг кечки курсларига ёзилди. Кейинчалик Бирлашган диний семинариясига ўқишига кирди. Олий маънавий даражага этишига, уни Пенсильваниядаги черковга руҳоний этиб тайинлашди. Джим ҳозир ҳам севимли иши билан банд.

### *Эндрю: полициячиликдан гўрковликка*

Эндрю ўз фаолиятини икки марта ўзгартирган. Университетни тамомлагач, чилангар ёрдамчиси бўлиб ишлади. Бироқ

заводдаги иш унинг учун эмаслигини тезда тушуниб етди. У станоклар билан эмас, одамлар билан ишлагиси келар эди. Эндрюни полициячилик касби қизиқтириб қолди, шунинг учун у маҳаллий колледжати маҳсус курсларга ёзилди. Дипломни олиб амалиётни ўтаб бўлгач, ўзининг қадрдан шаҳрига полицияга ишга қабул қилинди.

Унга полициячи иши ёқар эди. Ҳатто уни хизмат поғонасидан кўтаришиб терговчиликка тайинлашди. Бироқ Эндрюда бутун умрини бу ишга бахшида қилиш нияти йўқ. Унинг дўстларидан бири маҳаллий дағн маросимлари бюросида ишлар эди. Эндрю дўстининг олдига тез-тез келиб турад эди. У мазкур иш билан қизиқиб қолди. У ҳаётида энг фожиали дамларни бошдан кечираётган инсонлар дардиди енгиллаштиришга бюро директори ва унинг ходимлари ёрдам берадиганини ўз кўзи билан кўрар эди. Эндрю шундай эзгу амалларни бажаришга қарор қилди ва тегишли билимларни олди.

Эндрю полициячиликни дағн маросимини ўтказиш иши билан бирга олиб бора бошлади. Бир неча йилдан сўнг ўзининг дағн маросимлари бюросини очди. Полицияда йигирма бир йил ишлаб истеъфога чиқди ва фақат юқорида айтиб ўтилган иш билан шуғуллана бошлади. Мазкур ишга бўлган садоқат уни шаҳардаги дағн маросимлари бюролари директорларининг энг хурматлисига айлантириди. Бундан ташқа-

ри, унинг ўғли отаси изидан боришга қарор қилиб, қўшни шаҳарда иккита дафн маросимибюросини очди. Ўтган йили уларнинг сафига Эндрюнинг йигирма ёшли набираси ҳам қўшилди.

### *Бошлаган ишини ташламанг*

Профессионал фаолиятни тўлик ўзгартиришга қарор қилган кўпчилик одамлар тури қийинчилликларга дуч келишади. Кўпинча уларга бошлаган ишларини охирига етказиши насиб этмайди. Бу муваффақиятсизликларга доим ҳам қобилиятнинг етишмаслиги ёки фаолиятнинг янги йўналишларини қидирувчиларга нопрофессионаллар дея ишончсизлик билан қарашиб сабаб бўлмайди. Асл сабаб муваффақиятга эришиш учун астойдил киришмаслиқдадир. Касбни алмаштириш оғир меҳнат, ўзини баҳшида қилиш ва қийинчилликларни енгишга ижодий ёндашишни талаб қиласди.

### *Хусусий бизнес*

Хусусий бизнесни бошлаш баъзида профессионал фаолият турини ўзгартиришнинг энг яхши варианти ҳисобланади. Балки сизда ҳётта татбиқ этмоқчи бўлган ғоя бордир. Балки фабрика, дўкон ёки сервис компаниясини очиб ишламоқчиидирсиз.

Бу ҳолатда бошқалар фикрига муте эмасиз. Сиз учун эшиклар очиқ ва хоҳдаган ишингиз билан шуғулланишингиз мумкин. Агар бунинг учун пулингиз бўлса, албатта.

Бизнес маблағ қўйилишини талаб қиласди. Кутилаётган харажатларни ҳисоб-китоб қилмай туриб, ишни бошлиш хақида ўйлаб ўтирманг. Кўпинчабошловчи бизнесменга иши юришиб кетмагунча бир неча ой мобайнида иш ҳақидан бош тортишга тўғри келади. Ҳар қандай бизнес таваккалчиликка асосланади. Мабодо омадсизликка учрасангиз, бизнесга тиккан пулингиздан айрилиб қоласиз. Бошқа томондан қараганда, хусусий иш юритишнинг афзаликлари бор. Сиз нафақат катта маблағ ишлаб топишингиз, балки қимматли сармоя эгасига айлананишингиз ҳам мумкин. Муваффақиятли бизнесни ҳар доим сотиб юбориш мумкин.

Хусусий иш юритиш мустақил равишда муҳим қарор қабул қилиш ва ўзингизга ўзингиз раҳбарлик қилиш каби кўплаб имкониятларни беради. Жуда кўп ишлашга тўғри келади. Лекин сиз касбий ўсишингизни ўзингиз баҳолай оласиз ва бу масалада кимгадир ёқиш шарт эмас. Ишбилармонлик соҳасини танлаётганда ўзингиз масалани тез англайдиган ва тушуниб қолган йўналишларга ёндаштанингиз маъқул. Энг оммалашган омадсизликлар ичиди

*Сиз вазиятни эмас,  
ўзингизни бошқаришингиз  
керак. Шуни англаб етсангиз  
кучга эга бўласиз.  
**Марк Аврелий***

пул етишмаслигидан кейинги ўринда билимсизлик туради.

### *Хусусий ишни бошлиш шартми?*

Сизда муваффақиятли бизнес юритиш учун қобилият борми? Буни аниқлаш учун қуийдаги саволларга рўй-рост ва очиқ жавоб беринг. Уларга сизнинг номингиздан дўстингиз ҳам жавоб беришини илтимос қилинг. Заиф томонларингизни тан олинг ва иложи бўлса уларни бартараф этишга ҳаракат қилинг. Акс ҳолда хусусий ишни бошламаган маъқул.

Ҳар бир босқичда сизга мос келадиган аниқликларни белгилаб боринг.

### *Мен ташаббускор одамманми?*

- Мен ҳамма нарсани ўзим қиласман. Ҳеч ким мен нима қилишимни эслатиб турмайди.
- Ишни борчашимга кимдир ёрдам берса, мен бошланган ишни мустақил рашидда охирита едишишга тайёрман.
- Билмадим. Ўажбур қилишмаса, мен ҳеч нарса қилмайм.

### *Одамлар билан мул олдамен қандайман?*

- Мен одамларни яхши қўраман ва ҳамма билан тил топиша оламан.
- Менинг дўстларим бор. Менга бошка ҳеч ким керакмас.
- Кўпчилик асабимни кўзгайди.

### *Мен масъулиятлімәнми?*

- Ишнинг боришини назорат қилиш менга ёқади.
- Агар зарур бўлса, мен ишларнинг боришига жавоб беришга тайёрман, аммо масъулиятни бошқа кимдир зиммасига олгани маъқул деб ҳисоблайман.
- Ҳамма нарсани ўз бўйнига оладиган «мард» доим топилган. Қаршилигим йўқ.

### *Мен яхши ташкилотчимәнми?*

- Мен ҳамма нарсани ҳамиша режалаштираман. Менда ҳамма нарса ҳисобга олинган. Муаммо пайдо бўлса, нима қилишни яхши биламан.
- Ҳамма иш бир текис кетаётган пайдада ташкилотчилик билан шуғулланишга тайёрман. Муаммо пайдо бўлиши билан мен йўқ бўлиб қоламан.
- Мен режалар тузишга ҳаракат қилганиман, аммо улар ҳеч қачон амалга ошмаган. Шунинг учун муаммоларни улар пайдо бўлганда ҳал қиляпман.

### *Мен қанчалик меҳнатсеварман?*

- Мен қанча керак бўлса, шунча ишлайман. Нимадир керак бўлса, кучимни ва вақтимни аямайман.
- Қанчадир муддат қўлим қўлимга тегмай ишлайман. Бироқ мен «етар, бас қилинг» дейдиган вақт бари бир келади.

- Нимагадир эришиш учун ҳолдан тойгунча ишлаш шарт әмас деб ўйлайман.

### *Мен қарор қабул қила оламанми?*

- Энг қалтис вазиятларда ҳам мен түғри қарорни тез қабул қиласаман.
- Ҳаммасини обдан ўйлаб олишим учун менга вакт керак. Қарор шошма-шошарлик билан қабул қилинса, кейин афсус қиласаман.
- Мен мустақил қарор қабул қилиши ни ёқтиirmайман. Бу ишни бошқа кимдир килгани маъкул.

### *Одамлар менга ишонишадими?*

- Албатта, мен ҳамиша айттан сўзим-нинг устидан чиққанман.
- Мен иш юзасидан гапиришга ҳаракат қиласаман, аммо баъзида умумий гаплардан фойдаланаман.
- Бунинг нима аҳамияти бор? Тупурдим.

### *Бошлиган ишамни охирига етказаманми?*

- Ниманидир бажаришга киришдими, мени тўхтатиб бўлмайди.
- Алоҳида тўсиқлар бўлмаса, одатда ишни охирига етказаман.
- Аввалдан нимадир яхши бошланмаса, давом эттиришдан маъно йўқ деб ҳисоблайман.

## *Соғылгым қай ахволда?*

- Мен ҳамиша күч-қувватта тұламан.
- Мен деярли ҳамма ишга ярайман.
- Мен бошқалардан аввал күчдан қоламан.

Бириңчи, иккінчи ва учинчи жағобларни ҳисоблаб чиқинг. Агар бириңчи жағоблар құпроқ бўлса, сизда ишбилармонлик қобилияти бор. Иккінчи ҳолатда сиз мустакия равишда бартараф эта олмайдиган қийинчиликлар мавжуд. Учинчи жағоблар йиғиндиқисида эса кучли ишбилармон ҳамкор топинг ёки хусусий бизнесни бошлиш фикридан воз кечинг.

## *Соҳа түрини танлаши*

Тадбиркорлик соҳасини танлашда тажриба ва шахсий қизиқишлоарни инобатта олиш зарур. Агар сиз фотосуратта олишни яхши кўрган бўлсангиз, унда фототоварлар магазини ёки фотомарказ очишингиз мумкин. Аввалги иш жойингизда ходимларни танлаш ва ишга олишингиз билан шуғулланган бўлсангиз, кадрлар агентличини очишингиз мумкин. Агар сиз яхши механик бўлсангиз, устахона ташкил этиш хақида ўйлаб кўринг.

Бошқа томондан эса, агар қизиқиши тегишли билимларни олишга астойдил интилиш бўлса, умуман янги бўлган ишбилармонлик йўналишида ҳам муваффақиятларга эришиш мумкин.

Кўпилаб майдо компанияларни уч хил фолият турига бўлиш мумкин: ишлаб чиқариш, савдо ва сервис (хизмат кўрсатиш).

Ишлаб чиқариш товарни тайёрлаш ва сотишни талаб қиласди. Бунда сиз нафақат ускуна ва хом ашёга, балки ишлаб чиқариш биноси ижарасига ҳамда ишчилар иш ҳақига ҳам инвестиция киритишингизга тўғри келади.

Ишлаб чиқариш соҳаси муҳандис, технолог ва механик бўлиб ишлаган одамлар учун қизик.

Савдо соҳаси улгуржи ва чакана сотувни назарда тутади. Улгуржи савдогарнинг товар захирасини яратиши, омборхона бинолари ва ходимлар иш ҳақи учун инвестиция киритишига тўғри келади. Чакана сотувчи савдо нуқталари, товар захираси ва савдо агентларига харажат қилиши керак. Шаҳар четида кичик галантерея магазинини бир неча минг доллар сарфлаб очиш мумкин. Аммо шаҳар марказидаги кийим-кечак магазинига бир неча ўн минг доллар керак бўлади. Жиддий сармоя талаб қиласиган йирик универсал магазинлар ҳақида гапирмаса ҳам бўлади.

Хизмат кўрсатиш (сервис) соҳаси қиммат ускуналар талаб қилмагани учун сармоя тикишнинг энг фойдалиси ҳисобланади. Масалан:

- Сотув бўйича агентлик: товар хариди ва омбор ташкил қилиш талаб қилинмайди. Агентлик ишлаб чиқарувчи ёки ул-

туржи савдогар томонидан амалга ошириладиган буюртмани ташкил қилади. Ушбу йұналишдаги иш савдо билан қизиқадиган одамларга түгри келади.

- Консалтинг: күпинча раҳбарлар, шуннингдек, мұхандис, бухгалтер, кадрлар бўйича ва умуман, бошқа мутахассислар ўзининг касбий соҳасида консалтинг хизматларини тақдим этиб муваффакиятта эришадилар. Сармоя тикиш даражаси минимал: фақат оғисни ижарага олиш, мебель харид қилиш, сайт ташкил қилиш ва реклама воситаларини чоп эттириш керак. Бизнесни бир неча ойлик ҳисобларни амалга оширишга етадиган маблағ билан бошлиса бўлади. Энг катта қийинчилик – мижозлар базасини тўплаб олиш. Агар сиз салоҳиятли мижозларни етарлича яхши билмасангиз, ташкилот хавф остида қолиши мумкин.

- Бизнес хизматлар: ўз ишингизни бошлишнинг яхши ва қиммат бўлмаган услуби. Сизнинг қизиқишиларингиз ва қобиляйтингизга мос йұналишни танланг: сайлар ишлаб чиқиш ҳамда уларни техник жиҳатдан ва ахборот таъминоти билан қўллаб бориш, ксерокопия ва нусха қўпайтириш, тўғридан-тўғри почта воситаси орқали рекламани ташкил этиш, йирик бўлмаган компаниялар бухгалтериясини олиб бориш, кадрлар агентлиги, вактинчалик ишга жойлаштириш бўйича хизматлар, инкасация ёки кредит агентлиги ва ҳ.к.

- Истеъмолчилар хизмати: таъмирлаш, солиқ ундириш, уй ҳайвонларини

сақлаш, фитнес-тренер, мусика, расм, чет тиллар ўқитувчиси ва ҳ.к. хизматларига та-  
лаб катта.

Фаолият турларини танлаёттанды шах-  
сий қизиқищларингизни, шунингдек,  
ушбу соҳага бўлган эҳтиёжни инобатта  
олинг. Салоҳиятли харидорлар ёки ми-  
жозлар билан сұхбатлашинг, бозордаги  
рақобатни ўрганинг. Агар ушбу йўналиш-  
га кўп компаниялар жалб қилинган бўл-  
са, уларни айланиб ўтиш ҳақида ўйлаб  
кўринг. Ҳал қилувчи қарорни қабул қи-  
лишдан аввал барча фактларни йигинг ва  
таҳдил қилиб чиқинг.

Ўз ишингизни бошлиш учун маблағин-  
гиз етарлими? Бизнесни бошлиш ва да-  
ромад олиш даражасига етиш учун қанча  
маблағ кераклигини яна бир бор ҳисоблаб  
чиқинг. Агар молиявий муаммоларни ҳал  
қилишга шубҳа бўлса, унда иш бошлама-  
ган маъқул.

### **Бизнесни бошлиш**

Ўз ишингизни бошлашнинг уч йўли  
бор: нолдан бошлиш, ишлаб турган бизнес  
ёки франшиза (брэнд)ни сотиб олиш.

### **Хусусий бизнесни нолдан бошлиш**

Бизнесни нолдан бошлашда сиз фақат  
ўз кучингиз ва маблағингизга ишонишин-  
гиз керак.

*Афзалликлар.* Ушбу ҳолатда франши-  
за ёки тайёр компанияга харажат қилиш

шарт эмас. Сизда ускуна сотиб олиш ва ходимларга иш ҳақи тұлаш учун күпроқ маблағ қолади. Тұловларга мажбуриятингиз йүқлиги учун барча даромад сизга тегади.

**Чекловлар.** Бизнесни юргизиб юбориш учун күп вакт талаб этилади. Күгчилик мижозлар танилиб улгурған маълум фирмалар билан ишлашни афзal биладилар. Номингиз танилиши учун күп ишлашга ва реклама учун күп маблағ сарфлашга тұғри келади. Товарлар ва хизматлар сифатидан қатын назар, истеъмолчилар ва мижозлар сизни таниши учун вакт керак бўлади. Тикланиш даврида кўп хатоларга йўл қўйишингиз мумкин, шунинг учун ушбу соҳада муваффақиятларга эришган профессионаллар ёрдамидан фойдаланган маъқул.

### **Тайёр бизнесни сотиб олиш**

Етарли сармояга эга бўлсангиз тайёр компания ёки бизнесдаги улушни сотиб олишингиз мумкин.

**Афзаликлар.** Ишлаб турган муваффақиятили бизнесни сотиб олишнинг ижобий томони шундаки, бу ерда мижозлар базаси шаклланиб бўлган ва сиз шу пайдан бошлаб даромад ола бошлайсиз. Агар компания даромадли бўлса, асосий ишлар бажариб бўлинган, яъни узоқ муддат талаб қиласиган жараён – мижозлар, етказиб берувчилар ва кредиторлар билан ишлаш масаласи ҳал қилинган. Агар ҳамкор сифатида бизнесдаги улушни сотиб олаётган бўлсангиз, унда сиз тажрибали бизнес

эгасидан иш ўрганиш имкониятини қўлга киритяпсиз.

Чекловлар. Тайёр бизнесни сотиб ола-ётуб адашишингиз мумкин ва зарар қўриб ишлаётган компанияни қўлга киритасиз. Бу хариддан воз кечиш учун сабаб бўлмайди. Сиз «ҳа» ёки «йўқ»ни тарози палласига қўйиб қўришингиз керак. Агар компаниянинг зарар қўриб иглашига сабаб бўлган омилларни бартараф эта олсангиз, масалан, бошқарув тизимини ўзгартирсангиз, қўшимча сармоя киритсангиз, унда харид қилиш мақсадга мувофиқ.

Маҳаллий савдо палатаси ёки бизнесни такомиллаштириш бўйича бюро, шунингдек, компания мижозлари ахборотнинг фойдали манбалари бўлиши мумкин.

Тажрибали бухгалтердан компанияни баҳолаб беришини ва унинг молиявий операцияларидаги ёпиқ ҳолатларга аниқлик киритиб беришини сўранг. Компания билан бирга қандай активларни харид қилишингизни таҳлил қилиб чиқинг. Раҳбарият алмашганидан сўнг ходимлар сиз билан ишлагани қоладими? Албатта, ҳеч ким кафолат бермайди. Шундай бўлса-да, ушбу масалани нафақат раҳбарият билан, балки ходимларнинг ўзи билан ҳам муҳокама қилиш мақсадга мувофиқ. Қайси ускуна, кўчмас инвентарь ва товар қийматга киришини аниқланг. Баъзида ишбилармонлик мулкига баланд нарх қўйиб юборилади. Шунинг учун бухгалтерингиздан барча рақамларни диққат билан қўриб чиқи-

шини сўранг. Агар компания қийматига номоддий активлар (фирманинг бозордаги нархи ва тоза активлари суммасидаги фарқи) кирса, уларнинг қанчалик рационал эканлигини таҳлил қилиб чиқинг. Тўланмаган ҳисоблар ва қарздорлик мажбуриятлари бўйича тўловни ким амалга оширишига аниқлик киритинг. Фақат бухгалтер ёки юрист аниқлик киритиши мумкин бўлган кўп деталлар борлиги учун тажрибали мутахассисни ёллаганингиз маъқул. Бизнесни харид қилаётганда бу масалаларда иқтисод қилиш шарт эмас.

Кўплаб компаниялар фаолиятига аниқлик киритиш учун фақат тажрибали бухгалтер ёки юрист эга бўлган билимлар талаб этилади. Мисол учун, сиз вино сотиладиган магазин, кадрлар ёки суғурта агентлиги ёки кўчмас мулк савдоси билан шугулланувчи фирмани сотиб олмоқчи бўлсангиз, бу ҳолатда лицензия олиш учун мазкур жараён билан яхши таниш бўлган юрист ёрдамисиз ишингиз битиши қийин.

Керакли мутахассисни топиш учун тегишли профессионал бирлашмага ёки яхши юрист ёки бухгалтерни тавсия қила оладиган, даҳлдор соҳада банд бўлган одамларга мурожаат қилинг.

Агар алоҳида ҳолатлар бўлмаса, тегишли хужжатга эга бўлган исталган юрист ёки бухгалтер ҳам бўлаверади. Ушбу ҳолатда етакчи юридик ёки бухгалтерлик компаниясига мурожаат қилиш шарт эмас. Мос келадиган мутахассисни топганингиздан

кейин худди ўз шифокорингиз билан бўлгани каби у билан ҳам рўй-рост ва очик гаплашинг. Агар яхши маслаҳат олмоқчи бўлсангиз, унга ўз режаларингиз ва шубҳаларингизни очик-оидин баён қилинг.

Охирги сўзни сиз айтишингиз кераклигини унутманг. Бухгалтер ва юрист сизга маслаҳат бериши мумкин. Аммо қарорни сиз қабул қилишингизга тўғри келади.

Агар сиз бизнесда улуш сотиб олаётган бўлсангиз ва бизнеснинг асосий эгаси сизнинг ҳамкорингизга айланса, унда сиз компания бир маромда фаолият кўрсатиши кафолатига, шунингдек, тажрибали ҳамкасбдан билим ва консультациялар олиш имкониятига эта бўласиз. Шундай бўлсада, бирга ишлаб кетишингизга ишонч ҳосил қилинг. Чунки шериклик иши никоҳга ўхшайди – бир-бирингизга қачон ён босишни билишингиз керак.

Шунингдек, сиз ҳамкорингизнинг муваффақиятли фаолиятига ҳамда шу фаолиятни мустаҳкамлай оладиган қобилияtlарингиз борлигига ишонч ҳосил қилинг. Агар сизнинг ҳамкорингиз ишбилармон бўлмаса, ўз бизнесини сақлаб қолиш учун фақат сизга ва сизнинг маблағингизга умид қилиб турган бўлса, бундай келишувга рози бўлишдан аввал ўйлаб кўрганингиз маъқул.

Ҳамкорлик ҳақидаги шартномага қўл қўйишдан ёки фирма акцияларини сотиб олишдан аввал тегишли ҳужжатларни тажрибали юристга кўрсатиб олинг. Сиз

киритаётган сармоя ва манфаатларни ҳимоя қилишингиз керак.

## **Франчайзинг**

Франшизаларни сотиб олиш – ўз ишинизни бошлашнинг яна бир йўли. Тўғри танловни амалга ошириш учун франшиза кўргазма-савдосига ташриф буюринг ҳамда босма ва виртуал манбаларни ўрганиб чиқинг.

Фаолият тури ва франчайзерни танлаб олганингиздан кейин унинг нуфузига баҳо беринг. Имтиёз (ўқиш, ускунава инвентарь, хизмат кўрсатиш давомийлиги ва ҳ.к.) учун тўлов нимани кафолатлашига аниқдик киригинг.

Имконият даражасида бошқа франчайзилар билан гаплашиб кўринг. Улар франчайзер хизматларидан қониқяптими ёки йўқми, шуни билинг. Бошқа франшиза соҳиблари билан учрашув сизга ушбу соҳада фаолият кўрсатаётган одамларни яхшироқ билишга ёрдам беради.

Шартномага қўл қўйищдан аввал бухгалтердан компаниянинг молиявий аҳволи, юристдан эса шартнома шартларини ўрганиб чиқишлиарини сўранг. Имтиёzlар учун тўлов ва бошқа молиявий мажбуриятлар тўғри ҳамда иккала томон учун тушунарли эканлигига ишонч ҳосил қилинг. Энг арzon франшиза энг яхшиси дегани эмас.

*Афзаликлар.* Яхши франчайзлерлар ўз оталиқларидағи ҳамкорларга доимий кўмак бериб келадилар. Улар бино тан-

лаш ва уни жиҳозлашга, бюджетни режалаштиришга, ходимларни ўқитишга ёрдам беришади. Ҳар бир амалий босқичда конультация берадилар ва ўз номи ҳамда маркаларини тақдим этадилар. Бошқача айтганда, улар сизнинг тезроқ оёққа туришингизга ёрдам берадилар.

*Чекловлар.* Хусусий бизнесни нолдан ташкил этишдан кўра кўпроқ сармоя тикишга тўғри келади. Тадбиркорликнинг фаолият туридан келиб чиқиб франшизалар бир-биридан тубдан фарқ қиласди. Кўплаб франчайзерлар имтиёзларга тўлов нархини ўzlари белгилайдилар. Бундан ташқари, сиз франчайзердан яна ускуна ва кўчмас инвентарь, шунингдек, хом ашё ва материаллар сотиб олишингизга тўғри келади. Хизмат кўрсатиш соҳасида франчайзерлар одатда сизнинг ҳар бир битимишгиздан лицензион тўловларни ундириб олишади. Франшизани сотиб олишга розилик беришдан аввал ўзингизнинг барча фойдаланувчилик мажбуриятларингизни таҳлил қилиб чиқинг.

Франчайзингнинг ноқулайлик түғдиралигидан яна бир жиҳати бу – унинг франчайзи фаолиятини назорат қилишни хоҳлашидадир. Буни назарда тутинг ва кутилаётган даромадлар салмоғини баҳоланг. Сизнинг франчайзи сифатидаги минимал мустақиллигингиз фақат бизнеснинг дастлабки ривожланиш босқичидагина бўлиши мумкинлигини франчайзер маълумоти учун етказиб қўйинг.

## Резюме

Профессионал фаолият турини алмаштириш мұхим ҳәёттің қарорлардан бири бўлиши мумкин.

Қайси йўлни танлашингиздан аввал синовдан ўтган фактлар асосида барча «ҳа» ва «йўқ»ларни тарозига солинг ва шундан сўнг қарор қабул қилинг.

• Ишни ёки фаолият турини ўзгартириш ҳақидаги қарор – ўта жиддий қадам. Бу қарорни оқлаш учун сизда асосли изоҳлар бўлиши керак. Фаолиятни ишдаги шароитлардан вақтингчалик қониқмаганилигингиж учун алмаштириш шарт эмас.

• Профессионал фаолиятни алмаштириш – ҳамиша қийин вазифа бўлиб келган. Ёшингиз улғайгани сари тажрибагиз ва иш ҳақингиз ҳам ортиб бораверади. Худди шунингдек, ёш ўттан сари бошқа ишни бошлаш мураккаблашиб боради. Агар сиз касбингизни бари бир ўзгартиришга қарор қабул қилган бўлсангиз, унда астойдил меҳнат қилишга ва қўшимча билим олиш учун йиллаб ўқишига ўзингизни тайёрланг. Бундан ташқари, асабларни мустаҳкам қилишга ҳам тайёр бўлинг, чунки муваффақият йўлида ҳафсалангизни пир қиласиган кўплаб тўсиқлар кутиб турибди.

• Ишга жойлашиш масалалари бўйича консультантлар янги профессионал йўналишни танлашда ёрдам беришлари мумкин.

• Биринчи навбатда ўзингизнинг профессионал тажрибангизга баҳо беринг. Қизиқишлигинги мос соҳаларни аниқлаб олинг. Улардан қайси бирлари сизга кўпроқ тўғри келади?

• Муваффақиятга эришишда муҳим рол ўйнайдиган мақсад сари интилиш, событқадамлик, тиришқоқлик ва салоҳиятлилик каби омилларни унугманг.

• Малакани ўзгартириш бир неча ой давом этадиган ўқишини ва қўшимча сарф-харажатларни талаб қилиши мумкин. Сўнгги қарорни қабул қилишдан аввал барча «ҳа» ва «йўқ»ларни тарози палласига қўйинг.

• Хоҳлаётган касбингиз ҳақидаги батағсил маълумотни олиш учун ихтисослашган журналларни ўқинг, компаниялар сайтиларини ўрганинг ва мазкур соҳада банд бўлган мутахассислар билан сұхбатлашинг.

• Баъзида фаолият турини ўзгартиришнинг энг яхши йўли бу – хусусий бизнесни бошлашдир. Балки ҳаётга татбик этишини хоҳлаган ғоянгиз бордир. Балки сизда истемолга етказмоқчи бўлган товар бордир ва ниҳоят, балки сиз шунчаки ўзингиз учун ишламоқчи дирсиз.

• Бизнес сармоя киритишни талаб қилади. Оёққа туриш учун қанча пул кераклигини таҳлил қилиб кўринг ва узоқ ойлар давомида иш ҳақи олмасликка тайёр бўлинг. Бизнес таваккалчиликка асосланади. Инқироз рўй берганда сиз ҳамма нарсангиздан айрилиб қоласиз.

Бошқа томондан олиб қараганда, ўз ишини юритишнинг афзалликлари маълум. Сиз пул ишлаб топишдан ташқари номоддий активларни ҳам қўлга киритасиз. Муваффақиятли бизнесни ҳамиша яхшигина пулга сотиши мумкин.

• Сиз ўзингиз ишламоқчи бўлаётган соҳа ва бозорни тадқиқ қилинг. Салоҳиятли харидор ёки мижозлар билан суҳбатлашинг. Ҳал қилувчи қарорни қабул қилишдан аввал барча фактларни йигинг.

## ИЛОВА

### ДЕЙЛ КАРНЕГИ ТАМОЙИЛЛАРИ

#### *Дўст орттириш*

1. Танқид қилманг, муҳокама қилишдан ўзингизни тийинг.
2. Тўғри ва ҳаққоний баҳо беринг.
3. Суҳбатдошингизни ниманидир жудаям хоҳлашига мажбур қилинг.
4. Одамларга чин кўнгилдан қизиқиши билдиринг.
5. Табассум қилинг.
6. Инсон исми ҳамма тилда ҳам унинг учун энг ширин оҳанг эканлигини унутманг.
7. Яхши тингловчи бўлинг. Бошқаларни ўзи ҳақида гапиришини рағбатлантириб боринг.
8. Суҳбатдошингизни қизиқтираётган нарса ҳақида гапиринг.
9. Шундай қилингки, суҳбатдошингиз ўзининг муҳим шахслигини англасин. Буни чин кўнгилдан ва самимий амалга оширинг.
10. Баҳсада устун келишни истасангиз, яхшиси, ундан воз кечинг.
11. Суҳбатдошингиз фикрини ҳурмат қилинг. Ҳеч қачон унинг ноҳақ эканлигини гапирманг.
12. Агар ноҳақ бўлсангиз, буни тез ва ишонч билан тан олинг.
13. Мулоқотни дўстона оҳангда бошланг.
14. Бошиданоқ суҳбатдошингизни «ҳа» дейиш заруратига олиб келинг.
15. Одамга гапириб олиш имкониятини яратинг.
16. Суҳбатдошингиз бу юя ўзига тегишли деб ҳисоблашига имкон беринг.
17. Ҳар қандай вазиятни бошқа одам нуқтаи заридан кўриб чиқишига чин кўнгилдан ҳаракат қилинг.

18. Бошқаларнинг фикр ва хошишларига хайри-хоҳлик билдиринг.
19. Бирмунча баланд ғояларга унданг.
20. Ўз ғояларингизни самарали тақдим қилинг.
21. Суҳбатга чорланг.
22. Суҳбатдошингиз фазилатларини чин кўнгилдан тан олиш ва эътироф этишдан бошланг.
23. Одамлар эътиборини уларнинг хатоларига тўғридан-тўғри эмас, оғир ботмайдиган изоҳлар билан қаратинг.
24. Кимнидир танқид қилишдан аввал ўз хатоларингиз ҳақида гаплашинг.
25. Буйруқ бериш ўрнига саволлар беринг.
26. Инсон ўз қиёфасини сақлаб қолишига имконият беринг.
27. Кичик муваффақиятларни ҳам қўллаб-қувватланг ва ҳар бир самарали қадамни рағбатлантириб боринг. Баҳолашда самимий, мақтовда сахий бўлинг.
28. Инсонга у оқлашга ҳаракат қиласиган обрў-эътиборни беринг.
29. Имкон борича тетик бўлишга ҳаракат қилинг. Шундай қилингки, хато жуда осон бартараф этиладигандай туюлсин.
30. Одамлар сиз таклиф қиласиган ишни мамнуният билан бажаришларига ҳаракат қилинг.

### **Безовта бўлмасликнинг асосий тамойиллари**

1. Бугунги кун билан яшанг.
2. Безовталиқ билан қандай курашиб мумкин:
  - а) ўзингиздан «мен билан энг ёмон нима содир бўлиши мумкин?» дея сўранг;
  - б) хаёлан ўзингизни энг ёмон нарсага тайёрланг;
  - в) энг ёмон нарсани яхшилашга ҳаракат қилинг.
3. Безовталигинги учун тўлашингиз керак бўлган бебаҳо тўлов – соғликни йўқотиш мумкинлиги ҳақида тез-тез эслатинг.

## **Безовталиктан таҳдил қилишнинг асосий услублари**

1. Барча фактларни йигинг.
2. Барча фактларни ўрганиб чиқиб, ечимни топинг.
3. Қарор қабул қилиниши билан ҳаракатни бошланг.
4. Куйидаги саволларга жавоб ёзинг:
  - Муаммо нимадан иборат?
  - Ушбу муаммо қандай пайдо бўлган?
  - Уни бартараф этиш йўллари қандай?
  - Муаммони ечишнинг энг яхши йўли қайси?
5. Безовталиктан ҳисси сизни эгалламай туриб уни бартараф этинг.
6. Доим банд бўлинг.
7. Бўлар-бўлмасга безовта бўлманг.
8. Безовталиктан қуролсизлантириш учун эҳтимоллар назариясини ишга солинг.
9. Тақдирдан қочиб кутулиб бўлмаслигига тан беринг.
10. Сизни безовта қилишга мажбур қиласидиган уёки бу ходисани тушуниб етгач, унга керагидан ортиқ эътибор берманг.
11. Ўтмишни эслаб безовта бўлманг.
12. Яхши нарсаларни ўйланг ва ўзингизни қувноқ туting. Шу заҳоти қувончни ҳис қиласиз.
13. Ўз тафаккурингизни тинчлик, мардонаворлик, соғлиқ ва умид хақидаги фикрлар билан бойитинг.
14. Ҳеч қаҷон душманларингиздан қасос олишга уринманг.
15. Миннатдорлик билдиришларини кутманг.
16. Омадсизликларни эмас, ғалабаларингизни ҳисобланг.
17. Бошқаларга тақлид қиласанг.
18. Тақдир сизга лимон берса, сиз уни лимонадга айлантиринг.
19. Бошқаларни баҳтли қилишга ҳаракат қилинг.

## **МУНДАРИЖА**

<i>Сүзбоши .....</i>	3
<i>Биринчи боб. Ишчан қиёфа яратиш.....</i>	8
<i>Иккинчи боб. Ходимларни бошқариш</i>	
кўникмаларини тacomиллаштириш....	38
<i>Учинчи боб. Жараёнли менежмент</i>	
кўникмаларини тacomиллаштириш....	64
<i>Тўртинчи боб. Оммавий чиқишилар</i>	
бўйича кўникмаларни ошириш.....	98
<i>Бешинч боб. Амалий ёзишмаларни</i>	
тacomиллаштириш.....	122
<i>Олтинчи боб. Сиз хизмат қиладиган</i>	
компания доирасида мартабангизни	
ошириш йўллари.....	144
<i>Еттингичи боб. Янги иш қидириш</i>	
вакансиялар манбаидир .....	173
<i>Саккизинчи боб. Янги иш қидириш –</i>	
резюме ва мулоқот.....	201
<i>Тўққизинчи боб. Фаолият турини</i>	
ўзгартириш.....	231
<i>Илова. Дейл Карнеги тамойиллари .....</i>	265

*Оммабон нашр*

**ДЕЙЛ КАРНЕГИ**

**МАНСАБ ПИЛЛАПОЯЛАРИДАН  
ҚАНДАЙ КҮТАРИЛИШ  
МУМКИН**

**Мұхаррір  
МұхайдіРІХСИБЕКОВА**

**Бадий мұхаррір  
Уйнұн СОЛИХОВ**

**Мусаххих  
Мадина МАҲМУДОВА**

**Саҳифаловчи  
Суннат МУСАМЕДОВ**

**Техник мұхаррір  
Умид ЯҲШИМОВ**

Лицензия раками: А1 № 252. 2014 йил 02.10 да берилганды.

Босишка 14.07.2016 й.да рухсат этилди.

Бичими 84x108 1\32.

Босма тобоги 8,5. Шартты босма тобоги 14,28.

Гарнитура «Palatino Linotype». Офсет қоғоз.

Адади 5000 нұсха. Буюртма № 159.

Баҳоси келишилгандармен.

«Яңғы аср авлоди» НММДА тайёрлаңғанда үшінші орындаған.  
100113. Топкент, Чилоизор-8, Қатортол күласи, 60.

*Мурожаат үчүн телефонлар:*

Нашр бўлими – 147-00-14, 129-09-72.

Маркетинг бўлими – 128-78-43; 397-10-37, факс – 273-00-14;

e-mail: yangiasravlod@mail.ru

**«ЯНГИ АСР АВЛОДИ» НАШРИЁТ-МАТБАА  
МАРКАЗИ ҚУЙИДАГИ КИТОБЛАРНИ  
ТАВСИЯ ҚИЛАДИ:**

**«Тұгри овқатланишнинг 55 қоидаси»**

**84x108 1\32, 88 бет**

**Юмшоқ муқова**

Мазкур китобдан фойдали ва тұгри овқатла-  
нишнинг эң мұхим – 55 қоидаси жой олган. Ушбу  
қоидалар ҳаёт тарзингизни тубдан үзгартыришни  
тақозо этмайды. Сиз қундалик овқатланиш тар-  
тибини бир оз үзгартыришингиз, атроф-мухит,  
реклама ва бошқа омиллар орқали сингдирилган  
маҳсулотларни дастурхонингиздан четлатишин-  
гиз, фойдали ва тұгри овқатланиш мезонига эъ-  
тибор берисингиз керак, холос. Бу каби оддий  
қоидаларга амал қилиш натижасида ақволингиз  
үзгара боради: фикрингиз тиниқлашади, күнг-  
лингизни шодлик ҳисси чулғаб олади, үзингизга  
нисбатан ишонч ҳисси ортади. Китобдаги маълу-  
мотлар соғлиғингизни сақлашади, фарзандлар ва  
яқинларингизни турли касалликлардан әхтиёт  
қилишда сизга яқиндан ёрдам беради. Демак,  
мустаҳкам саломатлик сари юзланамиз!

**«Оилада севги сұхбатлари»**

**84x108 1\32, 112 бет**

**Юмшоқ муқова**

Хаёт ичра оила ҳаётимиз ҳам ўтиб кетмоқда.  
Уни хузур-халоватли, мазмұнли, мароқли үтка-  
зип ҳар ота-онанинг орзуси.

Бу эзгу ниятингиз амалга ошиши учун ушбу  
китобдан ҳар куни бор-йүғи 15 дақиқа оиласынгиз  
даврасида мутолаани иўлга қўйсангиз бас.

Оиласынгиз СЕВГИ, МЕХР, САОДАТ шуълалари  
иля нурағашон бўлсин, азиз ўқувчи!

**«Мактаб оиласдан бошланади»**  
**84x108 1\32, 232 бет**  
**Юмшоқ муқова**

Агар фарзандингизнинг ижобий томонга ўзгаришини хоҳласангиз, ҳаракатларингизни бошқаринг.

Агар фарзандингиз камроқ телевизор кўришини истасангиз, ўзингиз ҳам телевизор кўришни камайтиринг.

Унинг китоб ўқишини истасангиз, сиз ҳам унинг кўз ўнгидаги китоб ўқишини қанда қилманг...

Тақдим этилаётган китоб Сиз ва Сизнинг фарзандларингиз ҳақида. Мутолаа давомида фарзандингиз билан боғлиқ муносабатларингизга ойдинлик кирита олсангиз, китобда келтирилаётган фикрлар, кўрсатмалар ҳаётингизда аскотса, биз ўз мақсадимизга эришган бўламиз.

**«Имо-ишоралар сири»**  
**84x108 1\32, 144 бет**  
**Юмшоқ муқова**

Бу китоб имо-ишоралар ва тана ҳаракати тилини, юз ифодаси ва тана ҳолати тилини ўрганишини хоҳлаганлар учун, сухбатдоши ҳақида ўзи ҳақида гапирганидан кўра кўпроқ билишга ҳаракат қилувчилар, инсон хатти-ҳаракатининг асл, туб сабаблари сирини очишни, сухбатдошининг лаҳзалардаги кайфиятини аниқлашни истаганлар учун. Агар сиз фақат ижобий қиёфа ифодалашга ёрдам берадиган новербал белгиларни ишлатиб ўз танангизни бошқаришини, бу билан сухбатдошингизни ижобий тасаввур ва кайфиятга йўналтиришини ўрганмоқчи бўлсангиз, унда бу китоб сиз учун. Ўз танангиз сизни сотиб қўймаслиги, аксинча сизга иттифоқдош бўлиши учун имо-ишоралар алифбосини синчиклаб, об-

дон ўрганишингиз, ҳар бир новербал сигнал қандай маъно англатишини яхши билиб олишингиз даркор. Китобни ўқиб, келажақда бу қимматли тажрибадан фойдаланинг. Китобни сизга тақдим ва тавсия этишимиздан мақсад шу.

**«Ишнинг кўзини биладиган одамнинг замонавий одоб-ахлоқ китоби»**

**84x108 1\32, 128 бет**

**Юмшоқ муқова**

Улкан муваффақиятлар оддий ва арзимас бўлиб туйилган ҳақиқатлардан бошланади. Бу – жуда жўн кўриниши мумкин, аммо ҳаётнинг энг оддий, лекин ўта зарур мазмуни ушбу ҳақиқатлар ҳукмига бўйисунади. Сизга ишонч билдиришлари, ҳамкорликда ишлашлари ёки яхши ишга жойлашишингиз учун нималар керак ва қандай қоидаларга амал қилишингиз лозим? Қайси жихатларингиз сизни атрофдагиларга «фош қилади»?

Китоб дунё ва халқаро этикет мезонларига асосланиб тайёрланди, бу эса сизга халқаро ишбилармонликда ҳам жуда қўл келади. Шунингдек, ушбу китобдан юқоридаги саволларга атрофлича жавоб топасиз.

# ДЕЙЛ КАРНЕГИ

Дейл Карнеги 1888 йил Миссури штатида, фермерлар оиласида туғилди. Фақирона ҳаёт ёш Дейлнинг юрагида сирли орзуларни уйғотди, катта бўлганида оиласи ҳаётини ўзгартиришга қарор қилди. Ўсмир йигит педагогика коллежига ўқишга кирди, нотиқлик санъати мактаби тўгарагига қатнади.

Дейл Карнеги маҳаллий бизнёсменларга нотиқлик бўйича ўқув машғулотларини ўтказди. Тингловчиларга муваффакиятга эришиш, мижозлар билан муомала ўрнатиш усулларини қизиқарли асосда олиб бордики, кейинроқ Дейл Карнеги маъruzалари китоб ҳолида ўқувчилар қўлига етиб борди.

*Dale Carnegie*



ЯНГИ АСР АВЛОДИ

ISBN 978-9943-27-805-9



9 789943 278059

Рахбарлик курсисига ўтирганингиздан сўнг ходимларингизни сиз илгари бажарган ишни камида сиздек ёки ундан ҳам яхширов бажаришларига илҳомлантиринг.

Гэллоп институтининг аниклашича, ходимнинг бевосита рахбар билан муносабати иш ҳақи вамити ёзлардан кўпроқ аҳамият касб этар экан.

Сиз ходимларингизга касбий ва шахсий ўсиш имкониятини яратиб, уларнинг садоқати ва ишончига эга бўласиз.

Тадқиқотларга қараганда, бошликларнинг эътирофи, қарор кабул қилиш иштирок этиш ходимлар учун пулдан кўра муҳимроқ саналарди.

Ҳар бир инсоннинг ўз ҳаёттарзи ва иш услуби бор. У ёки бу ходим қандай ишлаётганини кузатинг. Шу орқали унинг ахлокий манерасини билиб оласиз.

Зерикарли ишни ранг-баранг қилиш учун уни замонавийлаштиринг.

Ўз вазифасини қониқарсиз бажартгани учун уни ишдан қувиша таҳди迪 ходимга ҳаракат бағишламайди, бундай ҳолатда у минимум даражада ҳаракатланади. Факат мотивациянинг ҳаққоний усулларигина ходимни қерагидан кўпроқ ишлашга унрайди.

Мактоб ҳаққоний бўлиши керак. Сиз ўзингизга, гапираётган гапингизга ишонинг.



[www.book.uz](http://www.book.uz)  
Онлайн китоб дўкони